

# ሱኡጎ ማፃአፖ ዓይያ ካሮ

ሱኡጎ ማፃአፖ ዲሰራዔኤሌ ዳራ ካኦናን ዓጮ ጌሌሢዳፓ ዴንዲ ዓይያቶ ካኦታ ካኦታዳ ዎዶ ሄላንዳኦና ዓኣ ሃይሶ ኬኤዛያኬ፤ ዩይ ዎዳ ዲሰራዔኤሌ ዳራ ሜሌ ያኦዞ ካኦሽኪ ናንጊና ናንጋ ጎዳም ዋይዞ ዓዲ ዎዶኬ። ሃሮ ማፃአፖይዳ ዓኣ ሃይሳ፡- «ሱኡጎ» ጌይንቴያ ያሎና ዔርቴ ዓሳ ፔቴ ፔቴሢ ማዴ ማዳ ኬኤዛያኬ። ዩያቶ ሱኡጎይዳፓ ባሽሢ ያሎ ያላ ዓሶ ዓይሣ ዓሶኬ፤ ዩያቶ ባኣካፓ ኮሺ ዔርቴያ፣ ጫርቂ ዒ ያሌ ያሊያና ባሽ ባሽፃ (ዓይሣ 13—16) ሄላንዳኦና ዓኣ ጋርይዳ ኬኤዛያኬያ፣ ሶምሶሜ ጌይንጎሢኬ።

ሃሮ ማፃአፔላ ኦና ዔርዞ ዳኤፖ ባካ፡- ዲሰራዔኤሌ ዳሮ ሄላንዳ ባኣዚ ባኣያ ማዒ ጉሙርሳሢ ዔይታ ናንጊና ናንጋ ጎዳም ጉሙርቂንጎያ ማዔቴታሢ፤ ሃሣ ዒዛም ዔይታ ጉሙርቂንጎያ ማዑዎ ዎዶና ቢያ ዎዴ ዔይቶይዳ ባይሰንጎ ሙካሢ ዛሎኬ። ዩያይዳፓ ባሽ ሜሌ ባኣዚ ዓኣኔ፤ ዩና ዓይጎዳይ ጌዔቴ፡- ዳራ ናንጊና ናንጋ ጎዳም ጉሙርቂንጎያ ማዔም ባይሰንጎ ዔይቶ ሄሌቴያ ጎሞ ዔይታ ቡኡዲ ዒዛ ባንሢ ማዓ ዎዶና ዒዚ ዔይቶ ዓውሳያ ማዔሢኬ።

## ማፃአፔላ ዲማ ዲማ ዓርቂ ባኮ

ዒያሱ ሃይቃንዳያ ሄላንዳኦና ማዲንቴ ባኮ (1:1—2:10)

ዲሰራዔኤሌ ዓሶኮ ሱኡጎ (2:11—16:31)

ዲማ ዲማ ማዲንቴ ባኮ (17:1—21:25)

ዪሁዳንጎ ሲሞኦኔንጎታ ፃጰ ዓዶኒቤዜቄ ዲዒ ዔኬሢ

1 ዒያሱ ሃይቁሰካፓ ዲሰራዔኤሌ ዳራ፡- «ካኦናን ዓሶ ያላኒ ኦኡኮ ፃጰ ፃጰ ማኦርይዳፓ ቤርታ ኬሰካንዳ ዓሳ ያናንሢዳይ?» ጌይ ናንጊና ናንጋ ጎዳ ያኦጩኔ።

2 ናንጊና ናንጋ ጎዳ ዔይቶም፡- «ዪሁዳ ፃጰ ቤርታዲ ኬሰኪ ያሎንጎ፤ ዓጩሎ ታ ዔይቶም ዓኣሢ ዒንጋንዳኔ» ጌዔኔ።

3 ዓመና ዪሁዳ ፃጰ ዔይቶ ዒጊኖ ማዔ፣ ሲሞኦኔ ፃጰ ኮይላ፡- «ኦም ዒንጊንጎቴ ዓጩሎ ዴንዲ ካኦናን ዓሶ ያላኒ ኦ ዎላ ዴንደም፤ ዩካፓ ዒንሢም ዒንጊንጎቴ ዓጩዎ ኦ ዒንሢና ዎላ ዴንዲ ያላንዳኔ» ጋዓዛ፣ ሲሞኦኔ ፃጰ ዔይቶና ዎላ ዴንዳኔ።

4 ዩያሮ ዪሁዳ ዴራ ዔያቶና ዎላ የሎሮ ዴንዴኔ፤ ናንጊና ናንጋ ጎዳኣ ዔያታ ካኣናኔ ዓሶንታ ፔርዛ ዓሶ ባሻንዳጉዲ ማሄም ቤዜቄይዳ ታጾ ሺያ ዓሲ ዔያታ ዎዴኔ።

5 ዔያታ ዒኢካ ቤዜቄ ዓጮ ካኣቲ፣ ዓድኒቤዜቄ ዴንቃዎ ዒዛ የሌ ካኣናኔ ዓሶንታ ፔርዛ ዓሶዎ ባሾኔ።

6 ዒማና ዓድኒቤዜቄ ዔያቶ ቤርታፓ ጳሽኬኔ፤ ጋዓንቴ ዔያታ ዒዛ ዳውሲ ዓርቄ ኩጮና ቶኮናኮ ዶኦም ኬኤሎንሢ ኬኤሎንሢ ቲቄኔ፤

7 ዩያሮ ዓድኒቤዜቄ፡- «ኩጮና ቶኮናኮ ዶኦም ኬኤሎ ኬኤሎ ታ ቲቄም ታ ማኣሮይዳ ጎንጎ ዴማ ዲኢኔ ካሦ ማንፂ ሙዓ፣ ለንካይታም ካኣታ ዓኣኔ፤ ዔያቶይዳ ታ ማዴ ጌኖ ማዶ ናንጊና ናንጋ ጎዳ ታኣም ሺርሺ ዒንገኔ» ጌዔኔ፤ ዩካፓ ዔያታ ዒዛ ዩሩሳላሜ ዔኪ ዴንዳዛ ዒኢካ ዒ ሃይቄኔ።

**ዪሁዳ የጳ ዩሩሳላሜንታ ኬብሮኦኔንታ የሌ ዓርቄሢ**

8 ዪሁዳ ዓሳ ዩሩሳላሜ የሌ ዓርቄ፣ ዓሶዎ ጨንቾ ዓፓርና ዎዴኔ፤ ካታሜሎዎ ታሚና ሚቼኔ።

9 ዩካፓ ዔያታ ጌሚራዳ ዓጮኮ ዶኦሎ ዛሎ ዓጮና ዳውላዳ ዓጮናይዳ ናንጋ ካኣናኔ ዓሶ የላኒ ዴንዴኔ።

10 ዔያታ ኬብሮኦኔይዳ ናንጋ ካኣናኔ ዓሶ የሌኔ፤ ኬብሮኦኔኮ ቤርታኣ ሱንፃ ዓርባዒ ካታም ጌይንታኔ፤ ዒማና ዔያታ ሸሻይኔ፣ ዓሂማኔና ታልማይኔ ጌይንታ ቶኦኮ የሌ ባሾኔ።

**የቲኒዔኤሌ ዴቢሬ ካታም የሌ ባሾሢ  
(ዒያ. 15:13-19)**

11 ዩካፓ ዪሁዳ ዓሳ፡- ዴቢሬ ካታም የሌኔ፤ ዒዞና ዩኖ ካታሜሎኮ ሱንፃ፡- «ቂሪያት ሴፔሬ» ጌይንታኔ፤

12 ካኣሌቤ ዒማና፡- «ቂሪያት ሴፔሬ የሌ ባሾ ዓሂም ታናዎ ዓክሳኣኖ ታ ዒንጋንዳኔ» ጌዔኔ፤

13 ካኣሌቤኮ ጌኤዚ ቄናዜ ናኣዚ፣ የቲኒዔኤሌ ዩኖ ካታሜሎ የሌ ዓርቄኔ፤ ዒዚ ዩያይዴሢሮ ካኣሌቤ ፔኤኮናዎ ዒዛም ዒንገኔ።

14 ዔፖ ዓሶ የቲኒዔኤሌ፡- «ዓክሳኣኔ፣ ሩዴ ኔኤም ጎሺ ዒንጋንዳጉዲ ያኦጮ» » ጌይ ዓይሢኔ፤ \* ዩያሮ ዒዛ ካኣሌቤ ዴንቃዎ ዒዛ ቶጊ ዓኣ ሃራፓ ኬዳዛ ካኣሌቤ ዒዞ «ዓይጎ ታ ኔኤም ዒንጋንዳጉዲ ኔ ኮዓይ?» ጌይ ያኦጮኔ።

\* **1:14 ዓክሳኣና ያኦጮንዳጉዲ የቲኒዔኤሌ ዓይሢኔ** ጋዓዞ፡- ዔብሬ ዓሶ ሙኤጮ ማፃእፖይዳ «ዓክሳኣና የቲኒዔኤሌ ዓይሢኔ» ጋዓኔ።

15 ዒዛ:- «ኔ ታኣም ዒንጌ ዓጫ ዳውላዳ ቤሲታሢሮ ዋኣሢ ዓልቃ ቤሲ ዳካ ታኣም ኔ ዒንጋንዳጉዲ ታ ሺኢቃ» ጋዓዛ፡ ካኣሌቤ ጌሚሮና ቦኦሎናይዳ ዓኣ ዋኣሢ ዓልቃ ቤሲ ዒዛም ዒንጌ።

**ቢኢኒያሜንታ ዪሁዳንታ ፃጳ ያሎና ባሺ ባሺያ**

16 ሙሴኮ ባይሲ፡ ቄና ጎያ ዓሢኮ ዜርፃ ዪሁዳ ዓሶና ዋላ ቱምሬ ጌይንታ ሚፃ ዲቢ ዓኣ ዒያርኮ ካታማፓ ዔቂ ዪሁዳይዳ ዓኣ ዓራዴኮ ዶኦሎ ዛላ ዓኣ ዳውሎ ዓጮ ዴንዲ ዒኢካ ዓማሌቄ ዓሶ ባኣካ ዴዔ።

17 ዪሁዳ ዓሳ ሲሞኦኔ ዓሶና ዋላ ፔቱ ማዒ ያሊ ዪፓቱ ካታማ ናንጋ፡ ካኣና ናሶ ባሺ፤ ካታሜሎ ዔያታ ጋፒሲ ባይዜሰካፓ ሱንፃ ዒዛኮ «ሆርማ» (ጋፒሲ ባይዜኔ) ጌይ ጌሢ።

18 ዪሁዳ ፃጳ ጋኣዛንታ ዓሰቁሎንታ ዓቃሮንታ ኮይላ ዓኣ ዓጮዋ ቢያ ዓርቄ።

19 ናንጌና ናንጋ ጎዳ ዪሁዳ ዓሶና ዋላ ዓኣሢሮ ጌሚራዳ ዓጮሎ ዔያታ ባሺ ዓርቄ፤ ጋዓንቱ ሂርኬ ዶኦሎ ዪዘይዳ ናንጋ ዓሶኮ ዓንጌ ሳርጌላ ያይታ ዓኣሢሮ ያሊ ዳውሲ ኬሳኒ ዔያታ ዳንዳዒ ባኣሴ።

20 ሙሴ ዓይሢ ጎይፃና ኬብሮኦኔ ካኣሌቤም ዒንጌንቱ፤ ዒዚያ ሃይሦ ዔናኣቄ ቶኦኪ ማዔ ዓሲ ዒኢካፓ ያሊ ኬሴ።

21 ቢኢኒያሜ ፃጳ ጋዓንቱ ዬሩሳላሜይዳ ናንጋ ዒያቡሳ ዓሶ ያሊ ኬሲ ባኣሴ፤ ዬማፓ ዓርቃፃ ዒያቡሳ ዓሳ ቢኢኒያሜ ዓሶና ዋላ ሃኖ ሄላኒ ናንጋ።

**ዔፕሬኤሜንታ ሚናኣሴንታ ፃጳ ቤኤቴኤሌ ያሊ ዓርቄሢ**

22 ዮሴፔ ዜርፃ ዒማና ቤኤቴኤሌ ያላኒ ዴንዴ፡ ናንጌና ናንጋ ጎዳኣ ዔያቶና ዋላ ማዔ፤

23 ዒማና ዔያታ ቤኤቴኤሌ ካታሞ ሙራንዳ ዓሲ ዳኬ፤ ዬሮ ካታሜሎኮ ሱንፃ ዬያኮ ቤርታ «ሎኦዛ» ጌይንታ።

24 ዬሮ ሙሮ ዓሳ ካታሜሎፓ ኬሰካ ፔቱ ዓሲ ዴንቃፃ ዬያ ዓሢ ኮይላ፡ «ካታሜሎ ኦ ዋዲ ጌላኒ ዳንዳዓቴያ ኦም ኔ ኬኤዜቴ ኔና ኦ ዔኤቢ ዋኦታዓኬ» ጌዔ።

25 ዬያሮ ዒዚ ዔያቶም ካታሞ ጌሎ ካሮ ዳዌ፤ ዬያሮ ዔያታ ካታሞ ዓሶ ጩንቾ ዓፓሮና ዋዲ ኩርሴ፤ ዬያ ዓሢንታ ዒዛኮ ዒጊሮንታ ጋዓንቱ ዋዲዋፃ ዔያታ ሃሺ።

1:21 ዒያ. 15:63፤ 2ሳሙ. 5:6፤ 1ዖኦሲ. ዓሃኬ 11:4።

26 ዬይ ዓሢ ዳካ ጋዓፖ ሂኢታ ዓሶ ዓጮ ዴንዲ ካታማ ማዠፍዎ ዬናኮ ሱንዮ «ሎኦዛ» ጌይ ጌሄኔ፤ ሃኖ ሄላንዳኣና ዬና ካታማ ዒማ ሱንዮና ዓኣኔ።

**ዒሰራዔኤሌ ዓሳ ዓጫፓ ዳውሲ ኬሲባኣ ዴሮ**

27 ሚናኣሴ ፃጳ፡- ቤትሻኔ፣ ታዕናኬ፣ ዶኦሬ፣ ዪብልዓሜንታ ማጊዶ ጌይንታ ካታሞና ኮይሎናይዳ ናንጋ ዓሶ ዒኢፓ ዳውሲ ኬሲባኣሴ፤ ዬያሮ ካኣናኔ ዓሳ ዒኢካ ናንጊሢ ዓርቄ።

28 ጋዓንቴ ዒሰራዔኤሌ ዓሳ ሞልቄ ዴንቂ ዴንቂ ሙኬሰካፓ ካኣናኔ ዓሶ ናሽኪባኣንቴ ሞልቄና ማዶ ማዲሼኔ፤ ጋዓንቴ ፔቴታዮ ዔያቶ ዒኢፓ ዔያታ ኬሲባኣሴ።

29 ዬያጉዲ ዔፕሬኤሜ ፃጳኣ ጌዜሬይዳ ናንጋ ካኣናኔ ዓሶ ዳውሲ ኬሲባኣሴ፤ ዬያሮ ካኣናኔ ዓሳ ዒኢካ ዔያቶና ሞላ ናንጋያ ማዔ።

30 ሃሃ ዛብሎኦኔ ፃጳ ቂትሮኔና ናህላኣሌናይዳ ናንጋ ዴሮ ዒኢካፓ ኬሲባኣሴ፤ ዬያሮ ዒኢካ ናንጋ ካኣናኔ ዓሳ ዔያቶና ሞላ ናንጋያ ማዔ። ያዲ ማዔቴያ ዛብሎኦኔ ዓሶም ናሽኪባኣያ ዔያታ ሞልቄና ማዲሽ ማዶ ማዲያ ማዔ።

31 ጊንሃ ሃሃ ዓሴኤሬ ፃጳ፡- ዓኮይዳ፣ ሲዶናይዳ፣ ዓህላኣቤይዳ፣ ዓክዚቤይዳ፣ ሄልባይዳ፣ ዓፔቄንታ ሬሆቤ ካታሞንታይዳ ናንጋ ዓሶ ዳውሲ ኬሲባኣሴ።

32 ካኣናኔ ዓሶ ዔያታ ዳውሲ ኬሱሞ ሃሺ ዒኢካ ዔያቶና ሞላ ናንጌ።

33 ዬያጉዲ ኒፕታኣሌኤሜ ፃጳ ቤትሹሚሽና ቤትዓናቴናይዳ ናንጋ ዴሮ ዳውሲ ኬሲባኣሴ፤ ዬያሮ ኒፕታኣሌኤሜ ዴራ ካኣናኔ ዓሶና ሞላ ዒኢካ ናንጊሢ ዓርቄ። ያዲ ማዔቴያ ዔያታ ሞልቄ ማዶ ዔያቶም ማዳንዳጉዲ ካኣናኔ ዓሶይዳ ሞልቃዳ።

34 ዓሞራ ፃጳ ዳኣኔ ፃጳ ጌሜራዳ ዓጮሎ ባንሢ ዳውሳሢሮ ቦኣላዳ ጊንዮ ዔያታ ኬዳኒ ዳንዳዒባኣሴ፤

35 ዓሞራ ዓሳ ቤዛፓ ዓጊጹሞ ሄሬሴ ዲኮይዳ፤ ሃሃ ዓያሎኔንታ ሻዓልቢሜ ጌይንታ ቤዛ ናንጌ። ያዲ ማዔቴያ ዔፕሬኤሜንታ ሚናኣሴ ፃጳንታ ፔኤም ሞርቃንዳጉዲ ፔ ዴማ ማሂ ሞልቄ ማዶ ናሽኪባኣንቴ ዔያቶ ማዲሼኔ።

36 ዓሞራ ዓሶኮ ዛጳ ዓቅራቢሜ ዴንዳ ቶኦሎ ካሮና ጌይ ዴንዳያኬ።

1:28 ዒያ. 17:11-13። 1:29 ዒያ. 16:10።

# 2

ናገረና ናገጋ ጎዳኮ ኪኢታጎቻህ ቦኪሚይዳ ኬኤዜ ባኮ

1 ናገረና ናገጋ ጎዳኮ ኪኢታጎቻህ ጌልጌላይዳፓ ቦኪሚ ዴንዲ ዲሰራዔኤሌ ዓሰም፡- «ታ ዲንህ ገብፃ ዓጮይዳፓ ኬሲ ዲንህኮ ቤርታኦ ዓደንህም ዲንጋኒ ጫኦቄ ዓጮሎ ዔኪ ሙኬኔ፤ ዲማና ታ ዲንህም፡- <ዲንህና ዎላ ታ ጫኦቄ ጫኦቄም ሃሻዓኬ፤

2 ዲንህ ሃኖ ዓጮይዳ ናገጋ ዴሮና ዎላ ዓይጎ ባኦዚያ ማዎም ጫኦቄፖቲ፤ ዔያቶ ጾኦዘም ዔያታ ዲንጎ ባኮ ዲንጋ ቤዘ ዶይሲ ባባይዙዋቲ፤ ጌዔኔ፤ ዲንህ ጋዓጎቲ ታኦም ዓይህጎቲባኦሴ፤ ዬያ ዲንህ ዓይጋ ማዳይ?

3 ዬያሮ ሃህ ዲንህኮ ቤርታ ዓኦ ዴሮ ዳውሲ ታኦኒ ኬሲንዲዎህ ታ ዲንህም ኬኤዛኦኬ፤ ዔያታ ዲንህኮ ማቶ ማዓንዳኔ፤ ሃህ ዔያታ ካኦሽካ፡ ማሌ ጾኦዘ ዲንህኮ ፒሮ ማዓንዳኔ» ጌዔኔ፡፡

4 ናገረና ናገጋ ጎዳኮ ኪኢታጎቻህ ዬያ ኬኤዛዛ ዲሰራዔኤሌ ዴሮ ፔኤኮ ዑኡዘ ዴጊዲ ዬኤሴኔ፤

5 ዬያሮ ዬኖ ቤዜሎኮ ሱንፃ «ዬኤካ ዓሶ» ጌይንቴኔ፤ ዲኦካ ዔያታ ናገረና ናገጋ ጎዳም ዲንጎ ባኦዚ ዲንጌኔ፡፡

## ዲያሱኮ ሃይቦ

6 ዲሰራዔኤሌ ዓሳ ፔ ቤዘ ቤዘ ዴንዳንዳጉዲ ዲያሱ ዓሶ ሳራህ ዳካዛ ዓሳ ፔኤም ዓንጎና ዴኖ ዴኖ ዔካኒ ዴንዴኔ፡፡

7 ዲያሱ ናንጌ ዎዶይዳ ቢያ፤ ሃህ ዓዚ ሃይቁሰካፓ ናንጌ ጋርቻ፤ ጌይፃ፡- ናገረና ናገጋ ጎዳ ዲሰራዔኤሌ ዓሰም ፔ ዎልቆና ማዳ ዲቃሃ ባኮ ቢያ ፔ ዓኦፖና ዛጌ፡ ዬና ዓሳ ናንጌ ዎዶይዳ ቢያ ዲሰራዔኤሌ ዓሳ ናገረና ናገጋ ጎዳ ካኦሽኪያ ሃሽባኦሴ፡፡

8 ናገረና ናገጋ ጎዳኮ ዓይላህ፡ ኔዊ ናኦዚ፡ ዲያሱ ፃኤታና ታጾ ለዔናይዳ ሃይቄኔ፤

9 ዓዚ ዴኔ ማዔ ቤዘይዳ ዴኡቲኔ፤ ዬና ዓዚ ዴኡኪንቴ ቤዛ ጌሚራዳ ዔፕራኤሚ ዓጮይዳ፡ ጋዓሽ ዴኮኮ ኬዶ ዛሎይዳ ዓኦ «ቲምናት ሴራሄ» ጌይንታያኬ፡፡

10 ዬኖ ዎዶና ዓኦ ዓሳ ጉቤ ሃይቄኔ፤ ናገረና ናገጋ ጎዳንታ ዓዚ ዲሰራዔኤሌ ዓሰም ማዳ ኮዦ ባኮዎ ዔሩዎ ማሌ ዓሲ ዬካፓ ኬሰኬኔ፡፡

## ዲሰራዔኤሌ ዓሳ ናገረና ናገጋ ጎዳ ካኦሽኪያ ሃሽህ

11 ዬካፓ ዲሰራዔኤሌ ዓሳ ናገረና ናገጋ ጎዳ ቤርታ ፑርታ ማዳ ማዳኔ፤ ባዓኦሌ ጌይንታ ማሌ ጾኦሲያ ዔያታ ካኦሽኬኔ፤

12 ጊብፂ ዓጫፓ ዔያቶ ከሴ፣ ዔያቶኮ ቤርታኦ ዓደንሢኮ ጾዛሢ፣ ናንጊና ናንጋ ጎዳም ማዲያ ዔያታ ሃሺ ዔያቶ ኮይላ ዓኣ ዴራ ካኣሽካ ጎኔቱዋ ጾዛዞ ካኣሽኪ ዬያም ማዲሢ ዓርቄ፤ ዬያ ጾዛዞም ዘጊያና ናንጊና ናንጋ ጎዳ ዔያታ ደጋሴ።

13 ናንጊና ናንጋ ጎዳ ካኣሽኪያ ሃሺ፡- «ባዓኣሌና ዓሰታሮቴና» ጌይንታ ማሌ ጾዛዞ ዔያታ ካኣሽኪ፤

14 ዬያሮ ናንጊና ናንጋ ጎዳ ዒሰራዔኤሌ ዓሶ ዑፃ ማርጌና ዲጋዲ ዔያቶ ቡራንዳ ሱላም ዓኣሢ ዒንጌ፤ ሃሢ ዔያቶ ኮይላ ዓኣ ሞርካ ዔያቶ ባሻንዳጉዲ ዒ ማሄ፤ ያዲ ማዔሢሮ ዒሰራዔኤሌ ዓሳ ፔ ሞርኮ ቃዛኒ ደንዳዒባኣሴ።

15 ዔያታ ጾሎሮ ከሰካኣና ናንጊና ናንጋ ጎዳ ቤርታ ጫኣቄ ኬኤዜ ጎይያና ዔያቶ ዒ ጾላያ ማዔ፤ ዬያሮ ዔያታ ማርጌ ማቶይዳ ኬዴ።

16 ያዲ ማዔሢኮ ጊንፃ ዬያ ጾሊ ማታሳ ዓሶይዳፓ ዔያቶ ዓውሳንዳ ሱኡጌ ናንጊና ናንጋ ጎዳ ዔያቶም ኬሴ።

17 ጋዓንቴ ዒሰራዔኤሌ ዓሳ ዔያቶኮ ሱኡጎም ዓይሢንቱዋያ ማዔ፤ ናንጊና ናንጋ ጎዳም ዔያታ ጉሙርቁንቲ ናንጋ ናንጎ ሃሺ ማሌ ጾዛዞ ካኣሽኪ፤ ዔያቶኮ ዓደንሢ ናንጊና ናንጋ ጎዳኮ ዓይሢያ ቦንቺ ናንጌ፤ ዔያታ ጋዓንቴ ዬያይዲባኣሴ።

18 ናንጊና ናንጋ ጎዳ ሱኡጌ ኬሳ ዋደና ዋደና ዬያ ዓሢና ዋላ ማዔ፤ ዔያቶኮ ሞርካ ዔያቶ ዳውሳኣና ሃሢ ዔያቶ ማታሳ ዋደና ዔያታ ናንጊና ናንጋ ጎዳ ባንሢ ዒላታዛ ዒዚ ዔያቶ ማጪንታሢሮ ዬይ ሱኡጋሢ ናንጋ ዋደ ቢያይዳ ዔያቶኮ ሞርኮ ኩጫፓ ናንጊና ናንጋ ጎዳ ዔያቶ ዓውሳ።

19 ጋዓንቴ ዬይ ሱኡጋሢ ሃይቃዛ ዓሳ ጊንሣ ማሌ ጾዛዞ ካኣሽኪ፣ ዬያም ዘጊ ዔያቶኮ ዓደንሢፓ ባሼ ጎሜ ማዲያ ማዔ፤ ዔያታ ማዲ ፑርቶ ማዲንታ ዋይዚ ዒዲ ጌኤታደ ባኮዋ ሃሹዋያ ማዔ።

20 ዬያሮ ናንጊና ናንጋ ጎዳ ዒሰራዔኤሌ ዓሶ ዑያይዳ ደጋዲ፡- «ሃይ ዴራ ዔያቶኮ ዓደንሢና ዋላ ታ ጫኣቄ ጫኣቁም ሃሼ፤ ታ ዓይሢ ባኮዋ ካፒ ኩንሢባኣሴ።

21 ዬያሮ ዒያሱ ሃይቃኣና ዓጩሎይዳ ዓኣ፣ ዔያቶኮ ሞርኮ ማዔ ዴርፓ ፕቴታያ ዔያቶ ቤርታፓ ታ ዳውሲ ኬሳኣ።

22 ሃኣታ ዒሰራዔኤሌ ዓሳ ዔያቶኮ ቤርታኦ ዓደንሢጉዲ ታና ካኣሽኪ ታኣም ዓይሢንታቴያ ዓይሢንቱዋቴያ ታ ዔራንዳሢ ዬያ ዴር ታኣኮ ዓንጋም ማሢሢናኪ» ጌዔ።

23 ዬያሮ ዬያ ዴር ናንጊና ናንጋ ጎዳ ዒኢካ ዴይይሢ፤ ዒያሱም ዔያቶ ዓኣሢ ዒንጊ ኔጉዋያ ከሲ ዳኪ ባይዚባኣሴ።

# 3

## ገሊ ዳውሲ ከሰንቲባኦ ዳር

1 ካኦና ካሶና ዋላ ያልቲ ቤቁባኦ ዲሰራዔኤሌ ዓሳ ዋይታቲያ ዛጋኒ ናንጊና ናንጋ ጎዳ ዓጩሎይዳ ሃሼ ዳራ ሃካፓ ዳማ ፓይዲንታ ዓሶኪ።

2 ዬያ ዒ ማዴሢ ቤርታ ያልዚ ያሊ ቤቁባኦ ዲሰራዔኤሌ ዓሳ ዔያቶና ያልቲ ያልቲ ያልዚ ዛላ ዔራንዳጉዲ ሌሊከ፤

3 ዓጩሎይዳ ዓቲ ዓሳ ፒሊሰፃኤሜ ዓሶንታ ዔያቶኮ ደንጎ ሱኡጋ፣ ካኦና ዓሳ ጉቤሢ፣ ሲዶና ካታሞ ዓሶንታ ባዓል ሄርሞኔ ዲካፓ ዓርቃዎ ዳንዲ ሃማቲ ሄላንዳኦና ሊባኖኦስ ዲኮይዳ ናንጋ፣ ሂዋዌ ዓሶንታኪ።

4 ናንጊና ናንጋ ጎዳ ዔያቶኮ ቤርታኦ ዓደንሢሞ ከኤዛንዳጉዲ ሙሴም ዓይሢ ዓይሢያ ዲሰራዔኤሌ ዓሳ ቦንቺ ካፓቲያ ካፑዋቲያ ዔራኒ ዬና ዓቲ ዓሳ ናንጊና ናንጋ ጎዳኮ ዛጎ ዓንጋሞ ማዔኔ።

5 ዬያሮ ዲሰራዔኤሌ ዓሳ ካኦና ዓሶ፣ ሂኢታ ዓሶ፣ ዓሞራ ዓሶ፣ ፔርዛ ዓሶ፣ ሂዋዌ ዓሶንታ ዒያቡሳ ዓሶንታኮ ባኦካ ናንጌኔ።

6 ዲሰራዔኤሌ ዓሳ ዬያቶ ዓሶና ዋላ ዔፒና ሲኤሪንቲ፣ ዔያታ ካኦሽካ ያኦዞዋ ካኦሽኪ።

## ገቲኒዔኤሌ

7 ዲሰራዔኤሌ ዳራ ናንጊና ናንጋ ጎዳም ዋይዞ ዓዲ ፑርታ ማዶ ማዴኔ፤ ዔያታ፡- ናንጊና ናንጋ ጎዳ ማዔ ዔያቶኮ ያኦዞሢ ሃሼ ባዓኦሌንታ ዓሼራ ጌይንታ ያኦዞዋ ካኦሽኪ።

8 ዬያይዳፓ ዔቁያና ናንጊና ናንጋ ጎዳ ዲሰራዔኤሌ ዳር ዑፃ ዲጋዲ ማሶፖታሚያ ዓጩ ካኦቲ ኩሻንሪሽዓታይሜ ጎሮሢ ዔያቶ ያሊ ባሻንዳጉዲ ማሃሢሮ ዒዚ ዔያቶ ሳሊ ሌዔ ፔ ዳማ ማሂ ዋይሢ።

9 ዬካፓ ዲሰራዔኤሌ ዓሳ ናንጊና ናንጋ ጎዳ ባንሢ ዲላታዛ ዲዚ ዬያይዳፓ ዔያቶ ዓውሳንዳጉዲ ካኦሌቤኮ ጌኤዚ ቄኔዜ ናኦዚ፣ ገቲኒዔኤሌ ዔያቶም ከሴኔ።

10 ናንጊና ናንጋ ጎዳኮ ዓያና ዲዛ ዑፃ ከዳሢሮ ዲዚ ዲሰራዔኤሌ ዓሶኮ ሱኡጌ ማዔኔ፤ ዲዚ ያሎሮ ከሰካዛ ናንጊና ናንጋ ጎዳ ማሶፖታሚያ ዓጩ ካኦቲ፣ ኩሻንሪሽዓታይሜ ባሻንዳጉዲ ዋልቁ ዲዛም ዲንጌሢሮ ዲዚ ዬያ ካኦታሢ ያሊ ባሼኔ።

11 ዬያሮ ዓጩላ ያይዲታሚ ሌዔ ጉዳያ ያልዚባኦያ ኮሺ ናንጌሰካፓ ቄኔዜ ናኦዚ፣ ገቲኒዔኤሌ ሃይቄኔ።

## ዔሁዳ

12 ሃሣ ዒሰራዔኤሌ ዴራ ናንጊና ናንጋ ጎዳሞ ዋይዞ ዒዲ ፑርታ ማዶ ማዶኔ፤ ዴያሮ ናንጊና ናንጋ ጎዳ ሞዓኣቤ ዓጮ ካኣቲ ዔግሎኔ ዒሰራዔኤሌ ዓሶ ባሻገዳጉዲ ዋልቄ ዒንጌኔ።

13 ዔግሎኔ ዒማና ዓሞኦኔ ዓሶንታ ዓሞሌቄ ዓሶዋ ፔኤና ዋላ ማሂ ዒሰራዔኤሌ ዓሶ ያለፆ ተሚሬ ጌይንታ ሚፃ ሚርጌ ዓኣ ዒያርኮ ካታሞ ባሺ ዓርቄኔ።

14 ዬካፓ ታጳ ሳሊ ሌዔ ዒሰራዔኤሌ ዓሳ ሞዓኣቤ ዓጮ ካኣቲ፣ ዔግሎኔ ዴማ ዋርቄኔ።

15 ዬያሮ ዒሰራዔኤሌ ዓሳ ናንጊና ናንጋ ጎዳ ባንሢ ዒላቴሞ ዒዚ ቢኢኒያሚ ፃጳ ዓሶ ባኣካፓ ጌራ ናኣዚ፣ ዔሁዴ ዔያቶ ዓውሳንዳጉዲ ኬሴኔ፤ ዬያ ዓሢኮ ኩጫ ሻውላኬ፤ ፔቴ ኬሊ ዒሰራዔኤሌ ዓሳ ጌኢራ ዔኪ ዓኣዲ ሞዓኣቤ ካኣቲ፣ ዔግሎኔም ዒንጋንዳጉዲ ዔሁዴ ዑፃ ዳኬኔ።

16 ዔሁዴ ዒማና ፔቴ ዋዳ ማዓንዳጉዴ ያዶሲ ጨንቻ ዓፓር ዓጨ ዲይሲ ዔካፃ ሚዛቆ ዛሎ ኬርኖይዳ ዓፒሎ ዴማ ዓኣቲ ቱከ፣

17 ካኣቲ ዔግሎኔም ጌኢር ዔኪ ዴንዴኔ፤ ዬያ ካኣታሢኮ ዑፃ ዓንዲሪ ዴኤፕ ዓሲኬ።

18 ዔሁዴ ካኣቲሞ ጌኢር ዒንጌሰካፓ ጌኢር ባኮ ኬዲ ዔኪ ሙኬ ዓሶ ማኣሪ ማሂ ዳኬኔ፤

19 ዒዚ ጋዓንቴ ጌልጌላይዳ ዓኣ ያኦሲ ማሂ ካኣሽካኒ ዓርሲ ደቆና ሹጮ ካራፓ ማዒ ዔግሎኔ ኮይላ ሙካፆ፡- «ካኣቲዮ! ታ ኔኤም ሌሊ ኬኤዛንዳ ባኣዚ ዓኣኔ» ጌዔኔ፤ ካኣቲ ዒዛ ኮይላ «ሂዴቶ ጫክ ሂንዳ» ጌዔኔ።

ዬካፓ ካኣቲ ማዶ ማዳ ዓሶ «ዳካር ዙሎ ኬሰኩዋቴ» ጌዔም ቢያሢ ኬሰኬኔ።

20 ካኣቲ ዒማና ሹጮና ማዦና ማኣርኮ ዑያይዳ ዓኣ፣ ዠባሪ ዔኮ ጋርሲዳ ፔኤር ዴዒ ዓኣንቴ ዔሁዴ ዒዛ ባንሢ ሙካፆ፡- «ያኦሲ ኔኤም ዳኬ ከኢታ ዓኣኔ» ጋዓዛ፣ ካኣቲ ዴዔ ቤዛፓ ዔቄኔ።

21-22 ዬማና ዔሁዴ ሚዛቆ ዛላ ዒ ቱኬ ዓፓር ሻውሎ ኩጮና ቱጊ ካኣቲኮ ጎጳይዳ ዓፓርኮ ሹኡካ ዓቱዋንቴ ጎጳ ጋር ጌልዚ ጫርጌም ዓፓራ ዙሎና ሶፔኔ፤ ማላኣ ጨንቻ ዓፓር ማሪ ዓርቄኔ፤ ዒዚ ካኣቲኮ ጎጳፓ ዓፓር ቱጉዋፆ ዬያይዲ ሃሺ ዴንዴኔ።

23 ዔሁዴ ዙሎ ኬሰካፃ ካር ካኣቲዳ ማሂ ቁልፖና ቁልፕ ዴንዴኔ።

24 ዔሁዴ ዴንዴሰካፓ ካኣቲኮ ማዳ ዓሳ ሙካፆ ካራ ዋዲንቴ ዓኣንቴ ዴንቄኔ፤ ጋዓንቴ ዔያታ፡- «ካኣቲ ካር ዋዲ ጋራ ዓኣ ሹኤዦ ማኣራ ሹኤሺ ሹኤቃያናንዳኔ» ጌይ ማሌኔ፤



25 ዔያታ ዙላ ኮሺ ኔጌሰካፓ ዛጋንቴ ካራ ቡሊንቴባአሢረ ቁልፖ ዔኪ ካሮ ቡሌኔ፤ ዒማና ዔያቶኮ ጎዳሢ ሳይዳ ሃይቁ ላሂ ዓአንቴ ዔያታ ዳንቄኔ።

26 ዔያታ ካአቲ ሹኤዠናንዳአዋይ ጌይ ካፖ ካፓአና ዔሁዳ ሚርጌ ሃኪ ዳንዳኔ፤ ዒዚ ዒማና ያኦዞ ጌይ ካአሽኮያ፣ ዓርሲ ደቆና ሹጮ ኮይለና ጌይ ሴዒራ ዳንዳኔ፤

27 ዒኢካ ዒዚ ጌሚራዳ ዔፕሬኤሜ ዓጮ ሃሄላፖ ዒሰራዔኤሌ ዳራ ያልዘም ኬሰካንዳጉዲ ዛዬ ዋርቄኔ፤ ዬያሮ ዒሰራዔኤሌ ዳራ ዒዛ ጊንፖ ጌሚራፓ ጌሚራፓ ኬዳኔ።

28 ዒዚ ዓሰም፡- «ታ ጊንፖ ሙኩዋቴ! ናንጊና ናንጋ ጎዳ ዒንሢኮ ሞርኮ፣ ሞዓአቤ ዓሰ ዒንሢ ባሺሴኔ» ጌዔኔ፤ ዬያሮ ዔያታ ዔሁዳ ጊንፖ ኬዳፖ ሞዓአቤ ዓሳ ዮርዳኖሴ ዋሮና ፒንቃ ካሮ ቲቁ፣ ፔቴ ዓሲያ ዒኢና ቶሊ ዳንዳዋጉዲ ላአጌኔ፤

29 ዬዮ ኬሎ ሌሊ ሞዓአቤ ዓሰኮ ታጳ ሺያ ማዓ ዔርቴ ያልዚ ዓሲ ዔያታ ዋዴኔ፤ ዔያቶ ባአካፓ ፔቴታፖ ቶሌ ዓሲ ባአሱ።

30 ዒማ ኬሎ ዒሰራዔኤሌ ዓሳ ሞዓአቤ ዓሰ ባሺኔ፤ ዬካፓ ዓጩሎይዳ ሳሊታሚ ሌዔ ጉቤ ያልዚባአያ ኮሺ ዋዳ ማዒ ናንጌኔ።

**ሻምጋኦሪ**

31 ዬካፓ ሃሃ ዒሰራዔኤሌ ዓሰኮ ሱኡጌ ማዒ ኬሰኬሢ ዓናቴ ናአዚ፣ ሻምጋኦሪኬ፤ ዒዚ ላሆ ጃኤታ ፒሊስጃኤሜ ዓሲ ጌማቶ ዲቃሢ ዲቃሢ ጎዡ ጎሽኮ ዓጩ ሚያና ጫርጊ ዋዲ ኩርሲ ዒሰራዔኤሌ ዓሰ ዓውሴኔ።

**4**

**ዲቦራና ባርቄና**

1 ዔሁዳ ሃይቁሰካፓ ዒሰራዔኤሌ ዓሳ ጊንሣ ሃሃ ናንጊና ናንጋ ጎዳም ዋይዞ ዒዲ ፑርታ ማደ ማዴኔ፤

2 ዬያሮ ናንጊና ናንጋ ጎዳ ሃያሬ ካታማ ዳዒ ካአናኔ ዓጩ ዋይሣ ካአቲ፣ ያቢኔ ያሊ ባሺ ዒሰራዔኤሌ ዓሰ ዓርቃንዳጉዲ ዓአሢ ዒዛም ዒንጌኔ፤ ዬያ ካአታሢኮ ፖኦሊሶ ዓይሣሢ ዒሰራዔኤሌ ዓሰቱዋ ዳር ዓጪ ማዔያ፣ ሃርሼቴ ካታዋይዳ ናንጋ ሲሳራ ጎያሢኬ።

3 ካአቲ ያቢኔኮ ታዘጳ ጃኤታ ዓንጊ ሳርጌላ ያይታ ዓአኔ፤ ዒዚ ዒሰራዔኤሌ ዳር ላማታሚ ሌዔ ሚርጌ ሚታሲ ዋይሣኔ፤ ዬካፓ ዒሰራዔኤሌ ዓሳ ናንጊና ናንጋ ጎዳ ዔያቶ ማአዳንዳጉዲ ዒላቴኔ።

4 ዲሞና ላፒዶቲ ጎዖስኬያኮ ማቾ «ዲቦራ» ጌይንታ ያኑሲ ማለሢ ከኤዛሰኬና ዓኣኔ፤ ዲዛ ዲሰራዔኤሌ ዓሶኮ ሱኡጌ ማዒ ዋይሣያኮ።

5 ዬና ያኑሲ ማሊያ ከኤዛዘላ ጌሜራዳ ዔፕራኤሜ ዓጮይዳ ራኣማና ቤኤቴኤሌ ካታሞናኮ ባኣካ ዓኣ ዲቦራ ተምሮ ጌይንታ ሚያ ዴማ ዴዒ ዋጋያታሢሮ ዲሰራዔኤሌ ዓሳ ፔኤኮ ጌኤዞ ዔኪ ዔኪ ዲዞ ኮይላ ዴንዳኔ።

6 ፔቴ ከሊ ዲዛ ኒፕታኣሌኤሜ ዓጮ ማዔ፣ ቃዴሴ ካታማፓ ዓቢዓሜ ናኣዚ ባርቄ ዔኤሊሳዖ፡- «ናንገና ናንጋ ጎዳ ማዔ ዲሰራዔኤሌ ያኑዛሢ ኔኤም ኒፕታኣሌኤሜና ዛብሎኦኔ ፃጰ ዓሶናይዳፓ ታጶ ሺያ ዓሲ ዶኦሪ ታኣቦሬ ዲኮ ዔኪ ዴንዳኔ፤

7 ካኣቴያቤኔኮ ፖኦሊሶ ዓይሣሢ፣ ሲሳራ ኔኤና ዋላ ያልታኒ ቁሾኔ ዋሮ ካሮ ሙኮም ታ ዳካንዳኔ፤ ዲዚ ሳርጌሎ ያይቶንታ ፖኦሊሶዋ ዔኪ ሙካንዳኔ፤ ታኣኒ ዲዛ ኔ ባሻንዳጉዲ ኔኤም ዓኣሢ ዲንጋንዳኔ ጋዓኔ» ጌዔኔ።

8 ባርቄ ጋዓንቴ፡- «ኔ ታኣና ዋላ ዓኣዳቴ ታ ዴንዳንዳኔ፤ ታኣና ዋላ ኔ ዴንዳዋያታቴ ታኣኒ ዴንዳዓኬ» ጌዔኔ።

9 ዲዛ ማሃዖ፡- «ቃራኬ፣ ታ ኔኤና ዋላ ዴንዳንዳኔ፤ ጋዓንቴ ናንገና ናንጋ ጎዳ ሲሳራ ላኣለም ዓኣሢ ዲንጋንዳሢሮ ባሺፃ ኔና ቦንቱሳያ ማዓዓኬ» ጌዔኔ፤ ዬካፓ ዲቦራ ባርቄና ዋላ ያሎ ያላኒ ቃዴሴ ዴንዳኔ።

10 ባርቄ ዲሞና ኒፕታኣሌኤሜንታ ዛብሎኦኔንታ ፃጰ ቃዴሴ ሙኮም ዔኤሊሴኔ፤ ዬያሮ ዲዛ ገንፆ ታጶ ሺያ ዓሲ ከሰኬኔ፤ ዲቦራኣ ዲዛና ዋላ ዓኣዳኔ።

11 ቄና ፃጳሢ ሄቤሬ ሙሴኮ ባይሲ ሆባቤ ናኣቶ፣ ቄና ዓሶይዳፓ ዲማዲ ቃዴሴኮ ዑኬ ፃዕናይሜይዳ ዓኣ ዴኤፖ ሻኣባሢ ኮይላ ዓፒሎና ማዢንታ ማኣሮ ፔኤኮ ዶቄኔ።

12 ዓቢኒያሜ ናኣዚ፣ ባርቄ ታኣቦኦሬ ዲኮ ዴንዳሢ ሲሳራም ዓሲ ከኤዘኔ፤

13 ዲዚ ታዘጳ ፃኤታ ዓንገ ሳርጌላ ያይታና፤ ሃሣ ዲዛና ዋላ ዓኣ ፖኦሊሶ ጉቤ ዲሰራዔኤሌ ዓሶቱዋ ዓሶ ዓጪ ማዔ፣ ሃሮሹቴይዳፓ ቁሶኔ ዋሮ ካሮ ዔኪ ዬዒ ቡኩሴኔ።

14 ዲሞና ዲቦራ ባርቄም፡- «ዔቄ ዴንዳ! ናንገና ናንጋ ጎዳ ኔኤኮ ቤርታ ከሰኬኔ፤ ሃና ኔ ሲሳራ ያሊ ባሻንዳጉዲ ዲዚ ኔና ማኣዳንዳኔ» ጋዓዛ፣ ባርቄ ታጶ ሺያ ያልዚ ዓሲ ዔኪ ታኣቦኦሬ ዲካፓ ኬዴኔ።

15 ባርቄ ፔ ፖኦሊሶና ዋላ ሲሳራ ያላዛ ናንጊና ናንጋ ጎዳ ሲሳራንታ ዒዛኮ ፖኦሊሶንታይዳ ካራ ባይዛ ዒጊቹዋ ጌልዜሣር ሲሳራ ሳርጌሎ ያይታጋ ኬዲ ጳሽኬኔ።

16 ባርቄ ዬያ ሳርጌሎ ያይቶና ያላ ዓሶንታ ሃንጎ ፖኦሊሶዋ ቢያ ዒሰራዔኤሌ ዓሶቱዋ ዓሶ ዓጮ ማዔ፣ ሃርሼቴ ሄላንዳኣና ዳውሴኔ፤ ሲሳራኮ ፖኦሊሶዋ ቢያ ዒ ጩንቻ ዓፓርና ዎዲ ኩርሴኔ፤ ፔቲታዎ ዓሲ ዓቲባኣሴ።

17 ሃዖሬ ካኣቲ ያበኔ ሄበሬ ማኣሮ ዓሶና ዋላ ኮሺ ማዒ ናንጋሣር ሲሳራ ዓኣሺንታኒ ቄና ዓሶ ዜርፃሣ ሄበሬ ማቶ፣ ያዔላ ኮራ ኬኤዎ ጌሌኔ።

18 ያዔላ ዒማና ጎይሣ ኬሰኪ ሲሳራ ዔካዎ፡- «ታ ጎዳሃ! ሃኒ ታ ጋሮ ጌሎ፤ ፔቲታዎ ዒጊጪፖ» ጌዔኔ፤ ዬያሮ ዒዚ ጋሮ ጌላዛ ዒዛ ዓፒላና ዒዛ ካንቄ ዓኣቹኔ፤

19 ዬይ ሲሳራ ጎይሣ ዬኖ ዓሴሎ ኮይላ፡- «ታና ዋኣሣ ጄኤቤሣር ሃዳራ ታና ዋኣሣ ዑሹቴራ?» ጋዓዛ፣ ዒዛ ዲኣቄ ዓርሃ ሱርባኮ ካሮ ቡሊ ዲኣቄ ዋሂ ዒዛ ዑሻዎ ጊንሣ ዓፒሎና ካንቄ ዓኣቹኔ።

20 ዬካፓ ዒዚ ዒዛ ኮይላ፡- «ኔኤኒ ማኣሮ ካራ ዔቄ፤ ጎያንቲ ዓሲ ሙኪ ሃይካ ዓሲ ዓኣ?» ጌይ ኔና ያኣጩቴ ብኣሴ» ጌዔ» ጌዔኔ።

21 ሲሳራ ዒማና ኮሺ ላቢንቴሣር ሃይቄ ዳቢ ጊንዔኔ፤ ሄበሬ ማቶ፣ ያዔላ ዋቶሼና ፃውናና ዔካዎ ቃኣፂ ሙኪ ዬያ ፃውኖ ዋኖ ጩኡማ ጌሣ ጳርቄኔ፤ ዬያሮ ዬይ ፃውና ሶፒ ሳዓ ፃጰም ሲሳራ ሃይቄኔ።

22 ባርቄ ሲሳራ ኮዒ ኮዒ ሙካንቴ ያዔላ ዒዛ ዔካኒ ጎይሣ ኬሰካዎ፡- «ሃኒ ዬዔ! ኔ ኮዓ ዓሣ ታ ኔና ዳዋንዳኔ» ጌዔኔ። ዒዚ ዒዛና ዋላ ጋሮ ጌላንቴ ፃውና ሲሳራኮ ዋኖ ጩኡማ ጳርቄንቴ ዓኣ ጎይሣ ሌዛ ሳዓ ላሂ ዓኣኔ።

23 ናንጊና ናንጋ ጎዳ ዬኖ ኬሎ ዒሰራዔኤሌ ዓሳ ካኣናኔ ካኣቲ፣ ያበኔ ያሊ ባሻንዳጉዲ ማሄኔ።

24 ዔያታ ዒዛ ባይዛንዳያ ሄላንዳኣና ዒሰራዔኤሌ ዴራ ካኣቲ ያበኔ ባሺ ባሺ ዓኣዳኔ።

### 5

#### ዲቦራንታ ባርቄንታ ዓይናዳ ዓይኑዋ

1 ዬኖ ኬሎ ዲቦራና ዓቢኢኒያማ ናኣዚ ባርቄና ሂዚ ጌይ ዓይናዳኔ፡-

2 ናንጊና ናንጋ ጎዳም ጋላታ!  
ዒሰራዔኤሌ ዓሳ ያሎ ያላኒ

- ጉቤ ዲናፓ ዔቄኔ፤  
 ዴራኣ ዋዛዲ  
 ፔ ማሊሢና ናሽኪ ዔቄኔ።
- 3 ዲንሢ ካኣታ ዋዛዲዋቲ!  
 ዲንሢ ዋይሣ ዓሳኣ ዲና ዔኪ ዋይዙዋቲ!  
 ናንጊና ናንጋ ጎዳ ማዔ ዲሰራዔኤሌ ያኦዛሢሞ  
 ታ ዓይናዳንዳኔ።
- 4 ናንጊና ናንጋ ጎዳሢዮ!  
 ሴዲሬ ዲካፓ ኔ ዔቃኣና  
 ዔደኦሜ ዓጫፓ ኔ ኬሰካኣና  
 ሳዓ ዓጊጭኔ፤  
 ጫሪንጫፓ ዲርዚያ ዋርቄኔ።  
 ሂዮ! ዋኣፃ ሻኣሮይዳፓ  
 ሊካ ሸኦቲኔ።
- 5 ሲና ዲኮ ያኦዛሢ ቤርቶይዳ  
 ናንጊና ናንጋ ጎዳ ማዔ ዲሰራዔኤሌ ያኦዛሢ ቤርቶይዳ  
 ዲካ ዓጊጭኔ።
- 6 ዓናቲ ናኣዚ ሻሞጋኣሬንታ ያዔላንታ ዋዶና  
 ሲሳራ ዓጮኮ ኮርሞ ዓሳ  
 ዬኖ ዓጮና ዴንዲዋሴ፤  
 ጎይያ ዴንዳ ዓሳኣ ዓኣሺንቲ  
 ሺርሻ ጎይሢና ዴንዳኔ።
- 7 ዔናኣሬ ዲቦራ! ዲሰራዔኤሌ ካታማ  
 ዓሲባኣያ ማዔኔ፤  
 ኔኔኒ ዲሰራዔኤሌኮ ዲንዶ ማዔ  
 ዔቄ ዋዶ ሄላንዳኣና  
 ዲዛ ባዔ ማዔኬ ዴዔሢ።
- 8 ዲሰራዔኤሌ ዓሳ ቤርታ ዔያታ ዔሩዋ  
 ሜሌ ያኦሲ ዶኦሬ ዋዶና  
 ዓጮኦይዳ ያለዚ ኬሰኬኔ፤  
 ያይዲታሞ ሸዮ ዲሰራዔኤሌ ዓሶይዳፓ  
 ጊቲማና ዋርሢና ዓርቂ ኬሰኬ ዓሲ ፔቲታዎ ባኣሴ!
- 9 ዓና ታኣኮ ዲሰራዔኤሌ ፖኦሊሶ ዓይሣዘንሢናኬ፤  
 ዬያጉዲ ዋዛና ናሽኪ ዔቄ ዓሶናኬ፤  
 ናንጊና ናንጋ ጎዳሞ ጋላታ!
- 10 ዲንሢ ኮኦሪንቲ ቦኦሬ ሃሮ ቶጋ

5:5 ኬሲ. ማፃ 19:18።

ኮኦሮ ዑፃ ገሠና ሚዛጸ ባኮይዳኣ ገኢጊ ዴዔ ዓሳ፤  
ሃሣ ገንሣ ዒንሢ ቶኮና ሃንታ ዓሳ  
ዬያ ባኮ ኬኤዙዋቴ።

- 11 ሂንዳ ዋይዙዋቴ!  
 ዋኣፆ ዲዎ ዔቶ ኮይላ ዋይዘንታ  
 ሚርጌ ዓሶኮ ዑኡዛ  
 ናንገና ናንጋ ጎዳ ፆሎና ባሼሢ ዔርዛያኬ፤  
 ሃሣ ዒሰራዔኤሌ ዓሶኮዋ ባሺፆ ኬኤዛያኬ።

ዬካፓ ናንገና ናንጋ ጎዳኮ ዴራ ፔኤኮ ካታማፓ ካታማፓ ኬሰኪ ካታሞ ጌሎ ካሮ ባንሢ ኬዴ።

- 12 ዲቦራ ዔቁ! ዔቁ!  
 ዔቁ! ዓይኑሞዋ ዓይናዳ!  
 ዓቢኒዔሜ ናዓሦ፣ ባርቄ ዔቁ!  
 ሞርኮ ዲዒኒ ዔቁ ቤርታ ዴንዴ!

- 13 ዬካፓ ጉሙርቁንታያ ማዔ ዓሳ ቢያ  
 ፔኤኮ ሱኡጎ ባንሢ ኬዴ፤  
 ናንገና ናንጋ ጎዳኮ ዴራ ፆሎም ገኢጊንቲ  
 ዒዛ ባንሢ ሙኬ።

- 14 ፖኦሊሳ ዔፕራኤሜፓ፣ ገንሣ ሃሣ ዓማሌቄፓኣ ሙኬ፤  
 ሃንጎዋታ ሃሣ ቢኢኒያሜፓ ሙኬ።  
 ፖኦሊሶ ዓይሣ ዓሳ  
 ማኪሬፓ ኬዲ ሙኬ፤  
 ፆሎኮ ሱኡጋኣ ዛብሎኦኔፓ ኬዴ።

- 15 ዪሳኮኦሪ ዓሶ ሱኡጋ ዲቦራና ዋላ ሙኬ፤  
 ሂዮ! ዪሳኮኦሪንታ ባርቁንታ ሙኬ፤  
 ደኦጮ ባንሢያ ዔያቶ ገንፆ ዴንዴ።  
 ጋዓንቲ ሮኦቤኤሌ ዓሳ ላምፆ ቤሲ ፓቁንቲ  
 «ዴንደሞ ሃሾይ?» ጌይ ዔያታ ማሌ።

- 16 ዔያታ ፔ ማራቶና ዋላ ዓይጋ ኔጌይ?  
 ማራቶ ገንቾ ዑኡዙ ዋይዘኒዳ?  
 ሂዮ! ሮኦቤኤሌ ዓሳ ላምፆ ፓቁንቲ፤  
 «ዴንደሞ ሃሾይ?» ጌይ ዔያታ ማሌ።

- 17 ጋኣዴ ዓሳ ዮርዳኖሴ ሱካ ዓቴ፤  
 ዳኣኔ ዓሳኣ ዋኣፆ ካኣሚሎ ኮይላ ዓቴ፤  
 ዓሴኤሬ ዓሳ ባዙ ዓጫ ዓቴ፤  
 ዋኣፆ ካኣሚላ ዔቃ ቤዘይዳ ዴዔ።

- 18 ዛብሎኦኔንታ ኒፕታኣሌኤሜንታ ዴራ ጋዓንቲ

ፔ ሺምፓሢ ሚጨንቱዋዎ ጌሚሮይዳ ያልቴኔ።

- 19 ዋኣፃ ዓልቃ ቤዘ ሚጌዶይዳ  
 ካኣታ ሙኪ ታዕናኬይዳ ያልቴኔ፤  
 ሃሣ ካኣናኔ ካኣታኣ ያልቴኔ፤  
 ሹጮ ቢሮ ዔያታ ዲዒ ዔኪባኣሴ።
- 20 ጫሪንጮይዳ ዓኣ ዠኣጋሢ ሃንታዎ  
 ሲሳራና ዋላ ያልቴኔ።
- 21 ቁሶኔ ዋራ ፒፂ ዔያቶ ዴንዴኔ፤  
 ዬይ ሚናኣ ቁሶኔ ዋሮ ዲጳ ዔያቶ ሙዔኔ፤  
 ታኣኒ ጫርቂ ቤርቲም ዴንዳንዳኔ!  
 22 ያሎ ፓራሢ ቦጎድ ቦጎድ ጌይ ሙኬኔ።
- 23 ናንጊና ናንጋ ጎዳኮ ኪኢታንቻ ኬኤዛዎ፡-  
 «ሚሮዜ ጋዳንቁዋቲ!  
 ዒኢካ ናንጋ ዓሶ ቢያ ጋዳንቁዋቲ!  
 ዔያታ ናንጊና ናንጋ ጎዳ ዛላ ዔቂባኣሴ፤  
 ዒዛ ዛሎ ያልታኒያ ኬሰኪባኣሴ» ጌዔኔ።
- 24 ቁና ዓሢ ሄቤሬ ማቻ ያዔላ  
 ላኣሎ ቢያይዳፓ ባሺ ዓንጂንቲያ ማዎም፤  
 ዓፒሎና ማዠና ማኣሮይዳ ናንጋ ዓሶፓ  
 ቢያ ባሺ ዓንጂንቲያ ማዎም።
- 25 ሲሳራ፡- «ዋኣሢ ታና ዑሺቴራ?» ጋዓዛ  
 ዒዛ ጋዓንቲ ዲኢቂ ዒዛም ዒንጌኔ፤  
 ሚዛጳ ዓንዶና ሜጲ ዒዛ ዒንጌኔ።
- 26 ዬያጉዲ ጊንሣ ፔቲ ኩጫ ፃውኖ  
 ሚዛቆ ኩጮና ጊታሢኮ ሞቶሾ ዔኪ  
 ሲሳራኮ ቶኣኮ ዒዛ ጳርቂ ዳኣፃኔ፤  
 ዋዮ ጨኡሞናኣ ጳርቂ ፃጴኔ።
- 27 ዒዚ ዒዛኮ ቶኮ ዴማ ባሺንቲ ሎኦሜኔ፤  
 ዒኢካ ዒዚ ሎኦሚ ላሂኔ፤  
 ሎኦሚ ቤዛ ዒማካ ዒ ሃይቄኔ።
- 28 ሲሳራኮ ዒንዳ ፔ ማኣሮኮ ፑልቶና ዛጌኔ፤  
 ፑልቶ ካሮ ጎኦቦና ባኮኮ ፂኢኖና ሂርጊ ዒዛ ዛጋዎ  
 «ታናዎኮ ሳርጌሎ ያይታ ዋይቲ ኔጌይ?  
 ፓራሢኮ ሹቁሎ ካኣና ዋይቲ ባይቄይ?» ጌይ ዒዛ ያኦጩኔ።
- 29 ዔሮ ላኣላ ዒዛም ማሂ ኬኤዜኔ፤  
 ዒዛ ጋዓንቲ ሂዚ ጌይ ማሌኔ፡-

30 «ዔያታ ሄኤዶ ዲዒ ዔኮና ባኮ ጊሽታኣናንዳኔ፤  
 ፖኦሊሰፓ ፔቲ ዓሲም ፔቲ ሃንጎ ላም?  
 ዉዲሮ ናይ ዔያታ ዒንጋያ ናንዳኔ፤  
 ሲሳራም ዔያታ ሚዛጲ ማኣዖ ዒንጋንዳኔ፤  
 ሃሣ ታኣማኣ ዔያታ ባቃና ታ ማይንታንዳ  
 ማይሊ ኮሾና ማኣዖ ዔኪ ሙካንዳኔ።»

31 ናንጊና ናንጋ ጎዳሢዮ!  
 ኔኤኮ ሞርኮ ቢያ ዬያይዲ ባይዜ፤  
 ኔና ናሽካ ዓሳ ጋዓንቲ  
 የዖርቃ ዓቢጉዲ ፖዖንጎ።

ዬካፓ ዓጩላ የይዲታሚ ሌዔ የልዚባኣያ ኮሺ ዳዔኔ።

## 6

### ጌዲዎኔ

1 ዒሰራዔኤሌ ዳራ ላሚ ሃሣ ናንጊና ናንጋ ጎዳም ዋይዘ ዒዒ ፑርታ ማዶ ማዳኔ፤ ዬያሮ ናንጊና ናንጋ ጎዳ ዔያቶ ሚዲያሜ ዓሶ ኩጫ ዓኣሢ ዒንጌም ሚዲያሜ ዓሳ ዔያቶ ላንካይ ሌዔ ጉቤ ፔ ዳማ ማሂ ዋይሢኔ።

2 ሚዲያሜ ዓሳ ዒሰራዔኤሌ ዓሶይዳፓ ባሺ ደዳሢሮ ዒሰራዔኤሌ ዓሳ ፑኒንቶንዶ ቤሲ፤ ጌይፃ፡- ዳኔ ዔቴንታ ዋርዲያ ቤሲንታ ኮሺኔ።

3 ዒሰራዔኤሌ ዓሳ ጎዡ ጎሽካ ዋደማና ሚዲያሜ ዓሶንታ ዓማሌቄ ዓሶንታ ዓባ ከሰካ ዛላ ዓኣ ዓሶንታ ሙኪ ሙኪ ዔያቶ የላኔ።

4 ዒኣካ ዔያቶ ዓጮይዳ ዲንኪ ዳዒ፥ ጋኣዛ ኮይላ ዓኣ ቤዛ ሄላንዳኣና ዓጮይዳ ዓኣ ሃኣኮ ቢያ ባይዛኔ፤ ማራቶንታ ባኣቶንታ ሃሮንታ ዒሺ ዒሺ ፔቲታየ ዓይሱዋየ ዔኪ ዳንዳኔ።

5 ዬና ዓሳ ፔኤኮ ባኣቶንታ ዓፒሎና ማዡ ማኣሮንታ ዔኪ ሙካኣና ዲቡማ ዓቢሢ ማላኔ፤ ዔያቶንታ ዔያቶኮ ጋኣላሢንታ ፓይዳኒ ዳንዳዒንቲዋየ ኮሺ ዲቢታሢሮ ሙካየ ዓጩሎ ዔያታ ባባይዛኔ።

6 ዬያይዲ ሚዲያሜ ዓሳ ዒሰራዔኤሌ ዓሶ ሜቶይዳ ዓጌኔ፤ ዬያሮ ናንጊና ናንጋ ጎዳ ዔያቶ ማኣዳንዳጉዲ ዒሰራዔኤሌ ዓሳ ዒላቲኔ።

7 ሚዲያሜ ዓሶይዳፓ ናንጊና ናንጋ ጎዳ ዔያቶ ዓውሳንዳጉዲ ዒዛ ባንሢ ዒሰራዔኤሌ ዓሳ ዒላታዛ፤

8 ናንጊና ናንጋ ጎዳ ፔቲ ዒዛ ማለሂ ከኤዛ ዓሲ ዒሰራዔኤሌ ዓሰም ዳኬኔ፤ ዬይ ዓሂ ናንጊና ናንጋ ጎዳ ማዔ ዒሰራዔኤሌ ያእዛሂዳፓ ዔኪ ሙኩ ከኢታ፡- «ዒንሂ ዓይላቶና ናንጌ፥ ጊብፆ ዓጫፓ ታ ዒንሂ ከሴኔ፤

9 ጊብፆ ዓጫ ዓሰንታ ሃኖ ዓጫይዳ ዒንሂ ሜታሳ ዓሰንታይዳፓ ቢያ ታ ዒንሂ ዓውሴኔ፤ ዒንሂኮ ቤርታፓ ሃኖ ዓጫ ዓሰ ዳውሲ ታኣኒ ከሲ ዔይቶኮ ዓጫ ዒንሂም ታ ዒንጌኔ።

10 ታኣኒ ናንጊና ናንጋ ጎዳ ማዔ ዒንሂኮ ያእዛሂ ማዔሂንታ ሃሂ ዒንሂ ዔይቶኮ ዓጫ ዔኪ ናንጋ፥ ዓሞራ ዓሰ ያእዛ ዒንሂ ካኣሽኩጥጉዲ ታ ዒንሂም ከኤዜንቴ ዒንሂ ታኣም ዋይዚባኣሴ» ሂዚ ጋዓያኩ።

11 ናንጊና ናንጋ ጎዳኮ ከኢታንቻሂ፡- «ፆፕራ» ጌይንታ ጉርዳሰኮኖ ሙኪ ዓቢዔዜሬ ቶኣካሂ፥ ዒዮዓሴ ሻኣሰ ደማ ደዔኔ፤ ዒዮዓሴ ናኣዚ፥ ጌዲዎኔ ዒማና ሚዲያሜ ዓሰፓ ዓኣሽንቴ ዋይኖ ጩኡጳ ቤሲዳ ዛርጌ ሺርካኔ፤

12 ዬኖ ዒ ሺርካ ቤዘይዳ ዓኣንቴ ናንጊና ናንጋ ጎዳኮ ከኢታንቻሂ ዒዛም ጴዳዮ፡- «ኔኤኒ ሃይ ዋልቆና ዶዳሃ! ናንጊና ናንጋ ጎዳ ኔኤና ዋላኩ» ጌዔኔ።

13 ጌዲዎኔ ማሃዮ፡- «ታ ጎዳ! ያዲታቴ ሃይ ቢያ ሜታሂ ዋይቴ ኑና ሄሌይ? ኑ ዓድንሂ ኑም ከኤዜ፥ ናንጊና ናንጋ ጎዳ ፔ ዋልቆና ማዳዲቃሂ ባካ ሃኖ ዋካዳይ? ጊብፆፓ ዔይቶ ዒ ዋዲ ከሴቴያ ኑም ዔይታ ከኤዜኔ፤ ጋዓንቴ ሃኖ ናንጊና ናንጋ ጎዳ ኑና ሃሺ ዔይታ ኮዔ ጎይሂ ማዳንዳጉዲ ሚዲያሜ ዓሰ ኩጫ ዓኣሂ ኑና ዒንጌንቴም» ጌዔኔ።

14 ናንጊና ናንጋ ጎዳ ዒማና ዒዛ ባንሂ ሺራዮ፡- «ዴንዴ፤ ሃያ ኔኤኮ ዓኣ ዶዶ ዋልቆና ዒሰራዔኤሌ ዓሰ ሚዲያሜ ዓሰይዳፓ ዓውሴ፤ ታ ኔና ዳኬኔ» ጌይ ዓይሂኔ።

15 ጌዲዎኔ፡- «ታኣኒ ዋዲ ዒሰራዔኤሌ ዓሰ ዓውሳኒ ዳንዳዓይ? ታ ፃጳ ሚናኣሴ ፃጳ ዓሰ ባኣካፓ ሚርጌ ዋልቁባኣያ፥ ላቤያኩ፤ ታኣኒያ ታ ማኣሮ ዓሰ ባኣካፓ ኮሺ ላኣፓ ዓሲኩ» ጌዔኔ።

16 ናንጊና ናንጋ ጎዳ ዒዛም፡- «ታ ኔና ማኣዳንዳሂሮ ኔ ዬያይዳኒ ዳንዳዓኔ፤ ሚዲያሜ ዓሰ ፔቲ ዓሲ ማሂ ኔ ጋኣጫንዳኔ» ጌዔኔ።

17 ጌዲዎኔ፡- «ኔኤኒ ዓሲኩ ታና ጌዔያታቴ ሂንዳ ጎኔና ኔኤኒ ናንጊና ናንጋ ጎዳ ማዔሂ ዔርዛ ማላታ ታና ዳዌ፤

18 ታ ኔኤም ሙኡዚ ማዓ ካሃ ዒንጎ ባኣዚ ማሂ ዔኪ ሙካንዳኣና ሃይማፓ ዴንዲፖ» ጌዔኔ።

ናንጊና ናንጋ ጎዳ ዒዛም፡- «ኔ ማዒ ሙካንዳኣና ታ ካፓንዳኔ» ጌዔኔ።



19 ዩያር ጌዲዎኔ ፔ ማአሪ ዴንዳዎ ዋናናይ ሹኪ፣ ታጾ ኪሎ ማዓንዳ ዲኢሊ ዔኪ ሙኑቃ ፃኣዛ ዋሁዋዎ ላኣዳ ላኣዳይ፤ ዩካፓ ዓሽኮ ሌኤማቴይዳ፣ ዓሽኮ ዋኣዎ ሺልዔይዳ ሻኣሰ ዴማ ዓኣ ናንጊና ናንጋ ጎዳኮ ኪኢታጎቻሢም ዔኪ ሙኩኔ።

20 ኪኢታጎቻሢ ዒዛ፡- «ዓሽኮንታ ካሦንታ ሃያ ላሎይዳ ጌሢጋፓ ጊዳ ዓሽኮ ዋኣዎ ዋሄ» ጌይ ዓይሤኔ፤ ጌዲዎኔያ ዒ ዓይሤ ጎይዎማ ማጴኔ።

21 ዒማና ናንጊና ናንጋ ጎዳኮ ኪኢታጎቻሢ ባንሢ ደጫዎ ዓሽኮንታ ካሦንታ ዒዚ ኩጫ ዓርቁ ኮኦሎኮ ቤርቶና ካኣማዛ ታሚ ላላፓ ኬሰኪ ዓሽኮና ካሦና ሙዔኔ፤ ዩካፓ ኪኢታጎቻሢ ዒዛ ዓኣፓፓ ዓኣሺንቲ ባይቄኔ።

22 ጌዲዎኔ ዛጌሢ ናንጊና ናንጋ ጎዳኮ ኪኢታጎቻታሢ ዒ ዔራዎ፡- «ናንጊና ናንጋ ጎዳ ማዔ ያኦሲዮ! ኔ ኪኢታጎቻኮ ዓኣፖ ካር ቤርታ ዔቁታ ዛጌሢር ማይ ታጋፔኔ» ጌዔኔ።

23 ናንጊና ናንጋ ጎዳ ጋዓንቲ፡- «ዒጊጨፖ፤ ኔ ሃይቃዓኩ» ጌዔኔ።

24 ጌዲዎኔያ ዒኢካ ናንጊና ናንጋ ጎዳም ዒንጎ ባኣዚ ዒንጎ ቤሲ ኮሺ፡- «ናንጊና ናንጋ ጎዳ ኮሹዋ ዔኪ ዩዓ ያኦሲኩ» ጌይ ዩኖ ዒንጎ ቤዘኮ ሱንሢ ጌሤኔ፤ ዩና ዒንጎ ባኮ ዒንጎ ቤዜላ ሃኖ ሄላንዳኣና ዓብዔዜሬ ቶኣካሢ ዓጪ ማዔ፣ ዎፕራይዳ ዓኣኔ።

25 ዩኖ ዋንቴሎ ናንጊና ናንጋ ጎዳ ጌዲዎኔም፡- «ኔ ዓዶኮ ፔቴ ጌማይና ላንካይ ለዔ ማዔ ዎፓናና ዔኩ፤ ሃሣ ኔ ዓዴ ባዓኣሌ ጌይንታ ያኦዛሢም ኮሺ፣ ዒንጎ ባኮ ዒንጎ ቤዘ ሻሂ ደይሴ፤ ጊንሣ ሃሣ ዩያኮ ኮይላ ዓኣ ላሽራ» ጌይንታ ላኣሎ ያኦዜሎኮ ማላቶ ማንሢ ኬኤሬ፤

26 ዩያ ኔ ሻሂ ደይሴሢኮ ኩሊንቴሢ ዑፃ ናንጊና ናንጋ ጎዳ ማዔ ኔ ያኦዛሢም ዒንጎ ባኮ ዒንጎንዶ ቤሲ ሚዛጲ ኮሺ፤ ላምዓሳ ጌማዓሢ ዔኪጋፓ ማንሢ ኔ ኬኤሬ ዓሽራ ማላቶኮ ማቂዎ ሚዎ ዓኤሢ፣ ጉቤ ሚቶ ዒንጎ ባኣዚ ማሂ ጌማ ሹኪ ዓሽኮ ሚቶ» ጌዔኔ።

27 ጌዲዎኔ ዒማና ዒዛም ማዳ ዓሶይዳፓ ታጾ ዓሲ ዔኪ ዴንዲ ናንጊና ናንጋ ጎዳ ዓይሤ ጎይዎ ማጴኔ፤ ዒዛኮ ማአር ዓሶንታ ካታማ ናንጋ ዓሶዋ ዒዚ ዒጊጨሚር ዩያ ዒ ማጴሢ ርኦራቱዋንቴ ዋንታኩ።

28 ዚር ጉቴሎ ካታዎ ዓሳ ጉቴ ዔቃንቴ ባዓኣሌም ኮሺንቴ ዒንጎ ባኮ ዒንጎ ቤዛ ደዒ፣ ዓሽራኮዋ ማላታ ማቂ ደዒ ዓኣሢ ዓሳ ዴንቄኔ፤ ሃሣ ዓኪ ኮሺንቴ፣ ያኦሲም ዒንጎ ባኮ ዒንጎ ቤዘይዳ ላምዓሳ ጌማ ሹኪንቴ ሚቶ ዒንጎ ዒንጊሢ ማዒ ዒንጎናያ ዔያታ ዴንቄኔ።

29 ዬያሮ ዔያታ ዋሊ ኮይላ፡- «ሃያ ያ ማዳይ?» ጌይ ያኑጩኔ፤ ማርጌ ዔያታ ዬያይዲ ያኑጩሰካፓ ዬያ ማዳህሂ ዒዮዳሴ ናኣዚ ጌዲዎኔ ማዔህሂ ዔሬኔ።

30 ዬካፓ ዔያታ ዒዮዳሴ ኮይላ፡- «ባዓኣሌም ዒንጎ ባኮ ዒንጎ ቤዘ ሻሂ ደይሱ፡ ኮይላ ዓኣ ዓሽራኮ ማላቶ ማንህሂ ዒ ኬኤሬሂሮ ኔኤኮ ናኣዚ ኬሲ ዒንጌ፡ ኑ ዒዛ ዎዳንዳኔ!» ጌዔኔ።

31 ዒዮዳሴ ጋዓንቴ ዳጋዲ ዒዛ ኮይላ ሙኬ ዓሶ ቢያህም፡- «ዒንህሂ ሃህሂ ሞኦታህሂ ባዓኣሌ ዛሎዳ? ዒዛ ዒንህሂ ዓውሳኒ ኮዓ? ዒዛ ዛሎ ሞኦታ ዓሲ ዚሮ ጉቴ ሄላንዳኣና ቢያ ሃይቆም! ዒዚ ያኡሲ ማዔቴ ዒዛም ዒንጎ ቤዘ ሻሂ ዓህረና ዎላ ፔኤሮ ዒ ሞኦቲንቶንጎ!» ጌዒ፡

32 ጌዲዎኔኮ ሱንዮ፡- «ዪሩባዓኣሌ» ጌይ ጌህኔ፤ ዬኖ ሱንፃሎኮ ቡሊፃ «ሻሂ ደይሶናህሂ ባዓኣሌም ዒንጎ ባኮ ዒንጎ ቤዘታህሂሮ ሂንዳ ዒዚ ዳንዳዓቴ ፔኤሮ ሞኦቶንጎ» ጋዓያኩ።

33 ዬካፓ ሚዲያሚ ዓሶንታ ዓማሌቄ ዓሶንታ ዓባ ኬሰካ ዛሎ ዓሶንታ ፔቴይዳ ዮሮዳዮሴ ዎሮና ፒንቁ ዒይዘራዔኤሌ ደኦጮይዳ ዲንኪ ዳዔኔ።

34 ዒማና ናንጊና ናንጋ ጎዳኮ ዓያና ጌዲዎኔ ዑፃ ኬዳኔ፤ ዬያሮ ዒዚ ዓሲዔኤሬ ቶኦኮ ቢያህሂ ዒዛ ጊንዮ ኬሰካንዳጉዲ ዔኤሊህሂ ዛዬ ዎርቄኔ፤

35 ሃህሂ ዒዚ ሚናኣሴ ፃጶ ቢያህሂማኣ ኪኢታ ዳኪ ዒዛ ጊንዮ ሙካንዳጉዲ ዔኤሊሴኔ፤ ዬያጉዲ ዓሴኤሬንታ ዛብሎኦኔንታ ኒፕታኣሌኤማ ፃጶማኣ ኪኢታ ዳኬም ዔያታ ሃንጎ ዓሶና ዎላ ያሎሮ ኬሰከኔ።

36 ዬካፓ ጌዲዎኔ ናንጊና ናንጋ ጎዳ ኮይላ፡- «ኔ ታኣም ኬኤዜ ጎይዮ ዒሰራዔኤሌ ዓሶ ታኣና ማዒ ኔ ዓውሳንዳያታቴ፡

37 ሂንዳ ታኣኒ ዛርጎ ሺርካ ቆይደይዳ ማራይ ጋፓኔ ቡኩሲ ጌህንዳኔ፤ ዚሮ ጉቴ ኮይላ ዓኣ ሳዓ ቢያ ፃኣዲ ማዓዛ ጋፓና ሌሊ ያልካዳቴ ኔ ኬኤዜህሂ ጎይዮ ዒሰራዔኤሌ ዓሶ ዓውሳኒ ኔ ታና ደኦሬያታህሂ ታ ዔራንዳኔ» ጌዔኔ።

38 ዒዚ ጌዔሂጉዲ ማዔኔ፤ ጌዲዎኔ ዚሮ ጉቴሎ ሚኢሪ ዔቃዖ ዒ ቡኩሲ ጌህ ማራቶ ጋፓኖ ዲምዓዛ ፔቴ ዓንዳ ኩማንዳ ዎኣህሂ ኬሰከኔ።

39 ሃህሂ ዒዚ ናንጊና ናንጋ ጎዳ ኮይላ፡- «ሃዳራ ታና ጎሪፖ፤ ፔቴ ባኣዚ ሃህሂ ታ ኔኤም ኬኤዘም፤ ዬና ዓይጎዳይ ጌዔቴ ዬኖ ጋፓኖይዳ ሜሌ ማላታ ጴዳንዳጉዲ ታ ያኦጫኔ፤ ጌይዮ፡ ማራቶ ጋፓኖ ፃኣዲ ሃሺጋፓ ኮይላ ዓኣ ሳዖ ታኣም ዎዒሴ» ጌዔኔ።

40 ዬና ዋንቴሎ ናንጊና ናንጋ ጎዳ ዬያ ማዳኔ፤ ዚሮ ጉቴ ማራቶ ጋፓና ፃአዲ ማዓዛ ኮይላ ዓአ ሳዓ ስልካዴያ ማዔኔ።

# 7

ጌዲዎኔ ሚዲያሜ ዓሶ ስሎና ባሼህሂ

1 ዩሩባዓአሌ ጌይንቴህሂ ጌዲዎኔና ዒዛና ዎላ ዓአ ዓሳ ቢያ ጉቴ ሚኢሪ ዔቁ ዴንዲ ሃሮዴ ጌይንጎ ዎአፃ ዓልቃ ቤዛ ዲንኪ ዴዔኔ፤ ዒማና ሚዲያሜ ዓሳ ዲንኪ ዴዔህሂ ዔያቶኮ ኬዶ ዛላ፣ ዎኦሬ ጌሜሮ ኮይላ ዓአ ዶኦጮይዳኬ።

2 ናንጊና ናንጋ ጎዳ ጌዲዎኔም፡- «ሚዲያሜ ዓሶ ስሎና ዒንህሂ ባሻንዳጉዲ ዎልቁታ ዒንህሂም ዒንጉዎጉዲ ሃህሂ ኔኤና ዎላ ዓአ ዓሳ ሚርጊ ታአም ጴዴኔ፤ ዔያታ ፔ ዎልቆና ባሼያ ዔያቶም ማላንዳህሮ ታና ዔያታ ቦንቻዓኬ፤

3 ዬያሮ ዴሮም፡- «ዒንህሂ ባአካፓ ዒጊጫ ዓሲ ዓአቴ ፔ ማአሪ ማዒ ዴንዶንጎ፤ ኦኡኒ ሃካ ጌሌዓዴ ዲኮይዳ ዴዓንዳኔ» ጌይ ኬኤዜ» ጌዔኔ። ዬያ ጌይንቴህሂሮ ላማታሚ ላምፆ ሺያ ዓሲ ማዒ ዴንዳዛ ታጳ ሺያ ዓሲ ሌሊ ዓቴኔ።

4 ናንጊና ናንጋ ጎዳ ጌዲዎኔም፡- «ሃህያ ኔኤኮ ስሎ ዓሳ ሚርጌ ዓአ ጎይህኬ፤ ዔያቶ ዎርዚ ዔኪ ዴንዴ፤ ታ ዔያቶ ዒኢካ ኔኤም ዲማሳንዳኔ፤ ሄኤና ዎላ ዓአድንጎ» ታ ጋዓ ዓህሂ ዴንዶንጎ፤ «ዓቶንጎ» ታ ጋዓ ዓህሂ ማዒ ዴንዶንጎ» ጌዔኔ።

5 ዬያሮ ጌዲዎኔ ዓሶ ዎርዚ ዔኪ ኬዴኔ፤ ዒማና ናንጊና ናንጋ ጎዳ ዒዛም፡- «ጉምዓቲ ዎአፃ ዑሽካ ዓሶ ባአካፓ ካኒ ዒንዲርሳ ጳጪ ዑሽካ ጎይፆ ኩጮና ዑሽካ ዓሶ ዲማሴ!» ጌዔኔ።

6 ዒማና ዎአፃ ኩቻ ዲይ ዲይ ዑሽኬ ዓሶኮ ፓይዳ ሃይሃ ጃኤታ ማዔኔ፤ ሃንጎ ዓቴ ዓሳ ጋዓንቴ ቢያ ጉምዓቲ ዑሽኬኔ።

7 ናንጊና ናንጋ ጎዳ ጌዲዎኔም፡- «ኩጮና ዎአፃ ዲይ ዲይ ዑሽኬ ሃንህሂ ሃይሃ ጃኤቶ ዓሶንህሂና ማዒ ታዒንህሂ ዓውሳንዳኔ፤ ሚዲያሜ ዓሶዎ ታዒንህሂ ባሻሳንዳኔ፤ ሃንጎ ዓቴ ዓሶም ጋዓንቴ ፔ ማአሪ ማዒ ዴንዳንዳጉዲ ኬኤዜ» ጌዔኔ።

8 ዬያሮ ጌዲዎኔ ሃንጎ ዓሳ ፔ ማአሪ ዓአድንዳጉዲ ዳኪ፣ ሃይሃ ጃኤቶ ዓሶንህሂ ዓይሴኔ፤ ዬና ዓቴ ዓሳ ዴንዳ ዓሶኮ ጋሎንታ ዛያህንታ ዔኬኔ።

ሚዲያሜ ዓሶኮ ጉርዳ ዔያታ ዓአ ቤዛፓ ሊካ ዶኦቺዳ ጴዳያኬ።

9 ይኖ ዋንቴሎ ናንጊና ናንጋ ጎዳ ጌዲዎንም፡- «ታ ኔና ሚዲያሚ ዓሶ ባሽሳንዳሢር ዴንዲ ዔያታ ዲንኪ ዴዔ ቤዛ ዓአንቴ ዔያቶ ያሌ።

10 ኔና ዴንዲ ያሊፃ ዒጊቹቴ ኔኤም ማዲያ፡ ፑራ ጎምሢና ዋላ ዔያታ ዓአ ቤዛ ኬዴ፤

11 ዔያታ ጋዓ ባኮ ኔ ዋይዛንዳኔ፤ ዩካፓ ኔ ዔያቶ ያላኒ ጫርቃንዳኔ» ጋዓዛ፡ ጌዲዎንና ዒዛም ማዲ ፑራና ዔያቶኮ ሞርካ ዲንኪ ዴዔ ቤዛኮ ኮይሎ ኬዴ፤

12 ሚርጉማ ዓቢሢጉዲ ማዔ፡ ሚዲያሚ ዓሶንታ ዓማሌቄ ዓሶንታ ዓባ ኬሰካ ዛላ ዓአ ዓሶንታ ደኡጫይዳ ዲንኪ ዴዔ ዓአኔ፤ ዒማና ዔያቶ ጋአላሢኮ ሚርጉማ ባዚ ዓቺ ማአሻላጉዲ ፓይዲንቴዋያኬ።

13 ጌዲዎን ዒኢካ ሃላፃ ፔቴ ዓሲ ዓውቲ ዓውታዳያ ፔ ላጋሢም ከኤዛንቴ ዋይዜኔ፤ ዒ ከኤዛ ዓውታ፡- «ፔቴ ዔልዓ ላአዳ ኮላዲ ከዲ ኑ ዲንኪ ዴዔ ቤዛ ዓአ ዓፒሎና ማኮና ማአር ዲዓዛ ማአራ ሳይይዳ ጉፓኖ ሎኦሜኔ» ጋዓያኬ።

14 ዬያ ዓሢኮ ላጋሢ ዬያ ዓሢም፡- «ዬይ፤ ዒሰራዔኤሌ ዓሢ፤ ዒዮዓሴ ናአዚ ጌዲዎን ያሎኬ! ፔቴታያ ሜሌ ባአዚ ማዓኒ ዲንዳዑዋሴ፤ ያኦሲ ሚዲያሚ ዓሶንታ ያላ ዓሶ ቢያሢንታ ጌዲዎን ባሻንዳጉዲ ጌዲዎንም ዋልቄ ዒንጌኔ ጌይሢኬ!» ጌይ ዓውቶ ቡሌኔ።

15 ጌዲዎን ዒማና ዓሢኮ ዓውቶና ዓውቶኮ ቡሊያዋ ዋይዛፃ ጉምዓቲ ያኦሲም ዚጌኔ፤ ዩካፓ ዒሰራዔኤሌ ዓሳ ዓአ ቤዛ ማዒ ዴንዲ፡- «ዔቁዋቴ! ናንጊና ናንጋ ጎዳ ሚዲያሚ ዓሶ ዒንሢ ባሽሳኒኬ!» ጌዔኔ።

16 ዩካፓ ሃይሃ ጸኤቶ ዓሶ ሃይሃ ቤሲ ፓቂ፡ ፔቴ ፔቴ ዓሶም ዛዩንታ ጋራ ኩሻ ዓአ ያቴንታ ዒንጋያ፡

17 ዔያቶም፡- «ታኢ ሞርካ ዲንኪ ዴዔ ቤዛ ሃላፃ ማዲንዳ ባኮማ ኮሺ ዛገጋፓ ዒንሢያ ዒማይዲዋቴ።

18 ታናንታ ታኣና ዋላ ዓአ ዓሶንታ ዛያሢ ኑ ዋርቃኣና ዒንሢያ ዒንሢ ዛያሢ ጉርዶ ዙሎይዳ ዋርቂ ዋርቂ ናንጊና ናንጋ ጎዳንታ ጌዲዎንታም ያልቱዋቴ!» ጌይ ዒላቱዋቴ» ጌዔኔ።

19 ዒማና ሳዓ ገዲሚሺ ማዓንዳሢኮ ዳካ ቤርታ፡ ሚዲያሚ ዓሶኮ ዋርዲዮ ካፓ ዓሳ ዋሊ ዓአሢሰካፓ ጌዲዎንታ ዒዛና ዋላ ማሆና ጸኤቶ ዓሶንታ ሚዲያሚ ዓሳ ዲንኪ ዴዔ ቤዛ ሙካፃ ዛያሢ ፔኤኮ ዋርቂ፡ ዔያታ ዔኪ ዓአ ያቶዋ ጳዲሲ ዋዴኔ።

20 ዔያታ ዬያይዳኣና ሜሌ ዛሎይዳ ላምያ ፓቂንቴ ዓአ ዓሳ ዒማይዴኔ፤ ዔያታ ቢያሢ ታሞና ዓይሢንቴ ዓአ ኩሻ ሻውሎ ኩጫ፤

ዛያሢ ሚዛቆ ኩጫ ዔኪ፡- «ናንገና ናንገ ጎዳንታ ጌዲዎኔንታም ኑ ያልታንዳኔ!» ጌይ ዒላቲኔ።

21 ዬያይዳዮ ፔቴ ፔቴ ዓሳ ሚዲያሚ ዓሳ ዲንኪ ዴዔ ቤዘኮ ዙሎ ማንገረ ዔቃዛ፣ ዔያቶኮ ሞርካ ጉቤሢ፡- «ዉኡዉይ!» ጌይ ዒላቲ ዒላቲ ጳሽኬኔ፤

22 ዒማና ሃይሣ ጭቶ ጌዲዎኔ ዓሳ ፔኤኮ ዛያሢ ሞርቃዛ ናንገና ናንገ ጎዳ ፔቴ ፔቴ ሞርኮኮ ያሎ ዓሳ ሞሊ ጨንቾ ዓፓሮና ኩርሳንዳጉዲ ማሃኔ፤ ዓቲ ዓሳ ጂሬራ ዛሎና ጌዒ ቤትሺፃ ሄላዖ ዬይና ሃሣ ፃባቲ ኮይላ ዓኣ ዓቤልሚሆላ ሄላንዳኣና ጳሽኪ ዴንዴኔ።

23 ዬካፓ ኒፕታኣሌኤሚንታ ዓሴኤሬንታ ሚናኣሴንታ ፃጳኣ ቢያ ዔኤሊንቲ ሙኪ ሚዲያሚ ዓሳ ዳውሴኔ፤

24 ጌዲዎኔ ዒማና ጌሚራዲ ዔፕሬኤሚ ዓጮይዳ ዓኣ ዓሳም ቢያ ኪኢታ ዓሰ፡- «ኬዲ ሚዲያሚ ዓሳ ያሉዋቲ፤ ዔያታ ዮርዳኖሴ ሞሮና ፒንቁ ቶሊ ዴንዲዎጉዲ፣ ዮርዳኖሴ ሞሮና ዮርዳኖሴ ሞሮይዳ ጌላ ሞሮኮ ካር ካር ዴንዲ ቤትባራ ሄላንዳኣና ቲቁ ዛገ ካፑዋቲ» ሂዚ ጌይ ዳኬኔ፤ ዬያሮ ዔፕሬኤሚ ዓሳ ሞሊ ዔኤሊ ዔኪ ዮርዳኖሴ ሞሮና ዒኢካ ጌላ ሞሮናኮ ካር ካር ዴንዲ ቤትባራ ሄላንዳኣና ቲቁ ዔቆኔ።

25 ዒማና ዔያታ ያሬቤና ዜዔቤ ጌይንታ ላምዖ ሚዲያሚ ዓሳኮ ሱኡጌሰኬንሣ ዲዒ ዔኪ፣ ያሬቤ፡- «ያሬቤ ላሎ» ጌይንታ ቤዛ፤ ዜዔቤ፡- «ዜዔቤኮ ሞይኖ ጨኡጶ ቤዘ» ጌይንታ ቤዘ ሞዴኔ። ዬካፓ ዔያታ ሃንጎ ሚዲያሚ ዓሳ ዳውሴ፣ ያሬቤና ዜዔቤናኮ ቶኦኮ ቲቁ ጌዲዎኔም ዔኪ ሙኬኔ፤ ዒማና ጌዲዎኔ ዮርዳኖሴ ሞሮኮ ዓሳ ኬሰካ ዛላ ዓኣኔ።

# 8

## ሚዲያሚ ዓሳኮ ጋፒንሢ ባሽንቲዖ

1 ዬካፓ ዔፕሬኤሚ ዓሳ ጌዲዎኔ ኮራ፡- «ኔኔኒ ሚዲያሚ ዓሳ ያላኒ ዴንዳዮ ኦና ዓይጋ ዔኤሊባኣይ? ሞይታዛ ኔ ዬያይዴይ?» ጌይ ዒናፓ ዳጋዲ ያኣጮኔ።

2 ዒዚ ዔያቶም ማሃዖ፡- «ታ ማዴ ባኮና ዒንሢ ማዴሢና ሞላ ካንሢ ዛጎዛ ታኣሲ ዔኤቢባኣ ባኣዚ ማዓኔ፤ ታ ዓሳ ቢያሢ ማዴ ባኮይዳፓ ዔፕሬኤሚ ዓሳ፣ ዒንሢ ማዴ ዳኮ ባካ ባሻያኬ። ዬይያ፡- ዔፕሬኤሚ ሞይኖኮ ቃኣሉም ማንፃሢ ዓብዔዜሬ ካዖ ማንፃዖ ሞይናፓ ባሽኔ ጌይሢኬ።

3 ዒንሢ ናንገና ናንገ ጎዳ ዒንሢ ማኣዴም ላምዖ ሚዲያሚ ዓሳ ሱኡጎ ያሬቤና ዜዔቤና ሞዴኔ፤ ዓካሪ ታኣኒ ዬያጉዴያ ዓይጎ ማዴ ባኣዚ ዓኣይ?» ጋዓዛ፣ ዳጋ ዔያቶኮ ማዔኔ።

4 ዲማና ጌዲዎኔንታ ዲዛና ዋላ ዓኣ ሃይሃ ጃኤቶ ዓሶንታ የርዳኖሴ ዋሮ ሙኪ ፒንቄኔ፤ ዋዚ ዔያታ ላቤያ ማዔቲያ ሞርኩ ዳውሲያ ሃሺባኣሴ።

5 ዬካፓ ሱኩቲ ካታሞ ዔያታ ሄሌኔ፤ ጌዲዎኔ ዬዮ ካታሞ ዓሶ ኮራ፡- «ታ ዓሶሞ ካሣ ዲንጉዋቲራ፤ ዔያታ ሚርጌ ላቤኔ፤ ታኣኒ ሃሢ፡- ዜባሄና ፃልሙናዔ ጌይንታ ሚዲያሚ ዓሶ ካኣቶንሢ ዳውሳኔ» ጌዔኔ።

6 ሱኩቲ ካታሞ ሱኡጋ ጋዓንቴ፡- «ኔኤኮ ፖኦሊሶሞ ካሃ ኑ ዲንጋሢ ዓይጎርዳይ? ኔኤኒ ዜባሄና ፃልሙናዔና ዓርቂባኣንቴሞ» ጌዔኔ።

7 ጌዲዎኔ ዔያቶሞ፡- «ቃራኬ! ናንጊና ናንጋ ጎዳ ታና ማኣዴሞ ዜባሄና ፃልሙናዔና ታ ባሽሰካፓ ዳውሎ ዓንጊያና፤ ሃሣ ጋውዲና ታ ዲንሢ ጳርቃንዳኔ!» ጌዔኔ።

8 ዬካፓ ጌዲዎኔ ዴንዳጆ ዲኢካ ናንጋ ዓሶ ኮይላ ዲማ ጌይ ያኦጩኔ፤ ሃሣ ዬና ዓሳኣ ዲማ ጌይ ዲዛሞ ማሄኔ።

9 ዬያር ጌዲዎኔ ዔያቶ ኮይላ፡- «የሎና ታኣኒ ባሺ ኮሺ ማዓንዳኔ፤ ዲማና ታኣኒ ዲንሢኪ ሃያ ካታሞ ኬኤሎ ዲያኮ ዴጌ፡ ዴይ ካፖ ካፖ ቤዞ ደይሳንዳኔ» ጌዔኔ።

10 ዲማና ዜባሄና ፃልሙናዔና ታጳ ደንጎ ሺያ ያልዚ ዓሲና ዋላ ቃርቆሬ ጌይንታ ቤዛ ዓኣኔ፤ ዬና ያሎ ዓሳ ዓባ ኬሰካ ዛሎ ፖኦሊሶይዳፓ ደኦሪንቴ ኬሰኬ፡ ጃኤታና ላማታሚ ሺያ ዓሲዳፓ ሃይቁዋጆ ዓቲ ዓሶኬ።

11 ዬያር ጌዲዎኔ ዓሲ ናንጉዋ ዳውሎ ጎይያና ጌዒ ኖባሄና የግቤሃ ጌይንታ ቤዞኮ ዓባ ኬሰካ ዛሎና ሙካጆ ዬይ ያሎ ዓሳ ዔሪባኣንቴ ዔያቶይዳ ያልዚ ቡሌኔ።

12 ዲማና ላሞጆ ሚዲያሚ ካኣቶንሢ፡- ዜባሄና ፃልሙናዔና ጳሽኬኔ፤ ጋዓንቴ ጌዲዎኔ ዔያቶ ዳውሲ ዓርቄኔ፤ ዔያቶኮ ያላ ዓሳኣ ዲቃቲ ካራ ባይዛንዳጉዲ ዲ ማጴኔ።

13 ዲዮሳሴ ናኣዚ ጌዲዎኔ ሄሬሴ ጌሜርና ጌይ ያላፓ ማዒ ዴንዲቤቃ፡

14 ሱኩቲ ዓሲ ማዔያ፡ ፔቲ ዴጌሰኬያ ዓርቂጆኦጩኔ፤ ዬይ ዴጌሢ ሱኩቲ ካታሞ ዓሶኮ ሱኡጎና ካታሞኮ ጨሞ ማዔ፡ ላንካይታሚ ላንካይ ዓሲኮ ሱንጆ ፃኣፒ ዲዛሞ ዲንጌኔ።

15 ዬካፓ ጌዲዎኔ ሱኩቲ ዓሶ ኮይላ ሙኪ፡- « ለዜባሄና ፃልሙናዔና ሃጊ ኔ ዓርቂባኣሴ፤ ሂዳጆ ሃሢ ናዮና ላቤ፡ ኔኤኮ ፖኦሊሶሞ ካሃ ኑ ዓይጎር ዲንጋንዳይ? ጌይ ታና ዲንሢ ቦሃ ሚኢጩኔ፤ ሃሢ ሃይሾ! ዜባሄና ፃልሙናዔና» ጌዔሰካፓ፡

16 ዳውሎ ዓንጊያና ጋውደና ዔኪ ሱኡኮቲ ዓሶ ሱኡጎ ጳርቄ።

17 ሃሣ ጸኢኢ፣ ዓኤሌ ካታሞኮ ኬኤሎ ዲያ ዳጌሣ፣ ዳይ ካፕ ካፕ ቤዘ ደይሴ፤ ካታሞይዳ ናንጋ ዓቲንቆዎ ቢያ ዎደ።

18 ዩካፓ ጌዲዎ፤- «ታኣቦኦሬይዳ ዒንሣ ዎደ ዓሳ ዎዘጉዳ ዓሲዳይ?» ጌዲ ዜባሄና ፃልሙናዔና ኮይላ ያኦጩ።

ዔያታ ማሃዎ፡- «ኔ ጉዳያኬ፤ ዔያታ ፔቲ ፔቲሣ ካኣቲ ናይ ማላ።» ጌዔ።

19 ጌዲዎኔ ዒማና፡- «ዔያታ ታ ዒንዶ ናይ ማዔያ ታኣኮ ጌርሲንሣኬ፤ ዒንሣ ዎንዴ ዔያቶ ዎዲባኣያታቲ ታኣኒያ ዒንሣ ዎዲዎዎ ሃሻኒ ጎኔና ጫኣቃንዳያታንቲኬ» ጌዔ።

20 ዩካፓ ጌዲዎኔ ፔኤኮ ቶይዶ ናዓሣ ዩቲሬዎ፡- «ዔኤዛይ! ዔቂ ሃና ዓሶ ዎደ!» ጌይ ዓይሣዛ፣ ናዓሣ ጋዓንቲ ፔኤኮ ጩንቾ ዓፓር ቲገባኣሴ፤ ዒ ናይታሣር ዒጊጩ ሃሽ።

21 ዒማና ዜባሄንታ ፃልሙናዔንታ ጌዲዎኔ ኮይላ፡- «ዔኤዛ ኔ ኑና ኔኤር ዎደቲሬ፤ ዓቲንቄ ማደ ማዳኒ ዓቲንቄ ኮይሳያቲ!» ጋዓዛ፣ ጌዲዎኔ ዔያቶ ዎዲ ዔያቶ ጋኣላሣኮ ሆላ ማይሶና ፓልማሣ ጉቤ ዔኬ።

22 ዩያይዳሰካፓ ዒሰራዔኤሌ ዓሳ ጌዲዎኔ ኮይላ፡- «ኔኤኒ ሚዲያሜ ዓሶይዳፓ ኑና ዓውሴሣር ኔናንታ ኔ ናኣቶንታ ዩያጉዲ ናኣቶኮ ናኣታ ኑኡኮ ሱኡጌ ማዎንጎ» ጌዔ።

23 ጌዲዎኔ ዒማና፡- «ታና ማዔቲያ ታ ናኣታ ዒንሣከ ኑ ሱኡጌ ማዓዓ፤ ናንገና ናንጋ ጎዳ ፔኤር ዒንሣከ ሱኡጋሣኬ» ዔያቶም ጌዔ።

24 ሃሣ ዒዚ፡- «ታ ዒንሣ ፔቲ ባኣዚ ሺኢቃ፤ ዩና ዓይጎዳይ ጌዔቲ ዒንሣ ፔቲ ፔቲሣ ዲዒ ዔኬ ዎኖ ዎርቆ ዒንጋንዳጉዲኬ» ጌዔ፤ ዔያታ ቢያሣ ዒሰማዔኤሌ ዓሲ ማዔሣር ዎይዚዳ ዎርቄ ዓኣሣያኬ።

25 ዳራ ማሃዎ፡- «ቃራኬ ኑ ዒንጋንዳ፤» ጌዔ፣ ሳይይዳ ዓፒላ ሂኣሣዎ ፔቲ ፔቲ ዓሳ ዔኬ ዎኖ ዎርቆ ዒኣካ ጌሣ።

26 ጌዲዎኔ ዔያቶይዳፓ ዔኬ ዎኖ ዎርቆኮ ዳኤሠማ ላማታሚ ኪሎ ማዓያኬ፤ ዩይ ሜሌ ፓልማሣ ጌይ፡- ባቃና ማይንቶ ቂንቶንታ ሚዲያሜ ካኣታ ማይንታ ሚዛጰ ማኣዓሣንታ፤ ዩያጉዲ ዔያቶኮ ጋኣላሣ ሆላ ዓኣ ፓልማሣ ቃሱዎንቲኬ።

27 ጌዲዎኔ ዩያ ዎርቆና ካኣሽኮ ባኣዚ ኮሺ ዒ ሸይንቲ ካታሞ፣ ያፕራይዳ ጌሣ፤ ዩያር ዒሰራዔኤሌ ዓሳ ጉቤ ናንገና ናንጋ ጎዳ ሃሺ ዩያ ካኣሽኪሣ ዓርቄ፤ ዩይ ባካ ጌዲዎኔና ዒዛኮ ማኣር ዓሶናም ዳቢሻ ፒር ማዔ።

28 ዩያይዲ ሚዲያሚ ዓሶ ዲሰራዔኤሌ ዓሳ ባሽኔ፤ ላሚ ዲሰራዔኤሌ ዓሶ ዔያታ ሂርጊሻያ ማዒባኣሴ፤ ጌዲዎኔ ሃይቃንዲያ ሄላንዳኣና ዓጩላ ያይዲታሚ ሌዔ ጉቤ ኮሺ ናንጌኔ።

**ጌዲዎኔኮ ሃይቦ**

29 ዒዮዓሴ ናኣዚ ጌዲዎኔ፡- ዒ ሾይንቴ ቤዞ ዴንዲ ዒኣካ ናንጌኔ፤

30 ሚርጌ ላኣሊ ዒ ዔኬያታሢሮ ላንካይታሚ ዓቲንቄ ናይ ዒዛኮ ዓኣኔ፤

31 ሃሣ ሴኬሚይዳ ናንጋ፡ ጊንሢ ላኣሊሰኬና ዓቲንቄ ናይ ሾዔም ዒዚ ዩያኮ ሱንዖ ዓቤሚሌኬ ጌይ ጌሣኔ።

32 ዒዮዓሴ ናኣዚ ጌዲዎኔ ሚርጌ ናንጊ ጋርቺ ሃይቄ፡ ዓዴ ዲኡቴ ቤዛ ዲኡቴኔ፤ ዩይ ዲኡጋ ዓቤዔኬሬ ቶኦኮ ካታሞ ማዔ፡ ዖፕራይዳ ዓኣኔ።

33 ጌዲዎኔ ሃይቄሰካፓ ዒሰራዔኤሌ ዴራ ላሚ ጊንሣ ጎዳም ጉሙርቂንቲዖ ሃሺ፡ ቤዓሌ ጌይንታ ሚሊ ያኦዞ ካኣሽኬኔ፤ ባዓልቤሪቴ ጌይንታ ባኮሞ ፔ ያኦሲ ማሂ ዚጌኔ።

34 ዒሰራዔኤሌ ናኣታ ዔያቶ ኮይላ ዓኣ ሞርኮይዳፓ ቢያ ዔያቶ ዓውሴ ናንጊና ናንጋ ጎዳ ማዔ ዔያቶኮ ያኦዞሢ ሞሌኔ።

35 ጌዲዎኔ ዒሰራዔኤሌ ዓሶም ማዴ ኮዥ ባኮ ቢያ ጳቂሠብያ ዔያታ ማዔሢሮ ጌዲዎኔ ማኣሮ ዓሶም ዔያታ ማሂ ኮሺ ማዴ ባኣዚ ባኣሴ።

**9**

**ዓቤሚሌኬ**

1 ጌዲዎኔ ናኣዚ ዓቤሚሌኬ ዒንዶ ዒጊና ዒዛኮ ናንጋ፡ ሴኬሚ ካታሞ ዴንዲ ዒንዶ ዒጊኖም ቢያ፡-

2 «ሴኬሚ ዓሶም ሂዚ ጎዑዎቴ፤ ጌዲዎኔኮ ላንካይታሞ ናኣታ ዒንሢ ዎይሣቴ ቃራሞ ፔቴ ዓሲ ሌሊ ዎይሣቴ ቃራዳይ? ታኣኒ ዒንሢ ማኣሪ ዓሲ ማዔሢ ሞሊፖቴ» ጌዔኔ።

3 ዒዛኮ ዒንዶ ዒጊና ዒዚ ጌሰታያ ማሂ ዩያ ሴኬሚ ዓሶም ኬኤዛዛ፡ ሴኬሚ ዓሳ፡- «ዒዚ ኦኡኮ ጌርሲ ማዓያኬ» ጌዒ ዓቤሚሌኬ ካኣታሳኒ ኮዔኔ።

4 ባዓልቤሪቴ ጌይንታ ያኦዞ ዔያታ ካኣሽካ ማኣሮይዳፓ ላንካይታሚ ሳቂሌ ማዓ ሹቺ ቢራ ዔኪ ዒዛም ዒንጋዛ፡ ዓቤሚሌኬ ዩያ ቢሮና ዓሲ ባኣዚ ማንፂ ማንፂ ሙዓ ዓሲ ሻንቄ ፔ ዓሲ ማሂ ዔኪ ኬሰኬኔ።



5 ይካገረዎት ዲሲ ፔ ዓደ ማኣሪ ምጥራ ደንዲ ዲዛ ዓደኮ ለንካይታሞ ናኣቶ ፔቴ ሹቲዳ ቲቂ ቲቂ ዋዴኔ፤ ጋዓንቴ ጌዲዎኔኮ ጋገንግ ናዓሢ፤ ዲዮዓታሚ ዓኣሺንቴ ሃይቁዋዎ ቶሊ ዓቴኔ፤

6 ይካገጥ ሴኬሚና ቤትሚሎናይዳ ናንጋ ዓሳ ቢያ ሴኬሚይዳ ዓኣ ካኣኸሮ ዲማሶና ሻኣቦ ዴሞ ዴንዲ፤ ዲኢካ ዓቤሚሌኬ ካኣታሢኔ።

7 ዲዮዓታሚ ዬያ ዋይዛፆ ጌሪዛኔ ዲኮ ዑያ ኬሰኪ ሂዚ ጌይ ዲላቴኔ፡- «ዲንሢ ሴኬሚ ዓሳ! ታ ጋዓሢ ዲንሢ ዋይዜቴ ያኣሲ ዲንሢሞ ዋይዛንዳኔ።

8 ፔቴ ኬሊ ሚሢ ቡኪንቴ ካኣቴ ካኣታሳኒ ዴንዲዎ ዛይቶ ሪሚቶ ሚያ ኮይላ፡- «ኦኡኮ ካኣቴ ማዔ» ጋዓዛ፤

9 ዛይቶ ሪሚቶ ሚያ፡- «ያኣዘንታ ዓሳንታሞ ኮይሳያ ማዔ ዛይቶ ታገዲገ ዓሳ ዓኣሢ ሃሺ ሚሢኮ ታ ካኣቴ ማያንዳ?» ጌዔኔ።

10 ይካገጥ ሚያ ጊንሢ ቤሌሴ ሚያ ኮይላ፡- «ሙኪ ኦኡኮ ካኣቴ ማዔ» ጋዓዛ፤

11 ቤሌሶ ሚያ ጋዓንቴ፡- «ዓኣሢ፤ ሃሢ ኮሺ ማዔ ዓኣፖ ዓኣገያ ሃሺ ሚሢኮ ታ ዴንዲ ካኣቴ ማያንዳ?» ጌዔኔ።

12 ጊንሢ ሃሢ ሚያ ዋይኔ ኮይላ፡- «ሙኪ ኦኡኮ ካኣቴ ማዔ» ጋዓዛ፤

13 ዋይኔ ጋዓንቴ፡- «ያኣዘንታ ዓሳንታሞ ዋዛሳያ ማዔ፤ ዋይሮ ዑኸ ታ ዓኣገገ ዔኪ ኮሺሢ ሃሺ ሚሢኮ ታ ዴንዲ ካኣቴ ማያንዳ?» ጌዔኔ።

14 ዬያሮ ሃሢ ሚያ ዓንጊሢ ዓኣ ሚሢ ኮይላ፡- «ሙኪ ኦኡኮ ካኣቴ ማዔ» ጋዓዛ፤

15 ዓንጊያ ሚያ፡- «ጎኔ ዲንሢ ታና ካኣታሳኒ ኮዔቴ ሃኒ ዬዲ ታ ሺቦ ዴማ ዴዑዋቴ፤ ዲንሢ ዬያይዲባኣቴ ታኣኮ ዓንጊያ ካኣገይዲገ ታሚ ኬሰኪ ሊባሮኦሴ ሚያ ሙዓንዳኔ» ጌዔኔ።»

16 ዲዮዓታሚ ቃሲ ኬኤዛፆ፡- «ዲንሢ ዓቤሚሌኬ ካኣታሢሢ ፒዜ፤ ሃሢ ኮይሳያ ማዔ ጎይሢናዳ? ጌዲዎኔ ዲንሢሞ ማዴ ባኮ ጳቂሢ ዲዛ ማኣሮ ዓሳ ዲንሢ ማኣዴያ ማላ?»

17 ታኣኮ ዓዴ ዲንሢ ዛሎ ያልቴ፤ ሚዲያሚ ዓሳይዲገ ዲንሢ ዓውሳኒ ፔ ሸምጋሢ ዲንጌያ ማሢ ሃሺሢ ማሊ ጳቂሡዋቴ፤

18 ሃሮ ጋዓንቴ ዲንሢ ታ ዓደ ማኣሮ ዓሳ ዑያ ሞርኬ ማዔ ዔቂ፤ ለንካይታሞ ናኣቶ ፔቴ ሹቲዳ ቲቂ ዋዴኔ፤ ዬያ ዲንሢ ማዴሢ ታኣኮ ዓዴ ጊንጎኣ ማፕገ ሸዔ፤ ዓቤሚሌኬ ዲንሢኮ ዲጊኒ ማዔሢሮኬ፤ ዲዛ ዲንሢ ሴኬሚይዳ ካኣታሢኔ።

19 ዓኣሪ ሃሮ ዲንሢ ጌዲዎኔና ዲዛኮ ማኣሮ ዓሳና ማዴ ባኮ ፒዜ፤ ሃሢ ኮይሳ ጎይሢና ማዔያታቴ ዓቤሚሌኬና ዋላ ዋዛዲዋቴ፤ ዲዚያ ዲንሢና ዋላ ዋዛዲንጎ።

20 ያዲ ማዒባኣቲ ዓቤሜሌኬይዳፓ ታሚ ኬሰኪ ሴኬሚና ቤትሚሎ ዓሶ ሙዖንጎ፤ ዬያጉዲ ሃሃ ሴኬሚና ቤትሚሎናፓ ታሚ ኬሰኪ ዓቤሜሌኬ ሙዖንጎ» ገዒኔ።

21 ዒዮዓታሚ ዬያ ገዒሰካፓ ዒዛኮ ገርሲ፥ ዓቤሜሌኬ ዒዚ ዒጊጠፎሢሮ ቤዔሬ ዴንዲ ዒኢካ ናንገኔ።

22 ዓቤሜሌኬ ዒማና ዒሰራዔኤሌይዳ ሃይሃ ሌዔ ካኣታዳኔ፤

23 ዬካፓ ያኦሲ ዓቤሜሌኬና ሴኬሚ ዓሶናኮ ባኣኮ ፑርታ ዓያና ዳኬኔ፤ ዬያሮ ሴኬሚ ዓሳ ዓቤሜሌኬም ጉሙርቁንቱዋኣያ ማዒኔ።።።

24 ያኦሲ ዬያይዳሢ ዓቤሜሌኬ ፔኤኮ ላንካይታሞ ገርሲንሢ ሞዳሢሮ፤ ሃሃ ዬያቶ ዒ ሞዳንዳጉዲ ዒዛ ዔቁሴ፥ ሴኬሚ ዓሳ ማዳ ጌና ማዳ ዛሎሮ ኮሞ ዔካኒኬ።

25 ሴኬሚይዳ ናንጋ ዓሳ ዓቤሜሌኬ ዑፃ ሞርኬ ማዒ ዔቁ ዒያቶ ባኣካፓ ዳካ ዓሲ ደኦራፃ ዲኮ ዲኮይዳ ካቲሲ ዴይሢኔ፤ ዬያይዲ ዬይና ጎይያና ዴንዳ ዓሶ ቢያ ቡሬኔ፤ ዬያ ዓቤሜሌኬ ሞይዜኔ።

26 ዬካፓ ዔቤዴ ናኣዚ፥ ጋዓሌ ፔኤኮ ገርሲንሢና ሞላ ሴኬሚ ሙካዛ ሴኬሚይዳ ናንጋ ዓሳ ዒዛ ጉሙርቁኔ።

27 ዬያሮ ቢያሢ ሞይሮ ቱኮ ጎዡ ጎዡ ዴንዲ ሞይሮ ማንዒ ዔኪ ዑሺ ኮሻፃ ዴኤፒ ቦንቾ ኬሊ ጌሢ ቦንቾኔ፤ ሃሃ ዔያታ ካኣሽካ ያኦዞ ማኣሪያ ዴንዲ ሙዖ ሙዒ ዑዡፃ ዑሽካ ዑሽካ ዓቤሜሌኬ ጫሽኬኔ።

28 ዒማና ዒዮቤዴ ናኣዚ፥ ጋዓሌ፡- «ዓቤሜሌኬ ሞያዳይ? ኑኡኒ ሴኬሚ ዓሳ ዒዛ ዴማ ሞርቃሢ ዓይጎሮዳይ? ጌዲዎኔ ናኣዚንታ ዒዛኮ ፖኦሊሶ ዓይሢ ዜቡሬንታ ሃሞሬኮ ዓዶ፥ ሴኬሚም ዓይሌ ማዒ ማዳያቱሞዳይ? ዒዛም ኑ ዓይጋ ዓይሢንቲ ሞርቃይ? ዬያይዳፓ ዒንሢኮ ዓዳሢ፥ ሴኬሚ ዓዶ፥ ሃሞሬም ጉሙርቁንታያ ማዒሞቱ።

29 ሃያ ዴሮ ሞንዴ ታ ሞይሢኔ ጎዖቲ! ዓቤሜሌኬ ታ ባይዛንዳንቲኬ፤ ሃሃ ታኣኒ፡- «ኔኤኮ ፖኦሊሶ ጊኢጊሺ ዔኪ ኬሲ ታኣና ያልቲ!» ጋዓንዳያንቲኬ» ገዒኔ።

30 ዔቤዴ ናኣዚ፥ ጋዓሌ ገዒሢ ካታሚሎ ሞይሢ ዜቡሌ ሞይዛፃ ሚርጌና ዳጋዴኔ፤

31 ዬካፓ ዓሩማይዳ ዓኣ ዓቤሜሌኬም ከኢታ ዓሲ ሂዚ ጌይ ኬኤዛንዳጉዲ ዳኬኔ፡- «ዔቤዴ ናኣዚ፥ ጋዓሌ ፔ ገርሲንሢና ሞላ ሴኬሚ ሙኪ ካታሞ ዓሳ ኔና ዒፃንዳጉዲ ዓሶ ዞሪ ፑርቲሴኔ።

32 ዬያሮ ኔኤና ኔ ዓሶና ዲማ ዔቁጋፓ ቦኦሎይዳ ካቲ ዴዑሞቲ፤

33 ዚሮ ጉቴ ዓባ ያርቃማና ዔቁ ካታሚሎ ዔሪባኣንቴ የሉዋቴ፤ ጋዓሌና ዒዛ ዓሶና ዒንሢ የላኒ ኬሰካዛ ዒንሢም ዳንዳዒንቴ ጎይያ ዛጊ ዔያቶ ዋዲዋቴ።»

34 ዬያሮ ዓቤሚሌኬና ዒዛ ዓሶና ቢያ ዲማ ዔቁ ሴኬሜ ካታዋ ዙላ የይዶ ቤሲ ፓቁንቴ ዳዔኔ፤

35 ዬካፓ ዓቤሚሌኬና ዒዛ ዓሶና ዔቤዴ ናኣዚ፤ ጋዓሌ ኬሰኪ ካታሚሎኮ ጌሎ ካራ ዔቁሢ ዛጋፖ ካቴ ዳዔ ቤዛፓ ኬሰኬኔ፤

36 ጋዓሌ ዒማና ዔያቶ ዳንቃፖ ዜቡሌ ኮይላ፡- «ዛጌ! ዲቢ ዓሲ ዲካፓ ኬዳኔ!» ጌዔኔ።

ዜቡሌ ዒዛም፡- «ዬይ ዲኮኮ ሺቦኬ፤ ዓሲቱዋሴ» ጌዔኔ።

37 ሃሣ ጋዓሌ፡- «ዛጌ! ዲኮ ጎኦባፓ ዓሳ ሊካ ኬዳሢ፤ ዛሎ ዓሳ ማርሾ ዓሶ ሻኣቦ ካሮና ሃይሾ ሙካኔ!» ጌዔኔ።

38 ዬካፓ ዜቡሌ ዒዛ ኮይላ፡- «ዬይ ቢያ ሄርሺንታ ኔኤኮ ዋኒ ዳንዴይ? <ዓቤሚሌኬ ጎፖሢም ኑ ዓይጋ ማዳይ?> ጌይ የኦጩሢ ኔናቱዋዓዳ? ኔ ቦሃ ጌሰቲ ሺሪ ዓሳ ሃይሾ፤ ዓካሪ ሂንዳ ኬሰኪ ዔያቶ የሌ» ጌዔኔ።

39 ዒማና ጋዓሌ ሴኬሜ ዓሶ ዔኪ ኬሰኪ ዓቤሚሌኬ የሌኔ፤

40 ዒማና ጋዓሌ ባሺንቴ ጳሽካዛ፤ ዓቤሚሌኬ ዒዛ ዳውሴኔ፤ ዳንዲ ካታዋኮ ጌሎ ካሮ ሄላንዳኣና ማርጌ ዓሲ ዲኪንቴኔ፤

41 ዓቤሚሌኬ ዒማና ዓረማይዳ ናንጌኔ፤ ዜቡሌ ጋዓንቴ ጋዓሌና ዒዛኮ ጌርሲንሢና ሴኬሚይዳፓ ዳውሲ ዳውሲ ኬሴኔ፤ ዬያሮ ዔያታ ዒኢካ ናንጋኒ ዳንዳዒባኣሴ።

42 ዚሮ ጉቴሎ ሴኬሜ ዳራ ፔ ጎዡ ጎዡ ዳንዴሢ ዓቤሚሌኬ ዋይዜኔ፤

43 ዬያሮ ዒዚ ዒዛ ዓሶ ዔኪ ሃይሃ ቤሲ ፓቁ ቦኦሎይዳ ካሮ ካሮ ካቴሴኔ፤ ዬና ዓሳ ሴኬሜ ዓሳ ካታማፓ ኬሰካሢ ዳንቃፖ ካቴ ቤዛፓ ኬሰኪ ዔያቶ ዋዲኔ፤

44 ዓቤሚሌኬንታ ዒዛና ዋላ ማሂፓቆና ዓሶንታ ካታሚሎኮ ጌሎ ካሮ ካታኒ ዑካዲ ዳንዲ ጌሎ ካራ ዔቁኔ፤ ሃንጎ ላምፖ ቤሲ ፓቁንቴ ዓሳ ቦኦሎይዳ ዔያታ ዳንቁ ዓሶ የሊ የሊ ዋዲ ጋፒሴኔ።

45 ዬና ኬሎ ዔያታ የሌ ጎይሣ ፔኤቁኔ፤ ዓቤሚሌኬ ካታሚሎ ፔ ዳማ ማሂ ዓርቁ ዓሶዋ ቢያ ዋዲኔ፤ ካታዋዋ ዶይሲ ባይዜኔ፤ ዬና ሳዔሎይዳ ዒዚ ሶኦጌ ዜርቁ ሃሺኔ።

46 ሴኬሜ ካታዋ ኬኤሎ ዲያይዳ ናንጋ ዓሳ ዬያ ዋይዛፖ ባዓልቤሪቴ ጌይንታ የኦዛ ካኣሽኪንታ ማኣሮይዳ ዓኣ ዋርዲዮ ጌሌኔ።

47 ዓቤሚሌኬ ዔያታ ዬካ ጌሊ ቡኪንቴሢ ዋይዜኔ።

48 ዬያር ዲዚ ዲዛ ዓሶና ዎላ ፃልሞኔ ደኩ ከሰከፃ ሃንጂሌ ማዓንዳ ሚህሂ ሄርጋና ቲቂ ዔኪ ጌኤታ ከዳኔ፤ ዲዛና ዎላ ዓኣ ዓሳኣ ዑከና ዲ ማደማ ጎይፃ ማዳንዳጉዲ ዓይህኔ።

49 ዬያር ዬይ ፔቴ ፔቴ ዓሳ ሚፃ ቲቂ ዔኪ ዓቤሚሌኬ ጊንፃ ዴንዳፃ ዬያ ሚፃ ዎርዲዮ ቤዘ ሄሊሲ ጌህ ኩሌኔ፤ ዬካፓ ጋራ ዓሳ ዓኣ ጎይህሃ ዓኣንቴ ታሚ ዓጋዛ። ዬያ ዎርዲዮ ጋራ ዓኣ ዓሳ ቢያ ኩዴኔ፤ ዬያ ሃይቁ ዓቲንቆንታ ላኣሎንታኮ ፓይዳ ፔቴ ሺያ ማዓያኩ።

50 ዬካፓ ዓቤሚሌኬ ቶቤፄ ዴንዲ ካታሚሎ ማንጊ ዓርቁኔ፤

51 ዬኖ ካታሚሎይዳ፡- ፔቴ ዴኔፔ፡ ካታሚሎ ዲኢካ ዴዒ ካፖ ሹቺ ከኤሌ ዓኣህረ ካታሚሎኮ ሱኡጋ ዓቴዎፃ ዓቲንቆንታ ላኣሎንታ ጳሽኪ ዲኢካ ጌሌሰካፓ ካሮ ዎዳፃ ከኤሎ ዑፃ ከሰከኔ፤

52 ዓቤሚሌኬ ዬኖ ቤዘሎ ሄላፃ ዲዛይዳ ታሚ ዓጋኒ ካሮ ባንህሂ ሎዔኔ።

53 ጋፃንቴ ፔቴ ላኣሊሰከና ዎንህሂ ቡምባልሲ ቶኣኮ ዲዛኮ ዲኡኡሴኔ።

54 ዲዚ ዬማና ፃልዚ ዓንጋሞ ዔኪ ዓኣ ፔቴ ዴጌሰከኔያ ዔኤላፃ፡- «ኔኤኮ ጩንቸ ዓፓሮና ታና ዎዴ፤ ላኣሊ ዲዛ ዎዴ» ጌይንታኒ ታ ኮዑዎሴ» ገዒ ዓይህኔ። ዬያር ዬይ ዴጌህሂ ዲዛ ዎዴኔ።

55 ዲሰራዔኤሌ ዓሳ ዓቤሚሌኬ ሃይቁህ ዛጋፃ ቢያህሂ ፔ ማኣሪ ማኣሪ ዴንዳኔ።

56 ዓቤሚሌኬ ላንካይታሞ ፔ ጌርሲንህሂ ዎዲያና ዓደም ዲ ማዴ ጌና ማዴኮ ኮሞ ፆኦሲ ዬያይዲ ማህኔ።

57 ሴኬሜ ዓሳኣ ማዴ ፑርቶ ማዴ ዛሎ ፆኦሲ ዔያቶይዳ ዬያይዲ ሚቶ ዓጌኔ፤ ያዲ ማዔም ጌዲዎኔ ናኣዚ። ዲዮዓታሜ ዔያቶ ጋዳንቃፃ ጌዔ ባካ ቢያ ዔያቶ ሄሌኔ።

# 10

## ቶላዔ

1 ዓቤሚሌኬ ሃይቁሰካፓ ዶዶ ጌይንታህኒኮ ናኣዚ ናይ፡ ፑዓ ናኣዚ፡ ቶላዔ ዲሰራዔኤሌ ዓሶ ዓውሳኒ ከሰከኔ፤ ዲዚ ዪሳኮኦሬ ፃጳፓ ማዓዛ፡ ዲ ናንጋህሂ ጌሜራ ሚርጌ ዓኣ ዔፕሬኤሜ ዓጮኮ ሻሚሬ ጌይንታ ቤዛኩ።

2 ዲዚ ላማታሚ ሃይሃ ሌዔ ዲሰራዔኤሌ ዓሶኮ ሱኡጌ ማዒ ዎይህሰካፓ ሃይቁ ዲኢካ ሻሚሬይዳ ዲኡኡቴኔ።

## ያዒሬ

9:53 2ሳሙ. 11:21።

3 ቶላዔፓ ሄሊሳፆ ጌሌዓዴ ዓሲ ማዔ፥ ያዒሬ ከሰኪ ላማታሚ ለምፆ ለዔ ዒሰራዔኤሌ ዓሶኮ ሱኡጌ ማዒ ወይሄኔ።

4 ዒዛኮ ሃይሢታሚ ሃሬ ቶጊ ሃንታ ሃይሢታሚ ዓቲንቄናይ ዓኣኔ፤ ዔያቶኮ ጌሌዓዴ ዓጮይዳ ሃይሢታሚ ካታማ ዓኣኔ፤ ዬንሢ ካታማ ሃኖ ሄላንዳኣና ያዒሬ ጉርዶ ጌይንታኔ።

5 ዬካፓ ያዒሬ ሃይቄ፥ ቃሞኒሜይዳ ዱኡቴኔ።

**ዮፕታሄ**

6 ዒሰራዔኤሌ ዓሳ ሃሃ ጊንሣ ባዓኣሌና ዓሰታሮቴ ጌይንታ ሜሌ ያኦዞ፤ ዬያፑዲ ሶኦሪያ፥ ሲዶና፥ ሞዓኣቤ፥ ዓሞኦኔንታ ፒሊሰጻኤሚ ዓሶንታ ካኣሽካ ያኦዞ ካኣሽኪ ናንጊና ናንጋ ጎዳ ዓይሢባኣ ባኣዚ ማዲ ዳቢንቴኔ፤ ዒዛ ካኣሽኪዎሞ ዔያታ ሃሼኔ፤

7 ዬያሮ ናንጊና ናንጋ ጎዳ ዒሰራዔኤሌ ዓሶ ዑፃ ዳጋዲ ፒሊሰጻኤሚ ዓሶና ዓሞኦኔ ዓሶና ያሊ ዔያቶ ዓርቃንዳፑዲ ዓኣሢ ዒንጌኔ።

8 ዓሞኦኔ ዓሶና ፒሊሰጻኤሚ ዓሶና ዮርዳኖሴ ዎሮኮ ዓባ ከሰካ ዛላ ዓኣ ዓሞራ ዓሶ ዓጮኮ ጌሌዓዴይዳ ናንጋ፥ ዒሰራዔኤሌ ዓሶ ታጰ ሳሊ ለዔ ሜታሲ ፔ ዴማ ወይሄኔ።

9 ዓሞኦኔ ዓሳ ዪሁዶ ፃጰንታ ቢኢኒያሜ ፃጰንታ ዔፕሬኤሚ ፃጰዎ ያላኒ ዮርዳኖሴ ዎሮና ፒንቄሢሮ ዒሰራዔኤሌ ዓሳ ዎኦቶንዶ ካራ ባይዚ ሜታዳኔ።

10 ዬካፓ ዒሰራዔኤሌ ዓሳ፡- «ኔና፥ ኑ ያኦዞሢ ኑ ሃሺ ባዓኣሌ ጌይንታ ሜሌ ያኦዞ ካኣሽኪያና ኑ ዳቤኔ» ጌዒ ናንጊና ናንጋ ጎዳ ባንሢ ዒላቴኔ።

11 ናንጊና ናንጋ ጎዳ ዒማና ዔያቶም፡- «ጊብፃ፥ ዓሞራ፥ ዓሞኦኔ፥ ፒሊሰጻኤሚ፥

12 ሲዶና፥ ዓማሌቄንታ ማኣፆ ዓሶንታ ሃያኮ ቤርታ ፔ ዴማ ማሃ ዒንሢ ሜታሲ ወይሄ ዎዶና ዒንሢ ታ ባንሢ ዒላቴም ታኣኒ ዒንሢ ዔያቶ ኩጫፓ ዓውሲባኣዳዳ?

13 ዒንሢ ጋዓንቲ ሃኖ ሄላንዳኣና ታና ሃሺ ሜሌ ያኦዞም ዚጋኔ፤ ዬያሮ ታ ዒንሢ ማይ ላሚ ማኣዳዓኩ፤

14 ዓኣዳዎቴ፥ ዒንሢ ናሽኩ ያኦዞ ባንሢ ዒላቴዎቴ፤ ሜታሢ ዒንሢ ሄላ ዎዶና ሃንዳ ዔያታ ዒንሢ ዓውሶንጎ» ጌዔኔ።

15 ዒማና ዒሰራዔኤሌ ዴራ ናንጊና ናንጋ ጎዳም፡- «ጎኔ ኑ ዳቤኔ፤ ኔ ናሽኩ ባኣዚ ኑጊዳ ማማዳ፤ ሃኖ ሌሊ ሃዳራ ኑና ዓውሴ» ጌዔኔ።

16 ዬካፓ ዔያታ ሜሌ ካኣሽካ ያኦዞ ባይዚ ናንጊና ናንጋ ጎዳ ካኣሽኩኔ፤ ናንጊና ናንጋ ጎዳኣ ዒሰራዔኤሌ ዓሳ ሜታዳ ሜቶ ዛጊ ጊባኒ ዳንዳዒባኣሴ።

17 ዩካፓ ዓሞኦኔ ዓሶኮ የሎ ዓሳ የሎሮ ጌሲ ጌሌዓዴይዳ ሙኪ ዲንኬኔ፤ ሃሣ ሲሰራዔኤሌ ዓሳኣ ፔቴይዳ ቡኪ ጌሌዓዴኮ ሚጂጳ ጌይንታ ቤዛ ዲንኬኔ፤

18 ጌሌዓዴይዳ ዓኣ ዴሮንታ ሲሰራዔኤሌ ዓሶኮ ሱኡጎንታ ቢያ፡- «ዓሞኦኔ ዓሶ ኑ የላ ዎዶና ኑኡኮ ሱኡጌ ማዒ ኑና የሊሳንዳሢ ያናዳይ? ዬያይዲ ኑና ዔኪ ኬሰኪ የሊሴ ዓሢ ጌሌዓዴይዳ ናጎጎ ዓሶኮ ቢያ ሱኡጌ ማዓንዳኔ» ጌይ ዎላ ጌሰቴኔ።

# 11

1 ጌሌዓዴ ዜርሢ ማዔያ የፕታኣሄ ጎየሢ ሳኒባኣ፣ ፔቴ ዘኦሰካ ኮኣማ ላኣሊሰኬና ሾዔያ የልዚናኣ ዔርቴ ዓሲኬ፤ ሲዛኮ ዓዴ ጌሌዓዴ ጌይንታኔ።

2 ሲዛኮ ዓዴ፣ ጌሌዓዴ ቤርታ ላኣሊ ዔኪ ሾዔ ሚሌ ዓቲንቄ ናይ ዓኣኔ፤ ዔያታ ዲጩሰካፓ ዔያቶኮ ጌርሲ የፕታኣሄ ኮይላ፡- «ኔኡኮ ሲንዳ ሚሌታሢሮ ኑ ዓዶ ባኮይዳፓ ፔቴ ባኣዚታፆ ኔ ዳካላንዳያ ኮይሱዋሴ» ጌሲ ማኣራፓ ኬሲ ሲዛ ዔያታ ዳኬያኬ።

3 የፕታኣሄ ሲማና ጌርሲንሢፓ ዓኣሺንቲ ዴንዲ ያኦቤ ጌይንታ ዓጪዳ ናንጌኔ፤ ሲኣካ ሲዚ ዓሲ ባኣዚ ማንፂ ሙዓ፣ ዳካ ዓሲ ፔ ኮይላ ቡኩሲ ዔኪ ሃንታኔ።

4 ዳካ ዴዔሰካፓ ዓሞኦኔ ዓሳ ሲሰራዔኤሌ ዓሶ የላኒ ዔቄኔ።

5 ዬያሮ ጌሌዓዴ ዓሶኮ ሱኡጎ ያኦቤይዳፓ የፕታኣሄ ማሃ ዔኪ ሙካጎ ዴንዳዎ፡-

6 የፕታኣሄ ኮይላ፣ «ዓሞኦኔ ዓሶ ኑ የላንዳጉዲ ሙኪ ሱኡጌ ማዒ ኑና የሊሴ» ጌዔኔ።

7 የፕታኣሄ ጋዓንቲ፡- «ታና ሲፂ፣ ታ ዓዶ ማኣራፓ ታና ዳውሴ ዓሳ ሲንሢቱዋዓዳ? ዓካሪ ሲንሢ ሚታሢ ሄላዛ ዓይጋ ታ ኮይላ ሙኬፆ» ጌዔኔ።

8 ዔያታ የፕታኣሄም፡- «ሃሢ ኑ ማይ ኔ ባንሢ ማዔኔ፤ ኑኡና ዎላ ኔ ኬሰኪ ዓሞኦኔ ዓሶ የላንዳጉዲ፤ ሃሣ ጌሌዓዴ ዓሶኮዋ ቢያ ኔ ሱኡጌ ማዓንዳጉዲ ኑ ኮዓኔ» ጌዔኔ።

9 የፕታኣሄ ጌሌዓዴ ጪዋ ኮይላ፡- «ማኣሪ ሲንሢ ታና ማሃ ዔኪ ዴንዴሰካፓ ናንጌና ናንጎ ጎዳ ዓሞኦኔ ዓሶ ታና ባሺሲሴቴ ሲንሢ ታና ሱኡጌ ማሃንዳያቱዋይ?» ጌዔኔ።

10 ዔያታ ማሃ፡- «ናንጌና ናንጎ ጎዳ ኑኡኮ ማርካኬ፤ ኔ ጌዔሢ ጎይፆ ኑ ማዳንዳኔ» ጌዔኔ።

11 ዬያሮ የፕታኣሄ ጌሌዓዴ ዓሶ ሱኡጎና ዎላ ዴንዴኔ። ሲማና ዴራ ዔያቶ ዎይሣንዳ ሱኡጌ ማሃ ሲዛ ዴኦሬኔ፤ የፕታኣሄያ ሚጂጳይዳ ዬያ ዔኤዒ ዔኬያ ማዒፆ ናንጌና ናንጎ ጎዳ ቤርታ ፔጋሲ ዔርዜኔ።

12 ዩካፓ ዮፕታኣሄ ዓሞኦኔ ካኣቲሞ፡- «ኔ ኦኡና ዋላ ፑርቴህሂ ዓይጎርዳይ? ዓጮ ኦኡኮ ኔ ዓርቃኒ ጌሌህያኣ ዓይጎርዳይ?» ጌይ ያኡጮንዳጉዲ ከኢታ ዓሲ ዳኬኔ።

13 ዮፕታኣሄ ዳኬ ከኢቶ ዓሶሞ ዓሞኦኔ ዓጮ ካኣቲ፡- «ዒሰራዔኤሌ ዓሳ ገብፄ ዓጮፓ ኬሰካፖ ዓርኖኦኔ ዋራፓ ዴንዲ ያኣቦቁ ዋሮ ሄላንዳኣና ዓኣ ታ ዓጮንታ ዮርዳኖሴ ዋሮዋ ዔኬኔ፤ ሃህ ጋዓንቴ ኮሺና ዒንህሂ ዬያ ታኣሞ ማሃንዳያ ኮይሳኔ» ጌዔኔ።

14 ዬያሮ ዮፕታኣሄ ከኢቶ ዓሶ ገንህሂ ዓሞኦኔ ካኣቲ ኮይላ፤

15 ሂዚ ጌይ ኬኤዛንዳጉዲ ዳኬኔ፡- «ዒሰራዔኤሌ ዓሳ ሞዓኣቤኮዋ ማፖሞ ዓሞኦኔኮ ዓጪ ዔኪባኣሴ፤

16 ጋዓንቴ ዒሰራዔኤሌ ዓሳ ገብፄፓ ኬሰካፖ ዓሲ ናንጉዋ ዳውሎ ገዴና ጌዒ ዘቁ ባዘ ሄሌኔ፤ ዬይና ጋዓፖ ሃህ ቃዴሴ ዴንዳኔ፤

17 ዩካፓ ዔዶኦሚ ዓጮይዴና ዳካንዳጉዲ ዔዶኦሚ ካኣቲ ኮራ ያኡጮሞ ከኢታ ዓሲ ዔያታ ዳኬኔ፤ ጋዓንቴ ዔዶኦሚ ዓጮ ካኣቲ ዔያታ ዬይና ዓኣዳንዳጉዲ ኮዒባኣሴ፤ ዬያጉዲ ሃህ ዔያታ ሞዓኣቤ ካኣቲ ኮይላኣ ዒዞ ጎይፖ ያኡጮሞ ዬይያ ፔ ዓጮና ዴንዲዋጉዲ ዔያቶ ላኣጌኔ፤ ዬያሮ ዒሰራዔኤሌ ዓሳ ቃዴሴይዳ ዴዔኔ፤

18 ሃህ ዩካፓ ዔያታ ዓሲ ናንጉዋ ዳውሎ ገዴና ጌዒ ዔዶኦሚና ሞዓኣቤ ዓጮናኮ ዙሎ ሺሪ ሞዓኣቤ ዓጮኮ ዓባ ኬሰካ ዛላ፤ ሃህ ዓርኖኦኔ ዋሮኮ ሱካ ዓኣ ቤዛ ሙኪ ዲንኪ ዴዔኔ፤ ጋዓንቴ ዓርኖኦኔ ዋራ ሞዓኣቤ ዓሶኮ ዛጳ ማዔህሮ ዬያይዴና ዔያታ ፐንቁባኣሴ።

19 ዬያጉዲ ሃህ ዒሰራዔኤሌ ዓሳ ሃሴቦኣኔይዳ ዴዒ ዋይህ፡ ዓሞራ ዓሶ ካኣቲ፡ ሲሆኔሞ ዒዛ ዓጮይዴና ዳካንዳጉዲ ያኡጮሞ ከኢታ ዓሲ ዳኬኔ፤

20 ዒማና ሲሆኔ ዒሰራዔኤሌ ዓሳ ዒዛ ዓጮይዴና ዴንዳንዳጉዲ ኮዒባኣሴ፤ ሃህ ዒዚ ፔኤኮ ፖኦሊሶ ቡኩሲ ያሃፄ ዔኪ ሙኪ ዴንኪሲ ዴይሂ ዒሰራዔኤሌ ዓሶ ያሌኔ።

21 ጋዓንቴ ናንገና ናንጋ ጎዳ ማዔ ዒሰራዔኤሌ ያኣዛህ ዒሰራዔኤሌ ዓሳ ዒዛኮ ፖኦሊሶ ባሻንዳጉዲ ማሄኔ። ዬያይዲ ዒሰራዔኤሌ ዓሳ፡- ዒኢካ ናንጋ ዓሞራ ዓሶ ዓጮ ቢያ ፔ ዓጪ ማሂ ዔኬኔ፤

22 ደኦሎ ዛሎና ዓርኖኦኔ ዋራፓ ዓርቃፖ ኬዶ ዛሎና ዴንዲ ያኣቦቁ ዋሮ ሄላንዳኣና፤ ዬያጉዲ ዓባ ኬሰካ ዛሎና ቦኦሎ ጉራፓ ዔቃፖ ዓባ ጌላ ዛሎና ዮርዳኖሴ ዋሮ ሄላንዳኣና ዓኣ ዓሞራ ዓሶ ዓጮ ጉቤ ዓርቄኔ፤

11:17 ፓይ. ማፃ 20:14-21። 11:18 ፓይ. ማፃ 21:4። 11:22 ፓይ. ማፃ 21:21-24።

23 ዬያር ፔ ዴር ዲሰራዴኤሌ ዓሶር ጌዲ ዓሞራ ዓሶ ዳውሲ ኬሴህ ናንጊና ናንጋ ጎዳ ማዔ ዲሰራዴኤሌ ያኦዛህክ፥ ዲ ፔኤር ዬያ ማዳኔ፤ ሂዳዎ ሃህኒ ኔ ዬያ ማሂ ዔካኒ ማላ?

24 ኔኤኒ፡- ኔ ያኦሲ፥ ኬሞሼ ኔኤም ዲንጌ ዓጮማ ዓርቂ ዚቲ ጌይ ኔ ዴዑዋዓዳ? ኑኡኒ ናንጊና ናንጋ ጎዳ ማዔ ኑ ያኦዛህ ኑም ዲንጌ ዓጮ ዔኪ ናንጋንዳኔ።

25 ኔኤኒ ሞዓኦቤ ዓጮ ካኦቲ ዪፖሪ ናኦዚ ባኦላኦቄይዳፓ ባሻንዳ? ዲዚታዎ ዲሰራዴኤሌ ዓሶ ፔቲታዎ ቃዛኒ ዳንዳዲባኦሴ፤ ሃህ ዲዚ ኦና ያላኒ ጫርቂ ኬሰኪባኦሴ።

26 ዬያር ዲሰራዴኤሌ ዓሶ ሃይሃ ጭታ ለዔ ጉቤ ሃሴቦኦኔና ኮይሎይዳ ዓኦ ጉርዶ፤ ዓርዔኤሬንታ ኮይሎይዳ ዓኦ ጉርዶ፤ ዬያጉዲ ዓርኖኦኔ ሞር ዓጮ ዓኦ ካታሞ ቢያ፥ ዔኪ ዲኦካ ናንጌኔ፤ ሂዳዎ ያዲ ማዔ ናንጌ ሞዶና ዓይጋ ዲንህ ማሂ ዔኩሞዎ ሃሹይ?

27 ታ ኔኤም ፔቲታዎ ፑርቲሴ ባኦዚ ባኦሴ፤ ታና ያላኒ፥ ሃህ ፑርታ ማዶ ታኦም ማዳኒ ዔቁህ ኔናክ፤ ዬያር ሃህ ፑርታህ ያናታቲያ ሞጋንዳህ ናንጊና ናንጋ ጎዳክ፤ ዲዚ ሃኖ ዲሰራዴኤሌ ዓሶና ዓሞኦኔ ዓሶና ባኦካ ዓኦ ጌኤዞ ቲቃህ ማዓንዳኔ።»

28 ዓሞኦኔ ዓጮ ካኦቲ ጋዓንቲ ዮፕታኦሃ ዳክ፥ ኪኦቶ ዔኤቢኪ ጌይባኦሴ።

29 ናንጊና ናንጋ ጎዳኮ ዓያና ዲማና ዮፕታኦሃይዳ ኬዴኔ፤ ዬያር ዮፕታኦሃ ጌሌዓዴና ሚናኦሴ ዓጮ ጊዴና ጌይ ዴንዴኔ፤ ዬይና ጌይ ሃህ ጌሌዓዴይዳ ዓኦ ሚጂጳ ዴንዴኔ፤ ዬካፓ ሃህ ዓሞኦኔ ዴንዴኔ።

30 ዲዚ ናንጊና ናንጋ ጎዳም፡- «ዓሞኦኔ ዓሶ ኔ ታና ባሺሲሴቴ፥

31 ታኦኒ ያሎና ባሺ ማኦሪ ማዔ ኮሺና ሙካኦና ማኦራፓ ታና ጎይሃ ዔካኒ ኬሰኪ ዓሶማ ኔኤም ማዓንዳኔ፤ ዬማ ዓሶማ ኔኤም ሚቶ ዲንጎ ዲንጊህ ማሂ ታ ሹኪ ዲንጋንዳኔ» ጌይ ናኦኔ።

32 ዬካፓ ዮፕታኦሃ ዓሞኦኔ ዓሶ ያላኒ ዴንዳዛ ናንጊና ናንጋ ጎዳ ያሎና ዲዛ ባሺሲሴ።

33 ዓርዔኤሬይዳፓ ዓርቃዎ ሚኒቲ ኮይሎይዳ ዓኦ ቤዞ ሃላንዳኦና ጉቤ ለማታሚ ካታሚ፤ ዬያጉዲ ሃህ ዴንዲ ዓኦቤልኬራሚሚ ሃላንዳኦና ዓኦ ዓሶ ቢያ ሞዲ ባይዘኔ፤ ዬያይዲ ዲሰራዴኤሌ ዓሶ ዓሞኦኔ ዓሶ ያሎና ባሺ።

**ዮፕታኦሃ ናዎ**

34 ዮፕታኦሃ ሚጂጳይዳ ዓኦ ፔ ማኦሪ ማዔ ሙካኦና ዲዛኮ ናኦ ካራቤ ዔኪ ባዲ ዓይናዲ ዓይናዲ ዲዛ ዔካኒ ጎይሃ ኬሰኪኔ፤ ዲዘይዳፓ ዓታዛ ሜሌ ዲዛኮ ዓቲንቁታቲያ ሙዴር ናይያ ባኦሴ።

11:25 ፓይ. ማፃ 22:1-6።



35 ዲዛ ዲ ዴንቃዎ ያዩ ፔኤኮ ማእዳሚ ዳርዘ:- «ታ ናዔሌ ዎኑ! ታና ኔ ዎዴኔ! ዴኔፕ ሜቶይዳ ኔ ታና ዓገኔ፤ ናንገና ናንጋ ጎዳም ታ ናኣቤሢሮ ናኣቦ ታ ሃሻኒ ዳንዳዑዎሴ!» ጌዔኔ።

36 ዲዛ:- «ዓዴ! ናንገና ናንጋ ጎዳም ኔ ናኣቤያ ማዔቴ ዲዚ ኔኤኮ ሞርኮ ዓሞኦኔ ዓሶ ያሊ ባሼሢሮ ታና ኔ ማዳኒ ማሊ ናንገና ናንጋ ጎዳም ናኣቤ ባኮ ኩኩንሢ!» ጌዔኔ።

37 ጋዓንቴ ዓዶ ኮይላ ዲዛ:- «ታ ኔና ፔቴ ባኣዚ ሺኢቃኔ፤ ዬና ዓይጎዳይ ጌዔቴ ሃጊ ታ ኩሙሢ ዉዱሮ ናይ ዓኣዎ ሃይቃሢሮ ታ ላጎና ዎላ ዴኮ ኬሰኪ ሃንቴ ሃንቴ ዬያ ዛሎ ላምዎ ዓገኒ ታ ዲኣካ ዬኤኮም» ጌዔኔ።

38 ዲዚያ ዲዛ ላምዎ ዓገኒ ዲኣካ ዴዓንዳጉዲ ሳራሢ ዳካዛ ዲዛ ፔ ላጎና ዎላ ዴኮ ኬሰኪ፣ ለዒ ናይ ዲዛ ሹውዎዎ ዓታሢሮ ዬኤኬኔ።

39 ላምዎ ዓገኒኪኮ ጊንፃፓ ዓዶ ማኣሪ ማዒ ዲዛ ሙካዛ፣ ናንገና ናንጋ ጎዳም ጫኣቄሢ ዓዴ ዲዘና ኩንሢኔ፤ ዲዛ ዲማና ኩሙሢ ዉዱሮ ናይኬ።

ዬማፓ ዓርቃዎ፡

40 ዲሰራዔኤሌ ዓሶኮ ዉዱሮ ናኣታ ለዓ ለዓ ያይዶ ኬሊ ማዓንዳያ ማኣራፓ ሃኪ ዴንዲ ዴንዲ ጌሌዓዴ ዓሢ፣ ዮፕታኣሄ ናዎ ዛሎ ማሊ ያዩ ዬኤካሢ ዳምቤ ማዔኔ።

# 12

## ዮፕታኣሄና ዔፕሬኤሜ ዓሶና

1 ዔፕሬኤሜ ዓሶ ያሎም ጊኣገንቴ ዮርዳኖሴ ዎርና ፒንቂ ፃፖኔ ሄላዎ ዮፕታኣሄ ኮይላ:- «ዓሞኦኔ ዓሶ ያላኒ ኑ ኮይሊና ኔ ዴንዳዎ ኑና ኔ ዓይጎሮ ዔኤሊባኣይ? ሃሢ ኔኤኒ ኔኤኮ ማኣሮይዳ ዓኣንቴ ታሚ ኑ ኔገዳ ዓጋንዳኔ!» ጌዔኔ።

2 ዮፕታኣሄ ዔያቶ ኮይላ:- «ታናንታ ታ ዴርንታ ዓሞኦኔ ዓሶ ዓርቂ ኑ ዎሊ ያላኣና ዲንሢ ታ ዔኤሌኔ፤ ዲንሢ ጋዓንቴ ዬያቶ ዓሶይዳፓ ታና ዓውሲባኣሴ፤

3 ዲንሢ ታና ማኣዳኒ ኮዒባኣሢ ታ ዴንቁ፣ ታ ሹምፓሢ ሚጠገንቴዎ ዔያቶ ያላኒ ዛጸና ፒንቂ ታ ዴንዳዛ ናንገና ናንጋ ጎዳ ያሎና ዔያቶ ታና ባሺሲሴኔ። ሂዳዎ ሃሢ ዲንሢ ታና ያላኒ ዔቄሢ ዓይጎሮዳይ?» ጌዔኔ።

4 ዬካፓ ዮፕታኣሄ ጌሌዓዴ ዓሶ ቡኩሲ ዔኪ ዴንዲ ዔፕሬኤሜ ዓሶ ያሊ ባሼኔ፤ ዓይጎሮ ጌዔቴ ዔፕሬኤሜ ዓሶ ዔያቶ:- «ዲንሢ

---

11:35 ፓይ. ማፃ 30:2።

ዔፕሬኤሚና ሚናክሴ ዓጮናይዳ ናጎጋ ጌሌዓዴ ዓሳ ዔፕሬኤሚና ዓጮ ዒዲ ቤቲ ሙከኔ ዓሲከ!» ጋዓሢሮከ።

5 ዩያር ዔፕሬኤሚና ዓሳ ቶሎዋጉዲ ጌሌዓዴ ዓሳ ዮርዳኖሴ ዎርና ፒንቆ ካሮ ካሮ ቲቄኔ፤ ጌሺ ቶላኒ ጋዓ ዔፕሬኤሚና ዓጪ ዓሲ ፒንቃኒ ያኦጫ ዎዶና ጌሌዓዴ ዓሳ፡- «ኔኤኒ ዔፕሬኤሚና ዓጪ ዓሲዳ?» ጌይ ያኦጫዘ፡- «ዔይዔ» ጌዔቲ።

6 ሂንዳ፡- «ሺቦሌቲ» ጌዔ ጋዓኔ፤ ዩይ ዓሢ «ሺ» ጋዓ ፒዳክሌሎ ፒዚሲ ዔኤሎዋክሢሮ «ሲቦሌቲ» ጋዓኔ፤ ያዲ ጌዔቲ ዔያታ ዩያ ዓሢ ዔከ ዮርዳኖሴ ዎርና ፒንቆ ካሮኮ ፔቲዘይዳ ሺኢሺ ዎዎዳኔ፤ ዩናና ያይዲታሚ ላዎዎ ሺያ ዓሲ ዔፕሬኤሚና ዓሳፓ ሃይቄ።

7 ዮፕታክሂ ላሆ ሌዔ ጉቤ ዒሰራዔኤሌ ዓሳኮ ሱኡጌ ማዔሰካፓ ሃይቄ፡ ዒዚ ሾይንቲ ጌሌዓዴኮ ፔቲ ካታማሰከኖይዳ ዲኡቲ።

**ዒብፃኔንታ ዔሎኔንታ ዓብዶኔንታ**

8 ዮፕታክሂፓ ሄሊሳዎ ቤኤቲሌሂሚይዳ ሾይንቲ፡ ዒብፃኔ ዒሰራዔኤሌ ዓሳኮ ሱኡጌ ማዔኔ፤

9 ዒዛኮ ሃይሢታሚ ዓቲንቄ ናይና ሃይሢታሚ ዉዲሮ ናይ ዓኣኔ፤ ዩያ ዉዲሮ ናኣቶ ዒዛ ቶኦኪ ማዒባኣ ዓሲዎ ዒዚ ዒንጌኔ፤ ዩያጉዲ ሃሢ ዒዛ ቶኦኪ ማዒባኣ ዉዲሮ ናኣቶ ዔከ ሙከኒ ዒዛኮ ዓቲንቄ ናኣቶዎ ዒንጌኔ፤ ዒዚ ላንካይ ሌዔ ዒሰራዔኤሌ ዓሳኮ ሱኡጌ ማዔኔ።

10 ዩካፓ ዒ ሃይቄ ቤኤቲሌሂሚይዳ ዲኡቲ።

11 ዒብፃኔፓ ሄሊሳዎ ዛብሎኦኔ ፃጲ ማዔ ዔሎኔ ታጾ ሌዔ ዒሰራዔኤሌ ዓሳኮ ሱኡጌ ማዒ ዎይሢ።

12 ዩካፓ ዒ ሃይቄ፡ ዛብሎኦኔ ዓጮይዳ ዓኣ ዓያሎኔ ዓጫ ዲኡቲ።

13 ዔሎኔፓኣ ሄሊሳዎ ፒርዓቶኔ ዓጪ ሾይንቲ ማዔ፡ ሂሌሌ ናኣዚ ዓብዶኔ ዒሰራዔኤሌ ዓሳኮ ሱኡጌ ማዔኔ፤

14 ዓብዶኔኮ ላንካይታሚ ሃሬ ቶጌ ሃንታ ያይዲታሚ ዓቲንቄ ናይና ሃይሢታሚ ናኣዚ ናይና ዓኣኔ፤ ዓብዶኔ ሳሊ ሌዔ ዒሰራዔኤሌ ዓሳኮ ሱኡጌ ማዒ ዎይሢ።

15 ዩካፓ ዒ ሃይቄ ጌሚራ ሚርጌ ዓኣ፡ ዓማሌቄ ዓሳ ዓጮ ጋራ ዔፕሬኤሚና ዓጫ ፒርዓቶኔይዳ ዲኡቲ።

**13**

ሶምሶሜኮ ሾይንቶ

1 ዲሰራዔኤሌ ዓሳ ሃሣ ገንሣ ጎዳም ዋይዞ ዲዒ ፑርታ ማዶ ማዶ ዳቤኔ፤ ዩያር ናገገና ናገገ ጎዳ ፒሊሰጃኤሜ ዓሳ ዔያቶ ያይዲታሚ ሌዔ ጉቤ ፔ ዳማ ማሂ ዋይሣንዳጉዲ ዓሳሢ ዲንጌኔ።

2 ዬኖ ዋዶና ያርዓ ጌይንታ ካታማይዳ ናገገ፤ ማኑሄ ጎዶ ፔቴ ዓሲሰኬይ ዓሳኔ፤ ዲዚ ሾይንቴሢ ዳኣኔ ፃጳፓኬ፤ ማቻ ዲዛኮ ዘኣኮታሢር ናይ ሾይባኣሴ።

3 ዒዛም ናገገና ናገገ ጎዳኮ ኪኢታንቻ ጴዳዶ፡- «ኔኤኒ ዘኣኮኬ፤ ናይ ኔኤኮ ባኣሴ፤ ጋዓንቴ ሃሢ ኔ ዑኩ ዋዴይዳ ጎጲ ዔኪ ዓቲንቄ ናይ ሾዓንዳኔ፤

4 ዋይኖ ዑዠ ማዔቴያ ዩያጉዲ ዓይጎዋ ማሣ ዑሺ ኔ ዑሽኩዋጉዲ፤ ያኣሲኮ ዋጋ ላኣጋ ሙኡዚያ ኔ ሙዑዋጉዲ ኔና ዔሬ።

5 ጎኔ ኔ ጎጲ ዔኪ ዓቲንቄ ናይ ሾዓንዳኔ፤ ዩይ ናዓሢ ሾይንቴማፓ ዓርቃዖ ያኣሲም ዲማዴያ ናዝራ ዓሲ \* ማዓንደሢር ቶኦኮ ዲዛኮ ፔቴታዖ ጉኡሊፖ፤ ዲዚ ዲሰራዔኤሌ ዓሳ ፒሊሰጃኤሜ ዓሳ ኩጫፓ ዓውሳያ ማዒ ኬሰካንዳኔ» ጌዔኔ።

6 ዩካፓ ላኣሌላ ዳንዲ ፔኤኮ ዓነም፡- «ያኣሲ ዓሲ ማዔ ፔቴ ዓሲሰኬይ ታ ኮይላ ሙኩኔ፤ ዲዛኮ ዓውካራ ያኣሲ ኪኢታንቻጉዲ ዓጊቻያኬ፤ ዲዚ ዓንካፓ ሙኩቴያ ታ ዲዛ ያኣጩባኣሴ፤ ዲዚያ ፔ ሱንጎ ታኣም ኬኤዘባኣሴ፤

7 ጋዓንቴ ዲዚ፡- «ኔ ጎጲ ዔኪ ዓቲንቄ ናይ ሾዓንዳኔ» ጌይ ታኣም ኬኤዘኔ፤ ሃሣ ዲ ኬኤዘዎ፡- «ዬይ ሾይንታንዳ ናዓሢ ሾይንቴማፓ ዳንዲ ሃይቃንዳያ ሄላንዳኣና ናዝራ ዓሲ ማዒ ያኣሲም ዲማዴያ ማዓንደሢር ዋይኖ ዑዠታቴያ ዩያጉዲ ማሣ ዓይጎ ዑሺያ ኔ ዑሽኩዋጉዲ፤ ያኣሲኮ ዋጋ ላኣጋ ሙኡዚያ ሙይፖ» ጌይ ላቴኔ» ጌዔኔ።

8 ዒማና ማኑሄ፡- «ናገገና ናገገ ጎዳሢያ! ናዓሢ ሾይንታዛ ኑ ዋዋዳንዳቴያ ኑም ኬኤዛንዳጉዲ ዩያ ኔኤኒ ዳኬ፤ ኔ ዓሢ ሃሣ ኑ ኮይላ ዳኬ» ጌይ ሺኢቄኔ።

9 ያኣሲ ማኑሄኮ ሺኢጲያ ዋይዜሢር ያኣሲኮ ኪኢታንቻሢ ላሚ ሙኪ ላኣሌሎ ኮይላ ዲዛ ጎሺዳ ዴዒ ዓኣንቴ ጴዴኔ፤ ዒማና ዲዛኮ ዓኒ ማኑሄ ዲዛ ኮራ ባኣሴ፤

10 ዩያር ዲዛ ዑኩና ጳሽኪ ዓኒ ኮይላ ዳንዳዶ፡- «ዬይ ቢሪ ታ ኮይላ ሙኩ ዓሢ ሃኖዋ ሃሣ ታኣም ጴዴኔ!» ጌዔኔ።

\* 13:5 ናዝራ ዓሲ ጌይዮ፡- ያኣሲም ዲማዴያ ጌይሢኬ። 13:5 ፓይ. ማፃ 6:1-5።

11 ዲሞና ማኑሄ ዳዔ ቤዛፓ ዔቂ ማቾ ጊንፆ ዳንዲ ዓሢ ኮይሉ፡- «ታ ማኣሮይንደና ዎላ ጌሰቲሢ ኔናዳ?» ጌይ ያኑጩኑ።

ዓሢያ፡- «ሂዮ ታናኸ» ጌዔኑ።

12 ማኑሄ ሃሣ፡- «ኔ ጌዔ ባካ ጎኔ ማዒ ኩማኣና ሾይንታንዳና ዓሢ ዎዘም ናንጋንዳና ኮይሳይ? ዒዛም ዓይጎ ማደንደያ ኮይሳይ?» ጌይ ያኑጩኑ።

13 ኪኢታንቻሢ ማሃዖ፡- «ኔ ማቻ ታ ዒዛም ኬኤዜ ባኮ ቢያ ዛጊ ማዲ ኩንሣንዳና ኮይሳኑ።

14 ዎይዮ ዓኣፖና ኮሾ ዑሺ ማዔቲያ ዬያይዳፓ ጊኢጊሾ ሙዎ ባኣዚያ ፔቲታዖ ዒዛ ካኣሞፓ፤ ዎይኔ ዑሺ ማዔቲያ ዬያጉዲ ሃሣ ማሃ ዑሺያ ዑሽኮፓ፤ ሃሣ ያኑሲኮ ዎጋ ላኣጋ ሙዖዎ ሙዖፓ፤ ታ ዒዛም ኬኤዜ ባኮ ቢያ ማዲ ዒዛ ኩንሣንዳና ኮይሳኑ» ጌዔኑ።

15 ማኑሄ ናንጊና ናንጋ ጎዳኮ ኪኢታንቻሢ ኮይሉ፡- «ፔቲ ዎናይ ታ ኔኤም ሹኪ ጊኢጊሻንዳኣና ሃዳራ ዳንዲፕ!» ጋዓዛ።

16 ናንጊና ናንጋ ጎዳኮ ኪኢታንቻሢ፡- «ኔ ታና ሃካ ዳይሣቲያ ሙዖ ታ ኔኤኮ ሙዒንዱዎሴ፤ ኔኤኒ ናንጊና ናንጋ ጎዳም ሚቺ ዒንጎ ዒንጊሢ ዒንጋኒ ኮዔቲ ዒዛም ጊኢጊሺ ዒንጌ» ጌዔኑ። ማኑሄ ዲሞና ዬይ ናንጊና ናንጋ ጎዳኮ ኪኢታንቻታሢ ዔሪባኣሴ።

17 ማኑሄ ሃሣ ዒዛ ኮይሉ፡- «ኔ ጌዔ ባካ ጎኔ ማዒ ኩማኣና ኔኤም ኑጋላታንዳጉዲ ሱንፆ ኔኤኮ ኬኤዜ» ጌዔኑ።

18 ኪኢታንቻሢ ዒዛ ኮይሉ፡- «ሱንፆ ኔ ታኣኮ ዔራኒ ኮዓሢ ዓይጎሮዳይ? ሱንፆ ታኣኮ ዲቃሢ ሄርሺሳኸ» ጌዔኑ።

19 ዬካፓ ማኑሄ ዎናናዓሢና ሃኣኮ ዒንጊሢና ዎላ ዔኪ ላሌ ሹቺዳ ናንጊና ናንጋ ጎዳም ዒንጎ ቤሲ ማሂ ዒኢካ ሺኢሺኔ፤ ዲሞና ማኑሄንታ ማቾንታ ዛጋንቲ ናንጊና ናንጋ ጎዳ ዲቃሢ ሄርሺሳ ባኣዚ ማዴኔ።

20 ዎዎዳይ ጌዔቲ ናንጊና ናንጋ ጎዳም ዒንጎ ባኮ ዒንጎና ቤዛፓ ታሚ ለካ ዔኤቲ ኬሰካፆ ማኑሄና ማቾና ዛጋ ጎይሣ ዓኣንቲ ናንጊና ናንጋ ጎዳኮ ኪኢታንቻሢ ዬያ ታሞኮ ባኣካ ዎላ ለካ ጫሪንጮ ዳንዴኔ፤ ዲሞና ማኑሄና ማቾና ባሊቲና ሳዓ ላሃኔ።

21 ናንጊና ናንጋ ጎዳኮ ኪኢታንቻሢ ላሚ ዔያቶም ጴዲባኣሴ፤ ዬካፓ ማኑሄ ዬይ ናንጊና ናንጋ ጎዳኮ ኪኢታንቻሢ ማዔሣ ዔሪኔ።

22 ማኑሄ ማቾ ኮይሉ፡- «ናንጊና ናንጋ ጎዳኮ ኪኢታንቻ ኑ ዛጊሣሮ ማይ ኑ ሃይቄኔ!» ጌዔኑ።

13:18 ማዢ. ማፃ 32:29።

23 ጋዓንቴ ማቻ፡- «ናንገና ናንጋ ጎዳ ኑና ዎዳኒ ኮዔቴ ኑ ሺኢሺ ሚቸዩ ዒንጌ ዒንጌያንታ ሃኣኮ ዒንጌያዎ ዔካዓታንቴኬ፤ ሃሣ ሃያ ባኮ ቢያ ኑም ዳዊ ይያ ባኮዎ ኑም ኬኤዚንዲዎሴ» ጌዔኔ።

24 ዩካፓ ላኣሌላ ዓቲንቁ ናይ ሾዒ ሱንያ «ሶምሶሜ» ጌይ ጌሣኔ፤ ናዓሢ ዲጩኔ፥ ናንገና ናንጋ ጎዳኣ ዒዛ ዓንጃኔ፤

25 ዒዚ ያርዓና ዔሽታዖሌ ጌይንታ ካታዎ ባኣካ ዓኣ ዳኣኔ ጉርዶይዳ ዓኣንቴ ናንገና ናንጋ ጎዳኮ ዓያና ሙኪ ዒዛ ዶዲሺሢሣ ዓርቁኔ።

# 14

## ሶምሶሜኮ ዔፖ

1 ፔቴ ኬሊ ሶምሶሜ ቲሚና ዓጮ ኬዲ፥ ዒኣካ ፔቴ ፒሊሰጻኤሜ ዓሲ ማዔ ዉዲሮ ናይሰኬኖ ዳንቁኔ፤

2 ዩካፓ ማኣሪ ማዔ ሙካዖ ዓዶና ዒንዶና ኮይላ፡- «ቲሚናይዳ ፔቴ ፒሊሰጻኤሜ ዓሲ ማዔ፥ ዉዲሮ ናይሰኬኖ ታ ዳንቁኔ፤ ዬያር ዒዛ ታኣም ማዢሲ ዒንጉዎቴ» ጌዔኔ።

3 ዒዛኮ ዓዶና ዒንዶና ጋዓንቴ፡- «ዓቲንቶ ቤርቶ ቲቁንቲዖ ካኣኦ ካሽቲባኣ ፒሊሰጻኤሜ ዓሶ ዓጮ ላኣሊ ዔካኒ ኔ ዳንዳሢ ዓይጎርዳይ? ኑ ፃጸ ማዔ ዓሶ ባኣካ ዉዲሮ ናይ ባይቁምዳ?» ጌይ ዒዛ ያኦጩኔ።

ሶምሶሜ ዓዶ ኮይላ፡- «ታ ዒዛ ዒናፓ ናሽኬሢሣር ዒዛ ዔኪ ሙኪ ታኣም ዒንጌ» ጌዔኔ።

4 ሶምሶሜ ዩያይዳንዳጉዲ ናንገና ናንጋ ጎዳ ማዳሢ ሾዔ ዓሳ ዔሪባኣሴ፤ ዬኖ ዎዶና ፒሊሰጻኤሜ ዓሳ ዒሰራዔኤሌ ዓሶ ፔ ዳማ ማሃ ዎይሣሢር ዔያቶ ባኣካ ሜታ ማዢንታንዳጉዲ ዔሪዖ ናንገና ናንጋ ጎዳ ዬያ ማዳኔ።

5 ዩካፓ ሶምሶሜ ዒዛኮ ዓዶንታ ዒንዶንታ ዎላ ቲሚና ኬዳኔ፤ ዒኣካ ዎይኔ ጎሺ ጌዳና ዔያታ ዳንዳንቴ ፔቴ ሃጊ ዔቃ ዓዳ ዘቢ ጉዲ ጉዲ ዒዛይዳ ሙኬኔ፤

6 ዒማና ሶምሶሜ ዔሪባኣንቴ ናንገና ናንጋ ጎዳኮ ዓያና ዒዛ ዶዲሺም ዘባሢ ዎናናይጉዲ ኩቻ ዓርቁ ሾኦሌኔ፤ ዬያ ማዳሢ ዒንዶና ዓዶናም ዒ ኬኤዚባኣሴ።

7 ዩካፓ ዒዚ ናዔሎ ኮይላ ዳንዲ ዒዘና ጌሰቴኔ፤ ዒዛ ዒ ናሽኬኔ፤

8 ፔ ዓጮ ዳንዲ ዒ ዳካ ኔጋዖ ዒዛ ዔካኒ ጊንሣ ቲሚና ዳንዲ ቤቃ ዒዚ ቤርታ ዎዳ ዘባሢ ዛጋኒ ጎይፃፓ ካዮ ጌሌኔ፤ ዒማና ሃይቁ ዘባሢኮ ሜጌዖ ጋራ ማሢ ጌሊ ቁንዲ ዔኤሲ ዓኣንቴ ዒዚ ዳንቁኔ፤

9 ዬያ ዔኤዘ ዒ ኩቻ ዔኪ ሙይ ሙይ ጎይያ ዳንዳየ ዓደና ዒንደና ኮይላ ሙኩስካፓ ዔኤዘ ዒንገም ዓደንሢ ሙዔኔ፤ ጋዓንቴ ሰምሶሜ ዬያ ዔኤዘ ሃይቄ ዘባሢኮ ሜጌያ ጋራፓ ዔኬሢ ዔያቶም ኬኤዚባኣሴ።

10 ዒዛኮ ዓዳና ዔሎ ማኣሪ ዳንዳኔ፤ ሰምሶሜያኣ ዒኣካ ሙኡዚ ገኢገሼኔ፤ ዬያይዲ ሙዖ ገኢገሼ፣ ዔፖ ዔካ ዳጌሢ ገኢገሻ ዳምሴኬ።

11 ፒሊስጻኤሜ ዓሳ ዒዛ ዳንቃየ ዒዛና ዎላ ዳዓንዳንዳጉዲ ሃይሢታሚ ጳሾሪ ዒዛ ኮይላ ዶኦሪ ዳኬ።

12 ዒማና ሰምሶሜ ዔያቶ ኮይላ፡- «ሂንዳ ዒንሢ ዔራንዳቴ ዓኣቺሢ ታ ዓኣቸም፤ ዬኖ ዓኣቺጻሎኮ ቡሊያ ለንካዎ ዔፖ ሙዖ ኬሎንሢዳ ታኣም ዒንሢ ኬኤዘቴ ሃይሢታሚ ሚዛጲ ዓፒላ፡ ሃሃ ሃይሢታሚ ለኣሚ ለኣሚ ማኣዓንዳ ማኣዓ ታ ዒንሢም ዒንጋንዳኔ፤

13 ቡሊያ ዒንሢ ኬኤዚባኣቴ ዒንሢ ታኣም ሃይሢታሚ ሚዛጲ ዓፒሎንታ ለኣሚ ለኣሚ ማኣዓ ማኣዓሢንታ ዒንጋንዳኔ» ጌዔ።

ዔያታ ዒዛም፡- «ሂንዳ ዓኣቺያ ኔኤኮ ኬኤዘ፤ ኑ ዎይዘም» ጌዔ።

14 ዒዚ ዔያቶ ኮይላ፡-

«ሙዓያይዳፓ ሙኡዚ ጳዳኔ፤

ደዲፓ ዓኣሢ ባኣዚ ኬሰኬ» ጌዔ።

ዔያቶም ዬይ ሃይሃ ኬሊ ሄላንዳኣና ዔርቶ ዒጻ።

15 ዬያሮ ያይዳሳ ኬሎና ዔያታ ሰምሶሜ ማቾ ኮይላ፡- «ዓኒ ኔኤኮ ጌሺ ዓኣቺያኮ ቡሊያ ኑም ኬኤዚሴ፤ ኔ ዬያይዲባኣቴ ኔ ዓደ ማኣሮይዳ ታሚ ዓገ ኔናንታ ኑ ዎላ ሚቻንዳኔ፤ ሃይሾ፡ ዒንሢ ለምዓሢ ሙዖሮ ኑና ዔኤሊሢ ቡቡራኒኬ!» ጌዔ።

16 ያዲ ዔያታ ጌዔሢሮ ሰምሶሜኮ ማቻ ዒዛ ኮይላ ዬኤኪ ዬኤኪ ሙካዖ፡- «ሃይሾ፡ ኔ ታና ናሽኩዎኣሴ! ኔ ታና ዒናፓ ዒፃኔ ጌይሢኬ! ዎይቲ ጌዔቴ ታ ዓጮ ናኣቶም ዓኣቺያ ኔ ዓኣቻዎ ቡሊያ ኔ ታኣም ኬኤዚባኣንቴም» ጌዔ።

ዒዚ ዒዛ ኮይላ፡- «ዎይዘ! ዬያ ታኣኒ ታ ዓደንታ ታ ዒንደንታምታዖ ኬኤዚባኣሴ፤ ኔኤም ታና ዓይጌ ኬኤዚሳይ?» ጌዔ።

17 ዬያሮ ዔፖ ሙዖ ኬላ ጋፓንዳ ኬሎ ሄላንዳኣና ጉቤ ዒዛ ዬኤፒ ሌሊ ዬኤኪ ሚርጌና ሚታሴሢሮ ለንካሳ ኬሎና ዓኣቺያኮ ቡሊያ ሰምሶሜ ዒዛም ኬኤዛዛ፡ ዒዛ ዬያ ዳንዲ ፒሊስጻኤሜ ዓሰም ኬኤዘ።

18 ዬያሮ ለንካሳ ኬሎ፡ ዓባ ጌሎዋንቴ ካታም ዓሳ ሰምሶሜ ኮይላ ሙኪ፡-

«ዔኤሲዳፓ ባሼ ዓአሣ  
ዘቢዳፓ ባሼ ዶዲ ዓይጌ ዓአይ?»

ጌዲ ዓአቺጃሎኮ ቡሊፆ ኬኤዜኔ።  
ዲዚ ዔይፆቶም፡-

«ታ ማሬሎና ዲንሣ ጎሽኪባአያታቱ  
ቡሊፆ ዲንሣ ዔሪንዲዋያታፆኬ» ጌዔኔ።

19 ዓማና ናንጊና ናንጋ ጎዳኮ ዓያና ዋልቄ ዲዛም ዲንጋዛ፥  
ሶምሶሜ ዓሰቄሎኔ ኬዲ ሃይሣታሚ ዓሲ ዋዳኔ፤ ዬያ ዓሶኮ ሚዛጰ  
ማአዓሣ ቢያ ጉሲ ዓኪ ሙኪ ዓአቺፆ ዔሬ ዓሶም ዲንጌኔ። ዬያር  
ዲ ሚርጌና ዳጋዲ ፔ ማአሪ ማዲ ዴንዴኔ፤

20 ዲዛኮ ማቺላ ዲማና ዲዛኮ ዔፖር ዲዛ ኮይላ ሙኬ፥ ዲዛኮ  
ላጌሰኬያም ዲንጊንቴኔ።

# 15

1 ዳካ ጌዔሰካፓ ዛርጋሣ ጮኦር ዋዳ ሄላዛ ሶምሶሜ ፔኤኮ ማቾ  
ዛጋኒ ፔቱ ዋናናይ ዔኪ ዴንዲ ናዔሎኮ ዓዶ ኮይላ፡- «ታአኮ ላአሌላ  
ዓአ ኬኤፆ ታ ጌላንዳኔ» ጌዔኔ፤

ዓዴ ጋዓንቴ ዲዛ ላአጌኔ፤

2 ዲዚ ሶምሶሜም፡- «ኔ ዲዛ ዲጃያ ታአም ማሌሣር ኔኤኮ ዔፖር  
ኔ ኮይላ ሙኬ ዓሶፓ ፔቱያም ታ ዲንጌኔ፤ ያዲ ማዔቲያ ዲዛኮ  
ጌኤዳ ዲዛፓ ባሼ ሚዛጰያታሣር ጌኤዳ ዔኬ» ጌዔኔ።

3 ሶምሶሜ ዲማና፡- «ማይ ዓካሪ ፒሊሰጃኤሜ ዓሶይዳ ፑርታ  
ባአዚ ታ ማዳቲ ታና ዔኤቢ ጌይፖቱ!» ጌዔኔ።

4 ዩካፓ ዲ ዴንዲ ሃይሣ ጃኤታ ዉኡኮ ኬሚ ዓርቄ ላምዎ ላምዎ  
ማሃ ዑንኮ ዋላ ካንሣ ካንሣ ቱኬኔ፤ ሃሣ ኩሻ ዔኪ ሙካፆ ዑንኮ  
ባአካ ቱኬኔ።

5 ዬያይዴሰካፓ ኩሾ ታሚና ዓይሣ ፒሊሰጃኤሜ ዓሶኮ  
ጮኦሪንቴባአ ዛርጋሣ ባአኮ ዉኡካሣ ዳካዛ ጮኦሪ ናቶናሣ  
ሌሊቱዋንቴ ሃጊ ጮኦሪንቴባአ ዛርጋሣንታ ዛይቶ ሪሚቶ ሚፆንታ  
ዋይኖዋ ዓይሱዋፆ ታማ ሙዔኔ።

6 ዬያር ፒሊሰጃኤሜ ዓሳ፡- «ሃያ ዓይጎ ዓሲ ማዳይ?» ጌይ  
ፆኦጮፆ ሶምሶሜታሣ ዔሬኔ፤ ቲሚና ዓጪ ዓሲ ማዔ፥ ዲዛኮ ባይሲ  
ሶምሶሜኮ ማቾ ዲዛኮ ዔፖር ሙኬ ዓሲም ዲንጌሣር ፒሊሰጃኤሜ  
ዓሳ ዴንዲ ዬኖ ላአሌሎንታ ዓዶንታ ታሚና ሚቺኔ።

7 ሶምሶሜ ዲማና፡- «ዲንሣ ሃያይዴኔ፤ ቃራኬ፥ ታአኒ ሃሣ ኮሞ  
ዔኩዋፆ ሃሻዓኬ!» ጌይ ጮኦቄኔ።

8 ዩካፓ ዲ ኔጉዋፆ ዔፆቶ ፆሊ ሚርጌ ዓሲ ዋዳኔ፤ ዬያይዴሰካፓ  
ዴንዲ ዔፆሜ ጌይንታ ቤሰካ ፔቱ ዴኔ ዔቲይዳ ጌሊ ዴዔኔ።

ሶሞሶሜኮ ፒሊሰጄኤሜ ዓሳ ያሊ ባሺያ

9 ዩካፓ ፒሊሰጄኤሜ ዓሳ ዩሁዳይዳ ዲንኪ ዳዓዖ ሌሂ ጌይንታ ካታሞ ያሊ ዓርቄ፤

10 ዩያሮ ዩሁዳ ዓሳ፡- «ኑና ዒንሢ ዓይጎሮ ያለ?» ጌይ ዔያቶ ያኦጩኑ።

ዔያታ ማሃዖ፡- «ኑ ሙኩሢ ሶሞሶሜ ዓርቄ ቱኪ ዔኪ ኑሞ ዒ ማዳማ ጎይያ ዒዛአ ማዳኒኪ» ጌዔ።

11 ያዲ ዔያታ ጌዔሢሮ ሃይሃ ሺያ ማዓ ዩሁዳ ዓሲ ዔጄሜይዳ ዓአ ዳኖ ዔቲሎ ዳንዲ ሶሞሶሜ ኮይላ፡- «ፒሊሰጄኤሜ ዓሳ ኑና ዋይሃያታሢ ኔ ዔሩዋዓዳ? ሂዳዖ ሃይ ኔ ኑሞ ዓይጎ ባአዚ ማዳይ?» ጌይ ያኦጩኑ።

ዒዚ፡- «ታኣኒ ዔያቶሞ ማዳሢ ዔያታ ታኣሞ ማዳማ ጎይያኪ» ጌዔ።

12 ዔያታ ዒዛ ኮይላ፡- «ኑ ሃሢ ሃይካ ሙኩሢ ኔና ቱኪ ዔኪ ዔያቶሞ ዒንጋኒኪ» ጌዔ።

ሶሞሶሜ ዔያቶ ኮይላ፡- «ዒንሢ ዒንሢሮ ኦ ኔና ዋዲንዱዋሴ» ጌይ ታኣሞ ጫኦቁዋቱ» ጌዔ።

13 ዔያታ ማሃዖ፡- «ቃራኬ፤ ኑኡኒ ኔና ሱሲና ቱኪ ዔኪ ዔያቶሞ ዒዒንጋንዳ፤ ዋዲንዱዋሴ» ጌዔሰካፓ፣ ላምዖ ዓኪ ሱሲና ዒዛ ቱኪ ዒ ዓአ ዔታፓ ኬሲ ዔኪ ዳንዳ።

14 ሶሞሶሜ ዔያታ ዔኪ ሌሂ ሙካዛ፣ ፒሊሰጄኤሜ ዓሳ ዋዛና ኮኦሚ ኮኦሚ ዒዛ ኮይላ ሙኩኔ፤ ዒማና ናንጊና ናንጋ ጎዳኮ ዒያና ዒዛ ዶዲሻዛ ዒዛኮ ቃሶ ቱኮና ሱዛ ታሚ ሙይ ዶኡዛ ፓቲሌፕዲ ዲጲ ኪዳ።

15 ዩካፓ ዒዚ ዑኬ ሃይቄ ሃራኮ ባንጋላ ዳንቄ ሂርኪ ጌይ ዔካዖ ፔቲ ሺያ ዓሲ ሃሮ ባንጋሎማና ዋዳ።

16 ሶሞሶሜ ዒማና፡-  
«ሃራ ባንጋላና ሺያ ዓሲ ዋዳዮ!  
ሃያ ሃሮ ባንጋሎና  
ሌሲዳ ሌሲ ኩላዮ!» ጌዒ ሜርቲ።

17 ዩካፓ ዩኖ ሃሮ ባንጋሎ ዒዚ ኸቤኔ፤ ዩያ ዒ ማዳ ቤዜሎኮ ሱንፃ፡- «ባንጋላ ጌሜራ» ጌይንቲ።

18 ዒማና ሶሞሶሜ ዋኣሢ ኮሺ ዳኤቤሢሮ፡- «ሃያጉዳ ዳኤፔ ባሺሢ ኔ ታኣሞ ዒንጌኔ፤ ሂዳዖ ሃሢ ዋኣሢ ዳኤቤና ሃይቆንዶ? ዓቲንቶ ቤርቶ ቲቂንቲባኣ ዓሶ ኩጫ ሃሃይቆንዶ?» ጌይ ናንጊና ናንጋ ጎዳ ሺኣቄ።

19 ዩካፓ ናንጊና ናንጋ ጎዳ ሌሂዳ ፔቲ ላሌ ጳሌሞ ዒኢፓ ዋኣሢ ኬሰኬ፤ ዒዚ ዑሽካዛ ሸምፓሢ ዒዛኮ ማዔም ዒ ዶዳ፤ ዩያሮ



ዬና ዋኔፃላ «ዔኤሌሢ ዋኔፃ» ጌይንቴኔ፤ ሃኖ ሄላንዳኦና ዬይ ዋኔፃ ሌሂዳ ዓኣኔ።

20 ሰሞሶሜ ላማታሚ ሌዔ ዒሰራዔኤሌኮ ሱኡጌ ማዒ ዋይህኔ፤ ዬያ ዋዶና ቢያ ዒሰራዔኤሌ ዓሳ ፒሊሰፄኤሜ ዓሶ ዳማ ዋርቃኔ።

# 16

## ሰሞሶሜ ጋኣዛይዳ

1 ፔቴ ኬሊ ሰሞሶሜ ፒሊሰፄኤሜ ዓሲ ካታማ ማዔ፣ ጋኣዛ ጎዖዞ ደንዲ ዒኢካ ፔቴ ዘኦሰካ ኮኦማ ላኣሊሰኬኖ ዳንቃፃ ዒዘና ዋርቃኔ ዒዘ ኮይላ ጌሌኔ፤

2 ጋኣዛ ካታሞ ዓሳ ሰሞሶሜ ዒኢካ ዓኣሢ ዋይዚ ዬኖ ቤዜሎ ማንጋዖ ካታሜሎኮ ጌሎ ካሮ ዬኖ ዋንቶ ካፔ ጎይህ ዋርቁኔ፤ ዔያታ ዒማና፡- «ሳዒ ዳንዲ ካራንዳኦና ዒዘ ኑ ዋዳንዳኔ» ጌይ ማሊ ዬኖ ዋንቶ ዒኢካ ካታኔ፤

3 ጋዓንቴ ሰሞሶሜ ላኣሌሎና ዋላ ሳዖኮ ጊዲሚሽ ሄላንዳኦና ሌሊ ላሃኔ፤ ዬካፓ ዔቁ ካታሜሎ ጌሎ ካሮ ዋዶና ካሮንታ ካሮ ዓይህ ደቆናሢንታ ጋጋርቁ ቁልፖና ባኮንታ ቢያ ቱጌ ጌኤታ ኬዲ ኬብሮኦኔኮ ቤርቶ ዛላ ዓኣ ጌሚሮ ዔኪ ኬሰኬኔ።

## ሰሞሶሜና ዳሊላ ጎዖዞና

4 ዬካፓ ሰሞሶሜ ሶሬቁ ዶኤጮይዳ ናንጋ፣ ዳሊላ ጌይንታ ፔቴ ላኣሊሰኬኖ ናሽኬኔ፤

5 ፒሊሰፄኤሜ ዓጮ ፓቁ ፓቁ ዋይህ ደንጎ ዓሲ ዒዘ ኮይላ ሙኪ፡- «ሰሞሶሜ ጌሽ፣ ዬያ ዋልቆ ዒ ዓንካፓ ዳንቁቴያ፤ ሃህ ዋዲ ኑ ዒዘ ዓርቁ ቱኪ፣ ኑ ኩጮ ጋሮ ጌልዛንዳቴያ ኑሞ ጎኦጮ፤ ኑ ፔቴ ፔቴህ ኔኤም ታጳ ሃይሃ ኪሎ ዓንጌ ቢራ ቢራ ዒንጋንዳኔ» ጌዔኔ።

6 ዬያሮ ዳሊላ ሰሞሶሜ ኮይላ፡- «ሃያይዲ ኔና ደዲሻህ ዓይጎታቴያ ሃዳራ ታኣም ኬኤዜ፤ ሃህ ዓሲ ኔና ዋዲ ቱኪ ላቢሳኒ ዳንዳዓቴያ ታኣም ኬኤዜ» ጌዔኔ።

7 ሰሞሶሜ ዒዘም፡- «ላንካይ ዓኪ ሻሺና ታና ቱኮናቴ ሜሌ ዓሲጉዲ ዋልቁባኣያ ታ ማዓንዳኔ» ጌይ ኬኤዜኔ።

8 ዬያሮ ፒሊሰፄኤሜ ዓሶ ዋይህ ዓሳ ላንካይ ዓኪ ሻሺ ዳሊላም ዔኪ ሙካዛ ዒዘ ሰሞሶሜ ቱኬኔ።

9 ዒማና ሜሌ ቆልዓይዳ ዳዒ ካፓ ዓቲንቁ ዓኣሢሮ ዳሊላ፡- «ሰሞሶሜ! ፒሊሰፄኤሜ ዓሳ ሙኬኔ!» ጌይ ዒላታዞ፣ ዒዚ፡- ፓቲሌ ታሚ ሙዒ ዱኡዛሢጉዲ ሻዡ ዬያ ዱኡዜኔ፤ ዬያሮ ዒዘ ደዲሻህ ዓይጎታቴያ ዓሳ ዔራኒ ዳንዳዒባኣሴ።

10 ዳሊላ ሰምሶሜ ኮይላ፡- «ሃይሾ ኔ ጎኔ ኬኤዚባኣሴ፥ ታና ጌጌኤ፤ ሂንዳ ዎዲ ኔና ቱኮንዶቲያ ሃዳራ ታኣም ኬኤዜቲራ!» ጌዔኔ።

11 ዒዚ ዒዘም፡- «ዔኤቢ ማዲቦኦ ዓኪ ዎዳራና ታና ቱኮናቲ ሜሌ ዓሲጉዲ ዎልቁባኣያ ታ ማዓንዳኔ» ጌዔኔ።

12 ዬያሮ ዳሊላ ዒ ጌዔ ጎይያ ዓኪ ሱሲ ዔኪ ዒዛ ቱኮኔ፤ ሃሃ ሜሌ ቆልጎይዳ ዴዒ ካፓ ዓቲንቁ ዓኣሢሮ ዒዛ፡- «ሰምሶሜ! ፒሊስጻኤሜ ዓሳ ሙኩኔ!» ጌይ ዒላታዛ፥ ዒዚ ዒዛኮ ቃሶ ቱኮና ሱዞ ሻሎጉዲ ዱኡዜኔ።

13 ጊንሣ ሃሃ ዳሊላ ሰምሶሜ ኮይላ፡- «ሃይሾ ኔ ታና ዔኤደሴኔ፤ ጎኔ ኔ ታኣም ኬኤዚባኣሴ፤ ሃዳራ ዎዲ ኔና ቱኮንዶቲያ ታኣም ኬኤዜቲራ» ጌዔኔ።

ዒዚ ዒዘም፡- «ታኣኮ ለንካይ ፓቂ ማዦና ቶኣኮ ጋፓኖ ቃጩናና ዎላ ማዦ ፃውናና ሳዓ ኔ ጳርቂ ዓይሤቲ ሜሌ ዓሲጉዲ ዎልቁ ባኣያ ታ ማዓንዳኔ» ጌዔኔ።

14 ዬካፓ ሰምሶሜ ጊንዓዛ ዒዛኮ ለንካይ ፓቂ ማዦና ቶኣኮ ጋፓኖ ቃጩናና ዎላ ማዦ ፃውናና ሳዓ ዒዛ ጳርቂ ዓጻዖ፡- «ሰምሶሜ! ፒሊስጻኤሜ ዓሳ ሙኩኔ!» ጌይ ዒላቲኔ፤ ዒዚ ጋዓንቲ ጊንዓሰካፓ ቶኣኮ ጋፓኖና ማዦ ጻጻና ባኮ ቢያ ቱጊ ዔኪ ዔቄኔ።

15 ዬያሮ ዒዛ፡- «ዒና ኔኤኮ ታኣናቱዋንቲ ኔ ታና ጉሪ ሩሽካኔ» ጋዓኔ! ሃይሾ፥ ሃይሤ ማይንቲ ኔ ታና ጌጌኔ፤ ሃይማ ሄላንዳኣና ዬያ ዎልቆ ቢያ ዓንካፓ ኔ ዴንቃቲያ ታኣም ኔ ኬኤዚባኣሴ» ጌዔኔ።

16 ዬያ ቢያ ኬሊ ዒዛ ጌዒ ጌዒ፡- «ሃያይዳፓ ሃይቆያታቲ ዓይጎ!» ዒዚ ጋዓንዳያ ሄላንዳኣና ማታሳኔ፤

17 ጋፒንጎይዳ ዒ፡- «ታ ሾይንቲማፓ ዓርቃያ ናዝራ ዓሲ ማዒ፥ ያኣሲም ታ ዲማዴያታሢሮ ቶኣካ ታኣኮ ጉኡሊንቲ ቤቁባኣሴ፤ ቶኣካ ታኣኮ ጉኡሊንቲቲ ዎልቃ ታኣኮ ላቤም ሜሌ ዓሲጉዲ ዎልቁባኣያ ታኣኔ ማዓንዳኔ» ጌይ ጎኑምማ ጋፒ ኬኤዜኔ።

18 ዬካፓ ዳሊላ ዓካሪ ጎኔ ዒ ኬኤዜሢ ዔራዖ፡- «ጎኔ ታኣም ዒ ኬኤዜሢ ፔቲና ሂንዳ ማዒ ሙኩዎቲ» ጌዒ ፒሊስጻኤሜ ዓሳ ዎይሃ ዓሳም ኪኢታ ዳካዛ ዔያታ ሚኢሾ ዔኪ ሙኩኔ።

19 ዒማና ዳሊላ ሰምሶሜ ፔኤኮ ጉባዛ ላይሢ ዑያ ሊኢማሲ ሊኢማሲ ጊንዒጌኔ፤ ዬካፓ ፔቲ ዓሲ ዔኤሊ ለንካይ ፓቂ ማዦና ቶኣኮ ዒዛኮ ጉኡሊሴም ዎልቃ ዒዛይዳፓ ዲማዴሢሮ ዎልቆ ባይዚ ሰምሶሜ ዒዛ ላቢሴኔ፤

20 ዬካፓ ዒዛ፡- «ሰምሶሜ! ፒሊስጻኤሜ ዓሳ ሙኩኔ!» ጋዓዛ፥ ዒዚ ጊንዓሰካፓ ዔቃዖ፡- «ቤርታኣሲ ጎይያ ማዳንዳኔ» ጌዒ ማሌኔ፤ ጋዓንቲ ጎዳ ዒዛይዳፓ ዲማዴሢ ዒዚ ዔሪባኣሴ።

21 ይያር ፒሊሰጭኤሜ ዓሳ ዒዛ ፔ ኩጮ ጋራ ጌልዛዎ ላምዎ ዓአፖ ዒዛኮ ዋቂ ከሲ፣ ጋአዛ ካታሞ ዔኪ ዳንዲ፣ ካኒ ቢራታና ቱኬኔ፤ ዒኢካ ቱኬ ቤዛ ዋንሢ ዒዛ ዔያታ ዋዲሺሴኔ፤

22 ዩካፓ ቶኦኮ ጋፓና ዒዛኮ ገንሣ ከሰከሢሣ ዓርቄኔ።

**ሶምሶሜኮ ሃይቦ**

23 ዒማና ፒሊሰጭኤሜ ዓሶ ዋይሣ ዓሳ፡- «ኑኩኮ ሞርካሣ ማዔ ሶምሶሜ ኑ ያኦዛሣ፤ ዳኦጎኔ ኑ ኩጮ ጋራ ጌልዜኔ» ጌዒ ዋዛዲ ዔያቶ ያኦዛሣ ዳኦጎኔም ዴኤፒ ዒንጎ ባኦዚ ዒንጋኒ ቡኬኔ።

24 ዒዛ ዔያታ ዳንቃዎ፡-

«ዓጮ ኑኩኮ ባይዜሣ  
ኑኩኮ ሚርጌ ዓሶ ዋዴ ሞርካሣ  
ኑ ጎዳ ኑም ዓኦሣ ዒንጌኔ»

ጌዒ ፔ ያኦዛ ዔያታ ጋላቲኔ።

25 ዔያቶ ዩይ ሚርጌና ዋዛሳዛ፡- «ዓማሊ ኑና ዒ ሚኢጨሳንዳጉዲ ሶምሶሜ ኑኩም ዔኤሊ ዔኪ ዩዑዋቱ» ጌይ ዔኤሊሲ ዔኪ ዩዔም ዒዚ ዔያቶኮ ቤርታ ሚኢጨሳ ዓማሊ ዓማሌኔ፤ ዒማና ዔያታ ዒዛ ማኦርኮ ቱርቱር ላምዓሣ ባኦካ ዔቁሴኔ።

26 ዒማና ሶምሶሜ ዒዛ ጎቺ ሃንታ ናዓሣ ኮይላ፡- «ማኦር ሬኤኪ ዓርቄ ቱርቱርንሣ ታና ዓይሣ፤ ዩያቶ ታ ዓርቄ ዔቃንዳኔ» ጌዔኔ።

27 ዒማና ዩያ ካኦኩ ማኦርይዳ ሚርጌ ዓቲንቄና ላኦሊና፤ ዩያጉዲ ሃሣ ፒሊሰጭኤሜ ዓሶ ዋይሣ ዓሳኦ ዓኦኔ፤ ሃሣ ኩቦ ጋራ ዴዒ ሶምሶሜኮ ዓማሎ ዛጋ ሃይሣ ሺያ ዓቲንቄና ላኦሊና ዓኦኔ።

28 ዩካፓ ሶምሶሜ፡- «ቢያ ባኮ ማዠፎ ጎዳሣዮ! ሃዳራ ታኦም ማሌ፤ ያኦሲዮ! ሃዳራ ቤርታኦ ዋልቆ ታኦም ኔ ዒንጌም ፒሊሰጭኤሜ ዓሳ ዓአፖ ታኦኮ ከሴሣ ዛሎ ፔቲና ታኦኒ ኮም ዔካንዳጉዲ ታና ማኦዴ!» ጌይ ሺኢቃዎ፡

29 ማኦር ሬኤኪ ዓርቄ ዓኦ ላምዎ ሳዞ ቱርቱርንሣ ዓርቄኔ፤ ዒማና ዒዚ ሚዛቆ ኩጮና ፔቲዞ ሻውሎና ባጌሎ ዓርቄ ቱርቱር ባንሣ ደጫዎ፡

30 «ፒሊሰጭኤሜ ዓሶ ታኦና ዋላ ዋዴ!» ጌይ ዒላቲኔ፤ ዩያ ጌዔሰካፓ ፔኤኮ ዓኦ ዋልቆማ ጋፒሲ ሂዓዛ ማኦራ ፒሊሰጭኤሜ ዓሶንታ ዋይሣ ዓሶንታ ዑፃ ደዔኔ፤ ዩያር ሶምሶሜ ሸምፔና ዓኦዎ ዋዴ ዓሶይዳፓ ዒ ሃይቃኦና ዋዴ ዓሳ ዑሣ ዓኦዴ ባሽ ማዔኔ።

31 ዩካፓ ዒዛኮ ጌርሲንሣና ሃንጎ ማኦር ዓሳኦ ቢያ ሙኪ ሌዞ ዔካዎ ያርናና ዔሽታዎሊና ሳዞ ዓኦ ዒዛኮ ዓዴ ማኦሃ ዴኡቲ ቤዛ ዴኡኩኔ፤ ሶምሶሜ ላማታሚ ለዔ ኩሙሣ ዒሰራዔኤሌ ዓሶኮ ሱኡጌ ማዒ ዋይሣኔ።

# 17

## ሚካ ኮሺሴ ጾኦዞ

1 ሚካ ጌይነታ ፔቴ ዓሲሰኬይ ጌሜራ ሚርጌ ዓኣ ዔፕሬኤሜ ዓጫ ናንጋኔ፤

2 ፔቴ ከሊ ሚካ ዒንዶ ኮይላ፡- «ዓሲ ኔኤኮ ፔቴ ሸያና ፔቴ ጃኤታና ማዓ ዓንጊ ቢራ ዉኡቄኔ ጌዒ ኔጋዳንቃንቴታ ዋይዘኔ፤ ዩይ ሚኢሽ ሃሢ ታ ኮይላ ዓኣኔ፤ ዩያ ዔኮሢሢ ታናኸ» ጌዔኔ።

ዒንዳ ዒማና፡- «ታ ናዓሦ! ናንጊና ናንጋ ጎዳ ኔና ዓንጅንጎ!» ጌዔኔ።

3 ናዓሢ ዒንዶም ሚኢሽ ዒንጋዛ፣ ዒዛ፡- «ጋዳማ ታናዖ ሄሉዋጉዲ ታኣኒ ዬኖ ቢሮ ናንጊና ናንጋ ጎዳም ዒንጊ ዲማጴያ ማሃንዳኔ፤ ዩይ ቢራ ሚሢ ዓርሲ ዑዖ ቢራ ዓንጊና ጳርቆና ካኣሽኮ ጾኦዞ ኮሸዖ ማዖንጎ፤ ዩያሮ ቢሮ ታ ኔኤም ጊንሣ ዒንጋንዳኔ» ጌዔኔ።

4 ናዓሢ ዒንዶም ሚኢሽ ዒንጌሢሮ ዒዛ ጊዳፓ ላምዖ ጃኤታ ዓንጊ ቢራ ዔኪ ሚዖ ዓርሲ ቢሮ ዓንጎና ዑዖ ጳርቄ ካኣሽኮ ባኣዚ ኮሻ ዓሲም ዒንጋዛ፣ ዩይ ዓሢ ካኣሽኮ ባኮ ኮሸም ዩይ ሚካ ማኣራ ጌሢንቴኔ።

5 ዩያ ሚካ ጎዖ ዓሢኮ ዒዛሮ ማዔ ካኣሽ ቤሲ ዓኣኔ፤ ዒዚ ሚርጌ ካኣሽኮ ባኣዚንታ ዠዋቶ ቃንዖ ዓርሦ ሉኬያ ኮሺ ፔኤኮ ናኣቶይዳፓ ፔቴያ ቄኤሴ ማሢ ዶኦሬኔ፤

6 ዬኖ ዋዶና ዒሰራዔኤሌይዳ ካኣታ ባኣሴ፤ ፔቴ ፔቴ ዓሳ ፔኤም ኮሸኬ ጎይዖ ናሽኬ ባኣዚ ማዳኔ።

7 ዪሁዳ ዓጫ፣ ቤኤቴሌሄሜ ካታማ ናንጋ ፔቴ ሌዊ ዓሲሰኬይ ዓኣኔ፤

8 ዩይ ዓሢ ናንጋንዳ ቤሲ ኮዒ ቤኤቴሌሄሜይዳፓ ዔቂ ጎይዖ ዴንዲሴቃ ጌሜራ ሚርጌ ዓኣ ዔፕሬኤሜ ዓጫይዳ ዓኣ፣ ሚካ ማኣሪ ሙኬኔ።

9 ሚካ ዒዛ ኮይላ፡- «ዓንካፓ ኔ ሙኬይ?» ጌዔኔ።  
ዒዛ፡- «ታ ሙኬሢ ዪሁዳ ዓጫኮ ቤኤቴሌሄሜይዳፓኬ፤ ታኣኒ ሌዊ ዓሲኬ፤ ታኣኒ ናንጎንዶ ቤሲ ኮዒ ሃንታኔ» ጌዔኔ።

10 ሚካ ዒማና፡- «ሂዴቴ ታኣና ዋላ ናንጌ፤ ታና ዘራያ ሃሣ ታኣኮ ቄኤሴ ማዔ፤ ሌዔይዳ ታ ኔኤም ጃኤታና ታጳ ጊራኣሜ ማዓ ዓንጊ ቢራንታ ማኣዖንታ ሙኡዚያ ዒንጋንዳኔ» ጌዔኔ።

11 ዩካፓ ዩይ ጳጌሢ ሚካና ዋላ ናንጋኒ ዔኤዔኔ፤ ዒዚ ሚካኮ ቄኤሴ፣ ሃሣ ጊንሣ ናይጉዲያ ማዒ ናንጌኔ፤

12 ሚካ ዒዛ ቄኤሴ ማሢ ዶኦራዛ ዒዚ ሚካ ማኣራ ዴዔኔ።

17:6 ሱኡጎ ማፃ 21:25።

13 ሚካ ዒማና፡- «ዓካሪ ሌዊ ዓሲ ማዔ ቁኤሴ ታ ዴንቁሢሮ ናንጊና ናንጋ ጎዳ ቢያ ባአዚ ታአም ጊኢጊሻንዳሢ ታ ዔራኔ» ጌዔኔ።

# 18

## ሚካንታ ዳኣኔ ፃጰ ዓሶንታ ዛላ

1 ዬኖ ዎድና ዒሰራዔኤሌ ዓጮይዳ ካኣቲ ባኣሴ፤ ዒማና ዒሰራዔኤሌ ዓሶ ባኣካ ዳኣኔ ፃጰ ማዔ ዓሳ ዔያቶሮ ማዓ ዓጪ ዴንቃኒ ኮይሢዳ ዓኣኔ።

2 ዬያሮ ዳኣኔ ዴራ ዔያቶ ፃጰ ማአራፓ ዎልቁና ዓኣ ደንጎ ዓሲ ደኣሬኔ፤ ዬና ዓሳ ዴንዲ ዳኣኔ ዴራ ናንጋንዳ ዓጪ ሙሪ ዛጊ ሙካንዳጉዲ ኬኤዚ ዎርዓና ዔሽታዖሌ ካታሞናይዳፓ ዳካዛ፤ ዔያታ ጌሜራዳ ዔፕሬኤሜ ዓጮ ሃላዖ ሚካ ማአራ ዎርቁኔ፤

3 ዒኢካ ዔያታ ዓኣዖ፡- ሌዊ ዓሲ ማዔ፤ ዴንሢ ጌሶታ ጌኤዘና ዒ ዎካፓታቲያ ዔሬኔ፤ ዬካፓ ዒዛ ኮይላ ሙኪ፡- «ሃይካ ኔ ዖኦና ዎላ ዬዔይ? ኔ ሃካ ዓይጎ ዎዳይ? ዓይጋ ኔ ዬዔይ?» ጌራ ዖኦጮኔ።

4 ዒዚ ማሃዖ፡- «ቁኤሴ ማዒ ታ ማዳዛ ሚካ ታአም ሚኢሹ ጪጋኒ ጌዔሢሮ ቁኤሴ ማዒ ታ ሃካ ናንጋኔ» ጌዔኔ።

5 ዔያታ ዒዛ ኮይላ፡- «ኑ ሃንታ ሃንቲፃ ኮሺ ማዓንዳቲያ ሃዳራ ኑም ዖኦሲ ዖኦጮ» ጌዔኔ።

6 ቁኤሳሢ፡- «ዴንዲ ዎቲ፤ ዒንሢ ዴንዳኣና ሜታ ዒንሢ ሃላዓከ፤ ናንጊና ናንጋ ጎዳ ዒንሢ ካፓንዳኔ» ጌይ ዔያቶም ኬኤዜኔ።

7 ዬካፓ ደንጎ ዓሶንሢ ዔቁ ላዪሹ ጌይንታ ካታማ ሃሌኔ፤ ዒኢካ ናንጋ ዓሳ ዓዳ ሲድና ዓጮ ዓሶጉዲ ኮሺ ናንጊ ናንጋሢ ዔያታ ዛጊኔ፤ ዬይ ዴራ ዓይጎ ዓጪናኣ ዎላ ፑርቱዎፖ ሺም ጌይ ናንጋያ፤ ኮሹሞ ናሽካ ዓሲከ፤ ሃሃ ዔያቶም ኮይሳ ባኮይዳፓ ፔቲታዖ ፓጫ ባኣዚ ባኣሴ፤ ዬያሮ ዔያታ ሜሌ ዓሲና ዎላ ካኣሙሞፖ ሲድና ዓሶፓ ሃኪ ናንጋኔ።

8 ዬንሢ ሙሮ ዳኮና ደንጎ ዓሶንሢ ማዒ ዎርዓና ዔሽታዖሌ ካታሞ ሙካዛ፤ ዔያቶ ዓሳ ዔያቶ ኮይላ፡- «ዒንሢ ዴንዳሢ ዛላ ዎዚዳይ?» ጌይ ዖኦጮኔ።

9 ዔያታ ማሃዖ፡- «ሳዔላ ሚርጌና ኮሺታሢ ኑ ዛጊሢሮ ቢሩዎቲ፤ ኑ ላዪሹ ካታሞ ዖሎም! ሃይካ ማዶ ባኣያ ጉሪ ዴይዖይዳፓ ዑኩና ዴንዲ ዒዛ ዖላ ዓርቁዎቲ!

10 ዒኢካ ዒንሢ ዴንዳዖ ዒኢካ ናንጋ ዓሳ ፔቲታዖ ዓልታ ባኣዚ ባኣያ፤ ኮሹሞ ናሽካያታሢ ዒንሢ ዛጋንዳኔ፤ ዓጪሮላ ዳልጊከ፤ ዓሲም ኮይሳ ባኣዚ ቢያ ዒኢካ ዓኣኔ፤ ዖኦሲ ዬና ዓጪሎ ዒንሢሞ ዒንጌኔ» ጌዔኔ።

11 ዬያሮ ደኣኔ ፃፅ ዓሰይዳፓ ገልዚ ዓንጋሞ ዓርቄ ላሆ ዌኤታ ዓሲ ያርዓና ዔሽታገሌናይዳፓ ዴንዳኒ ዔቄኔ፤ \*

12 ዔያታ ዬማና ዴንዲ ዪሁዳ ዓጮይዳ ዓኣ ቂርያትይዓሪሚኮ ዓባ ጌላ ዛላ ዲንኪ ዴዔኔ፤ ዬና ቤዛ ሃኖ ሄላንዳኣና ደኣኔ ዲንኪ ዴዔ ቤዛ ጌይንታሂ ዬያሮኬ።

13 ዬካፓ ዔያታ ጌሚራዳ ዔፕሬኤሜ ዓጫ ናንጋ፣ ሚካ ማኣሪ ሙኬኔ።

14 ላዩሼ ኮይሎይዳ ዓኣ ዓጮ ሙርሞ ዳኮና ደንጎ ዓሰንሂ ዬያቶ ገሎሮ ሙኬ ዓሶ ኮይላ፡- «ሃይካ፣ ሃንሂ ማኣርፓ ፔቴዘይዳ ቢራ ዓንገና ዑያ ጳርቆናያ ሚሃ ኮሾና ገኦዛ ዓኣሰካይ! ሃሃ ሚሌ ካኣሽኮ ባኣዚንታ ዠሞቶ ዠኦቆ ቃንያ ዓርሃ ሉካኣ ዓኣኔ፤ ዓካሪ ኑ ዎሞዴቴ ኮሽካንዳይ?» ጌዔኔ።

15 ዬካፓ ዔያታ ሌዊ ዓሲ ማዔ፣ ዳጌሂ ናንጋ፣ ሚካ ማኣሪ ጌላያ ዬይ ሌዊ ዓሃሂ ዎይቲ ናንጋቴያ ገኦጮኔ፤

16 ገሎሮ ገኣጊንቲ ደኣኔ ፃፅፓ ሙኬ ላሆ ዌኤቶ ዓሳ ካታሚሎኮ ጌሎ ካራ ዔቄ ዓኣኔ።

17 ዓማና ቤርታ ሙር ዳኮና ደንጎ ዓሰንሂ ሚካ ማኣሪ ጌላያ ዬያ ቢር ዓንጎና ዑያ ጳርቄ፣ ሚሃ ኮሾና ገኦዛንታ ሚሌ ካኣሽኮ ባኮንታ ዠሞቶ ቃንያ ዓርሃ ሉኮሞ ዓይሱሞ ዔኬኔ፤ ዔያታ ዬያይዳኣና ቄኤሳሂ ገሎሮ ገኣጊ ሙኬ ላሆ ዌኤቶ ዓሰና ዎላ ጌሎ ካርይዳ ዔቄኔ።

18 ዔያታ ሚካ ማኣሪ ጌሊ ካኣሽኮ ገኦዛንታ ዠሞቶ ቃንያ ሉኮሞ ዔካኣና ቄኤሳሂ «ዒንሂ ዬያ ዎሞዳይ?» ጌይ ዔያቶ ገኦጮኔ።

19 ዔያታ ዒዛ ኮይላ፡- «ዚቲ ጌዔ! ዔኤቢ ኔ ጎዑዎጉዲ፤ ዬያይዳፓ ኦኡና ዎላ ዴንዲ ኦኡኮ ቄኤሴ፣ ሃሃ ዘራያ ማዔ፤ ፔቴ ዓሲ ማኣሪኮ ቄኤሴ ኔ ማዓሰካፓ ዒሰራዔኤሌይዳ ፔቴ ፃጲኮ ቄኤሴ ኔ ማዔቴ ኮሽቱሞዳ?» ጌዔኔ።

20 ዬያ ዔያታ ጌዔሂ ቄኤሳሂ ዎዛሴሂር ገኦዛንታ ዠሞቶ ቃንያ ሉኮንታ ዔኪ ዔያቶና ዎላ ዴንዳኔ።

21 ዔያታ ፔኤኮ ናኣቶንታ ቆልሞንታ ዔያቶኮ ዓኣ ባኮሞ ቢያ ቤርታ ቢርዚ፣ ጊንሃ ዎንዴ ዔያታ ዴንዳ ጎይያ ማዒ ዴንዲያ ዓርቄኔ።

22 ሚካ ማኣራፓ ዔያታ ሃኪ ዴንዴሰካፓ ሚካ ፔኤኮ ዓሺና ዔኤሊ ጊንያ ዳውሲ ሙኪ ሄላያ፡-

\* 18:11 ዬና ላሆ ዌኤቶ ዓሳ ፔኤኮ ማኣር ዓሰንታ ቆሎንታ ዔኪ ዴንዴያ ማዒያ ፓይዲ 21ይዳ ኬኤዛኔ።

23 «ዔቁዋቴ!» ጌይ ዒላቴኔ፤ ዒማና ዔያታ ገንሣሚ ሺሪ ሚካ ኮይላ፡- «ዓይጌ ዎይቴይ? ሃይ ቢያ ኔ ቡኩሲ ዔኪ ሙኩ ዓሳ ዓይጎዳይ?» ጌዒ ያኦጩኔ።

24 ሚካ ማሃዎ፡- «ዎይቲ ዒንሣ <ዓይጌ ዎይቴይ?> ታና ጋዓይ? ታኣሞ ማዳ ቁኤሳሣንታ ታኣኒ ኮሼ፣ ታኣኮ ያኦዞንታ ቡሪ ዒንሣ ዴንዴኔ፤ ዓይጎ ታኣሞ ዒንሣ ኮሺ ዴንዴይ» ጌዔኔ።

25 ዳኣኔፓ ሙኩ ዓሳ፡- «ፔቴታዎ ዔኤቢ ጌይፖ፤ ሃያ ዓሶኮ ዳጋ ሲኢ ዳታሣረ ኔናንታ ኔ ማኣሮ ዓሶንታ ኔኤኒ ኩርሲሳንዳኔ» ጌዔኔ።

26 ዬካፓ ጎይዎ ፔኤኮ ዔያታ ዴንዳዞ፣ ሚካ ዔያቶ ያሌቴ ባሺንዳዎኣሣ ዔራዎ ፔ ማኣሪ ማዒ ዴንዴኔ።

27 ዳኣኔፓ ሙኩ ዓሳ፡- ሚካ ኮሼ ያኦዞንታ ዒዛሞ ማዳ ቁኤሳሣንታ ዔኪ ሜታባኣያ ናንጋ ላዩሽ ዴሮ ኮይላ ሙካዎ ዬያ ዴሮ ጩንቸ ዓፓሮና ዎዲ ኩርሲ ካታሞዎ ታሚና ሚቼኔ።

28 ላዩሽ ካታሞ ዴራ ዓይጎ ዓሲናኣ ካኣሙዎዎ ናንጋሣረ፤ ሃሃ ሲዶናፓ ሃኬ ናንጋሣረ ዔያቶ ዓውሳንዳ ዓሲ ዴዲባኣሴ። ዒዛ ካታሚላ ቤትሬሃቤ ኮይላ ዓኣ ዶኦጮይዳከ፤ ዬካፓ ዳኣኔ ዓሳ ካታሚሎ ገንሣ ማዢ ዒኢካ ናንጌኔ።

29 ዬዳ ካታሚሎኮ ቤርታኣ ሱንዎ ዔያታ ላኣሚ ዔያቶኮ ቤርታኣ ዓዳሣ፣ ያይቆኦቤ ናኣዚ ሱንዎና «ዳኣኔ» ጌይ ጌሣኔ፤

30 ዳኣኔ ዓሳ፡- ዔያታ ዔኪ ሙኩ ያኦዞሣ ካኣሽካኒ ዒኢካ ጌሣኔ፤ ሙሴ ናኣዚ፣ ጌርሽኔ ናይ ማዔሣ ዮናታኣኔ ዳኣኔ ያጾ ዓሶኮ ቁኤሴ ማዒ ማዳሣ ዓርቁኔ። ዴራ ያሎና ዲዒንቲ ዔውቴ ዎዶ ሃላንዳኣና ዒዛ ዜርፃ ዬያ ማዳ ማዲ ማዲ ዴዔኔ።

31 ያዲ ማዔሣረ ሚካ ካኣሽካ ያኦዞ ዓፒሎና ማዢንቴ፣ ያኦሲ ዴሮና ካኣማ ማኣራ ሴኤሎይዳ ዓኣ ዎዶና ቢያ ካኣሽኪንቲ ካኣሽኪንቲ ናንጌኔ።

# 19

## ፔቴ ሌዊ ዓሲሰኬያና ዒዛኮ ገንፃኣ ማቸሰኬና

1 ዒሲራዔኤሌይዳ ካኣታ ካኣታዲባኣንቲ ጌሜራዳ ዔፕሬኤሜ ዓጫ ናንጋ ፔቴ ሌዊ ዓሲሰኬይ ዓኣኔ፤ ዬይ ዓሣ ዪሁዳ ዓጮ ጋራ ዓኣ ቤኤቴሌሃሜይዳፓ ፔቴ ላኣሊ ገንፃኣ ማቸ ማሃ ዔኬኔ፤

2 ጋዓንቴ ዬና ላኣሌላ ዓሲና ዒኢቲ ዒዛና ፑርታዎ ቤኤቴሌሃሜይዳ ዓኣ ዒዞኮ ዓዶ ማኣሪ ቤቲ ዴንዲ ዒኢካ ያይዶ ዓገኒ ዴዔኔ።

3 ዩካፓ ዳካ ጋዓዖ ዩይ ዓሢ ዩኖ ናዔሎ ዳንዲ ቃይሽ ዔካኒ ማሌኔ፤ ዩያር ዒዚ ዒዛኮ ዓይሌ ማዒ ማዳሰከያና ላምዖ ሃሬና ዔከ ዒኢካ ሄላዛ፤ ናዔላ ዔያቶ ጎይሣ ዔከ ጋር ጌልዜም ናዔሎኮ ዓዳ ዓሢ ዳንቃዖ ዎዛና ዔኤሌኔ።

4 ዒዚ ዒኢካ ዳዓንዳጉዲ ዓዳሢ ኮዔሢር ዩይ ዓሢ ሃይሣ ከሌ ዳዔኔ፤ ዒኢካ ዔያታ ሙይ ሙይ፣ ሃሣ ዑሽከ ዑሽከ ዳዔኔ።

5 ዖይዳሳ ከሎ ጉቴ ዓሚ ዔቂ ዳንዳኒ ዔያታ ጊኢጋዛ፤ ናዔሎኮ ዓዳሢ ባይሲ ኮይላ፡- «ኔና ላቢሱዎጉዲ ዳካ ዔኤቢ ሙይ ዳንዳ» ጌዔኔ።

6 ዩያር ላምዓሢ ዳዒ ሙዖ ሙዔኔ፤ ዒማና ናዔሎኮ ዓዳ ለዎ ዓሢ ኮይላ፡- «ሃኖ ሃይካ ዓማሊ ዎርቂ ዓኣዳቴራ» ጌዔኔ።

7 ለዎ ዓሢ ጋዓንቴ ዳንዳኒ ዔቃዛ፤ ናዔሎኮ ዓዳ፡- «ዎርቂቴራ» ጌይ ባሽም ዩኖ ዎንቶ ዔያታ ዒኢካ ዎርቂኔ፤

8 ዳንጋሳ ከሎና ጉቴ ዓሚ ዔቂ ዓኣዳኒ ዔያታ ሃሣ ዔቂኔ፤ ናዔሎኮ ዓዳ፡- «ካሶና ዳንዳፖ፤ ዳካ ጌይ ዳንዳ» ጌዔሢር ላምዓሢ ዎላ ዳይ ሙዖ ሙዔኔ።

9 ዩካፓ ለዎ ዓሢንታ ማቼሎንታ ዒዛም ማዳ ዓይላሢንታ ዳንዳኒ ዔቃዛ፤ ሃሣ ናዔሎኮ ዓዳ፡- «ዎይዙዎቴ! ሳዓ ዓሚኔ፤ ዒባኒያ ዒንሢ ሃይካ ዎርቂቴ ቃራከ፤ ማይ ሃሢ ዓሚ ሃሽኔ፤ ዒባኒ ዓማሊ ሃይካ ዎርቂዎቴ፤ ዚር ጉቴ ዓማኣ ዔቂ ዒንሢ ማኣሪ ዳንዳዎቴ» ጌዔኔ።

10 ለዎ ዓሢ ጋዓንቴ ዩኖ ዓቦ ዒኢካ ዎርቃኒ ኮይባኣሢር ዒዛንታ ማቸንታ ዒዛኮ ዓይላሢንታ ዳንዳኒ ዔቂኔ፤ ኮኦራ ኮኦሪንቴ ዓኣ ላምዖ ሃሬ ዔያቶኮ ዓኣኔ፤ ዒማና ዔያታ ሳዓ ዓማዛ ዒያቡሳ ጌይንታ ዩሩሳላሜ ካታሞ ኮይሎ ሄሌኔ፤

11 ዒያቡሳ ዔያታ ሄላዛ፤ ሳዓ ዓሚሢር ዒዛኮ ዓይላሢ፡- «ሃኒ ዩዔቴር ማዒ ኑ ሃይካ ዒያቡሳ ዓሶ ካታማ ዎርቆም» ጌዔኔ።

12-13 ዒዛኮ ዓዳሢ ጋዓንቴ፡- «ዒሰሪዔኤሌ ዓሲ ናንጉዎ ካታማይዳ ኑ ዎርቃዓከ፤ ሃይካፓ ኑ ዳንዳ ራኣማይዳ ሃንጎ ጊቢዓይዳ ዎርቃንዳኔ» ጌዔኔ።

14 ዩያር ዔያታ ዩሩሳላሜ ጊዳና ዳንዳዖ ቢኢኒያሜ ዓጮ ጋራ ዓኣ ጊቢዓ ሄላዛ ዓባ ጌሌኔ፤

15 ዩካፓ ዔያታ ዎርቆንዶ ቤሲ ኮዒ ጎይፖፓ ካታሞ ጌሊ ዓሳ ቡካ ጰኦኮኮ ኮይላ ዳዔኔ፤ ጋዓንቴ ዔያቶ ፔ ማኣሪ ዔከ ዳንዳ ዎይሣንዳ ዓሲ ዔያታ ዳንቁባኣሱ።

16 ዒኢካ ዔያታ ዳዒ ዓኣንቴ ጎሽ ሶኦፒ ፔኤቂ ፔ ማኣሪ ዳንዳ፤ ፔቴ ጋርቺሰከይ ሙኮኔ፤ ቤርታ ዩይ ዓሢ ጌሜራዳ ዔፕሪኤሜ



ዓጮፓ ሙኪ ገቢዓይዳ ናጎጋያኩ፤ ጋዓንቴ ዬኖ ዓጮይዳ ናጎጋ ዳራ ቢኢኒያሜ ፃጲኩ።

17 ዬይ ጋርቻሢ፡- ጳጳኮይዳ ዳዒ ዓኣ ዓሢ ዳንቃ፡- «ኔ ዋኦፓ ሙካይ? ዋኒ ኔ ዳንዳይ?» ጌይ ያኦጮኔ።

18 ሌዊ ዓሣሢ ማሃ፡- «ዪሁዳ ዓጮ ጋራ ዓኣ ቤኤቴሌሃሜይዳ ኑ ዓኣያኩ፤ ሃሢ ኑኡኒ ናጎገና ናጎጋ ጎዳ ማኣሪ፣ ዬያጉዲ ጌሜራዳ ዔፕራኤሜ ዓጮይዳ ዓኣ ኑ ማኣሪ ኑ ሄላኒ ዳንዳይ፤ ኑኡኮ ማኣራ ሃኩኩ፤ ሃሢ ፔ ማኣሪ ዔኪ ዓኣዲ ኑና ዋይሣንዳ ዓሲ ባይቄ፤

19 ሜሌ ባኣዚ ዛላታቴ ኑኡኮ ሃሮኮ ያሃ ዓኣይ፤ ሃሃ ታ ማቸንታ ታናንታ ታ ዓይላሢንታኮ ካሣንታ ዋይኔ ዑሺያ ዓኣይ፤ ኑም ኮይሳ ባኣዚ ቢያ ኑ ዓርቄ፤ ኑም ሃሢ ባይቄ ባኣዚ ባኣሴ» ጌዔ።

20 ጋርቻሢ ዒማና፡- «ሃኒ ዬዒ ታ ማኣራ ዋርቁዋቴ! ኮይሳ ባኣዚ ቢያ ታ ዒንሣም ገኢገሻንዳይ፤ ሃይካ ዙላ ዋርቁፖቴ» ጌዔ።

21 ዬካፓ ዒዚ ዔያቶ ፔ ማኣሪ ዔኪ ዳንዳይ፣ ሃሮም ያሃ ዒንጌ፤ ዒማና ዔያታ ቶኮ ፔኤኮ ማሰቴ፣ ሙዖ ባኣዚ ሙዒ፣ ዑሸኮ ባኣዚያ ዑሸኩ።

22 ዬያ ሙዖ ዋዛና ዔያታ ሙዒ ጎይሣ ዓኣንቴ ካታሞይዳፓ ካታሞይዳፓ ፑርታ ማዶ ማዶ ዓሲ ሙኪ ማኣሮ ማንጋዖ ካሮ ዓኪ ዓኪ ዬያ ጋርቻሢ ኮይላ፡- «ዬያ ኔ ማኣሪ ጌሌ ዓሢና ዋላ ኑ ላሃኒ ኮላሢሮ ኑም ኩሴ!» ጌዔ።

23 ጋርቻሢ ዒማና ዙሎ ኩሰካዖ፡- «ዔይዔ ታ ዒሾንሦ! ሃዳራ ዬያጉዳ ፑርታ ማዶ ማዶፖቴ! ሃይ ዓሢ ታ ሾኦቹኩ፤

24 ታኣኒ ዓሢኮ ማቼሎና ታኣኮ ኩሙሢ ዉድሮ ናይሰኩኖና ኩሲ ዒንሣም ዒንጋንዳይ፤ ዒንሣ ኮዔ ባኣዚ ማዶዋቴ፤ ሃያ ዓሢ ጋዓንቴ ዬያጉዳ ባኣዚ ማዶፖቴ!» ጌዔ።

25 ዓሳ ጋዓንቴ ዒዛም ዋይዞ ዒፃዛ ሌዊ ዓሢ ፔኤኮ ላኣሌሎ ኩሲ ዔያቶም ዒንጌ፤ ዬኖ ዋንቴሎ ዔያታ ዋሊ ዓኣሢ ዓኣሢ ዒዛና ላሃ ዓማሌ ጎይሣ ዋርቄ፤ ዬካፓ ሳዖኮ ዲጊጫ ዘቃኣና ዳንዳይጉዲ ዒዞ ዔያታ ሃሽ።

26 ዬካፓ ሳዖኮ ዲጊጫ ዘቄ ዓኣንቴ ላኣሌላ ሙኪ ዓኒ ዋርቄ፣ ጋርቻሢ ማኣሮኮ ካራኣ ሎኦሜ፤ ዓባ ዖርቃንዳያ ሄላንዳኣና ዒዛ ዒኢካ ሎኦሚ ላሃ።

27 ዚሮ ጉቴ ዓኒ ዳንደሮ ካሮ ቡላንቴ ማቻ ፔኤኮ ኩጮ ካሮ ባንሢ ማሂ ካሮ ዳማ ሎኦሚ ዓኣንቴ ዳንቃ፡-

28 «ዔቄ፤ ኑ ዳንደም!» ጋዓዛ፣ ዒዛ ዔኤቢ ጌይባኣሴ፤ ዬካፓ ዒዚ ሌዞ ዒዞኮ ሃሮና ጫኣኒ ዔኪ ፔ ማኣሪ ዳንዳይ፤

29 ዲኢካ ዲ ሄላፖ ጋሮ ጌሊ ዓፓሮ ዔኬሰካፓ ማቸኮ ሌዞ ታጾ ላምፖ ቤሲ ተቁ፥ ዲሰራዔኤሌ ዓጮ ቢያሢዳ ዓኣ ታጾ ላምፖ ፃጶም ተቁፖ ተቁፖ ዳኬኔ፤

30 ዬያ ዛጌ ዓሳ ቢያ፡- «ሃያጉዴ ባኣዚ ፔቲታፖ ኑ ዋይዚ ቤቁባኣሴ! ዲሰራዔኤሌ ዓሳ ጊብፄፓ ኬሰኬሰካፓ ሃይማ ሄላንዳኣና ዬያጉዴ ባኣዚ ማዲንቲ ቤቁባኣሴ፤ ዬያሮ ፔቲ ባኣዚ ኑ ማዲንዳያ ኮይሳኔ፤ ኑ ዋዴቲ ኮሽካንዳይ?» ጌይ ዋላ ዘርቴኔ።

## 20

### ዲሰራዔኤሌ ዴራ ፖሎሮ ጊኣጊንቴሢ

1 ከዶ ዛላፓ ዴንዲ ዶኦሎ ዛሎ ዓሶ ሄላንዳኣና ጌይ፡- ዳኣኔፓ ዴንዲ ቤርሳቤ ሄላፖ፤ ዬያጉዲ ዓባ ኬሰካ ዛላ፥ ጌሌዓዴይዳ ዓኣ ዲሰራዔኤሌ ዴራ ጉቤ ፖልዚሮ ጊኣጊንቴኔ፤ ዬያሮ ፔቲይዳ ናንጊና ናንጋ ጎዳ ቤርታ ሚዲጳይዳ ቡኬኔ፤

2 ዬያ ቡኬ ፖኦሲ ዓሶ ባኣካ ዲሰራዔኤሌ ዓሶኮ ሱኡጎንታ ፖይዶ ፄኤታ ሺያ ፖልዚ ዓንጋሞ ዔኪ ዓኣ ፖልዚ ዓሲያ ዓኣኔ።

3 ዲሰራዔኤሌ ዴራ ጉቤ ሚዲጳይዳ ቡኪንቴሢ ዲማና ቢኢኒያሜ ፃጶ ዋይዜኔ።

ዲሰራዔኤሌ ዓሳ ዋሊ ኮይላ፡- «ዬይ ፑርቶ ባካ ማዲንቴሢ ዋይቲዳይ?» ጌዔኔ።

4 ዬያሮ ዬይ ጊንፖ ማቸ ሃይቁ፥ ሌዊ ዓሢ ኬኤዛ፡- «ታናንታ ታኣኮ ጊንፃኣ ማቸንታ ሳዓ ዲማዛ ዋርቃኒ ቢኢኒያሜ ዓጮ ዓኣ ጊቢዓ ኑ ዴንዴኔ፤

5 ዲዞ ዋንቴሎ ጊቢዓ ዓሳ ታና ዋዳኒ ኑ ጌሌ ማኣሮ ሙኪ ማንጌኔ፤ ዬካፓ ዔያታ ታኣኮ ላኣሌሎ ዔኪ ዴንዲ ዋሊ ዓኣሢ ዓኣሢ ላሄሢሮ ዲዛ ሃይቁኔ፤

6 ዬያሮ ታኣኒ ታ ማቸኮ ሌዞ ዔኪ ቲቃኣ ቲቃ ጋዓፖ ዬና ዓሳ ዬያጉዴ ፑርቶ ማዶ ማዴሢሮ ታኣኒ ቲቁ ቲቁ ፓቁሢ ዲሰራዔኤሌ ዓጮ ቢያሢም ዳኬኔ።

7 ዲንሢ ሃሢ ሃይካ ዓኣ ዲሰራዔኤሌ ዓሳ ቢያ ዬያ ዛሎ ጌሰቲ ዬና ዓሶም ኮይሳ ዋጌ ዋጉዋቴ» ጌዔኔ።

8 ዲማና ዴራ ፔቲሞና፡- «ኑጊዳፓ ዓይጎ ዓሲያ ማፖም ዓፒሎና ማዡና ማርካ ናንጋያታቴያ ፔ ኬኤሢዳ ናንጋያታቴያ ፔ ማኣሪ ማዒ ዴንድፓ፤

9 ኑ ዋይታንዳይ ጌዔቲ ዲፃ ዓጊ ጊቢዓ ፖላንዳ ዓሲ ኑ ዶኦሪ ኬሳንዳኔ፤

10 ዲስራዔኤል ዓሶ ቦርሲሳ ማዶ ማዶ፣ ቢኢኒያሜ ዓጮይዳ ዓኣ ጊቢዓ ዳር ያሊ ኮሚ ማሃኒ ዳንዳዓ ፖኦሊሶሞ ጋላ ዔኪ ዔኪ ዳንዳንዳጉዲ ዲስራዔኤል ዓሶ ፃጸ ማኣራፓ ጃኤታ ዓሲፓ ታጸ ዓሲ፤ ሺያ ዓሲዳፓ ጃኤታ ዓሲ፤ ታጸ ሺያ ዓሲፓ ፔቴ ሺያ ዓሲ ኑ ኬሳንዳኔ» ጌዔኔ።

11 ዩያሮ ዲስራዔኤል ዓሳ ካታሜሎ ያላኒ ፔቴይዳ ቡቢንቴኔ።

12-13 ሃሣ ዲስራዔኤል ዳራ ቢኢኒያሜ ዓጮ ፑቤ ሃንቲ ሃንቲ፡- «ዲንሣ ማዶ ፑርቶ ማዶ ዓይጎ ማዶዳይ? ዬኖ ዓሶ ኑ ዎዲ ዩያ ፑርቶ ማዶ ዲስራዔኤል ዓሶ ባኣካፓ ባይዛንዳጉዲ ጊቢዓይዳ ዓኣ፣ ፑርቶ ማዶ ዓሶ ኑሞ ኬሲ ዲንጉዎቴ» ጌይ ኬኤዛንዳጉዲ ከኢታ ዓሲ ዳኬኔ። ጋዓንቴ ቢኢኒያሜ ዓሳ ሃንጎ ዲስራዔኤል ዓሳ ጌዔ ባኮ ዔኤቢኬ ጎዎ ዲዒ።

14 ዲስራዔኤል ዓሶ ያዎላኒ ፔኤኮ ካታማፓ ካታማፓ ኬሰኪ ጊቢዓ ሙኬኔ፤

15 ዬኖ ኬሎ ቢኢኒያሜ ዓሳ ፔ ካታማፓ ካታማፓ ላማታሚ ላሆ ሺያ ያልዚ ዓንጋሞ ዔኬ ዓሲ ቡኩሴኔ፤ ዩይያ፡- ጊቢዓይዳ ናንጋ፣ ያሎና ዔርቴ ላንካዎ ጃኤቶ ዓሶ ቃሱዎንቴኬ።

16 ዔያቶ ባኣካ ዎራ ዎራ ዎዶና ጋፓኔ ዳቡዎዎ ዓይዳያ፣ ኩጫ ቫውላ ማዔያ ላንካይ ጃኤታ ዶኑሪንቴ ዓሲ ዓኣኔ፤

17 ቢኢኒያሜ ፃጸ ዓሶ ቃሱዎዎ ሚርጉማ ያይዶ ጃኤታ ሺያ ማዔ፣ ዓንጋሞ ዓኣ ዓሲ ያሎሮ ዲስራዔኤል ዓሳ ኬሴኔ።

**ቢኢኒያሜ ዓሶ ያሎና ያልዚ**

18 ዲስራዔኤል ዓሳ ቤኤቴኤል ዳንዲ፡- «ቢኢኒያሜ ዓሶ ቤርታዲ ኬሰኪ ያላንዳያ ኮይሳሣ ያ ፃጸዳይ?» ጌይ ያኦሲ ያኦጮኔ።

ናንጊና ናንጋ ጎዳ፡- «ዪሁዳ ፃጸ ቤርታዲ ኬሰኪ ያሎንጎ» ጌይ ኬኤዘኔ።

19 ዩያሮ ዚሮ ጉቴ ዓማ ዲስራዔኤል ዓሳ ዳንዲ ጊቢዓ ካታሞ ኮይላ ዲንኪ ዳዔኔ።

20 ዩካፓ ቢኢኒያሜኮ ያሎ ዓሶና ዎላ ያልታኒ ዳንዳኔ፤ ዔያቶኮ ያሎ ዓሶ ዔያታ ጊቢዓ ካታሞኮ ሆታ ሙኡሲ ዔቂሴኔ፤

21 ቢኢኒያሜኮ ያሎ ዓሳ ካታማፓ ኬሰኪ ሳዓ ዓማንዳሣኮ ቤርታ ላማታሚ ላሞ፣ ሺያ ማዓ ያልዚ ዓሲ ዲስራዔኤል ዓሶፓ ዎዳኔ፤

22 ዩካፓ ዲስራዔኤል ዓሳ ዎሊ ዶዲሺ ቤርታ ዔያታ ያላኒ ኬሰኪ ቤዞ ጊንሣ ኬሰኪ ዔቂኔ፤

23 ዓማና ዲስራዔኤል ዓሳ ዳንዲ ናንጊና ናንጋ ጎዳ ቤርታ ሳዓ ዲባናንዳያ ሄላንዳኣና ዩኤኪ ናንጊና ናንጋ ጎዳ ኮይላ፡- «ኑ ፃጸ ማዔ፣ ቢኢኒያሜ ዓሶ ላሚ ኬሰኪ ያሎንዶ?» ጌይ ያኦጮኔ።

ናንገና ናንጋ ጎዳ ዔያቶም፡- «ሂዮ፤ ዔያቶ ያሉዋቴ» ጌይ ኬኤኬኔ።

24 ዬያሮ ላምዓሳ ኬሎና ሃሣ ቢኢኒያሜ ዓሶኮ ያላ ዓሶና ዋላ ያልቴኔ፤

25 ቢኢኒያሜ ዓሳ ሃሣ ላምዓሳ ኬሎናኣ ገቢዓይዳፓ ኬሰከ፥ ታጰ ሳሊ ሺያ ማዓ ዔርቴ ያልዚ ዓሲ ዒሰራዔኤሌ ዓሶፓ ዋዳኔ፤

26 ዬካፓ ሃሣ ዒሰራዔኤሌ ዴራ ቢያ ቤኤቴኤሌ ዴንዲ ዬኤኬኔ፤ ዒኢካ ፔቴታዎ ሙኡዚ ሙዑዋዎ ሳዓ ዓማንዲያ ሄላንዳኣና ናንገና ናንጋ ጎዳ ቤርታ ዔያታ ፔኤቄኔ፤ ሚቺ ዒንጎ ዒንገሢንታ ፔቴሞና ዒንጎ ዒንገሢያ ናንገና ናንጋ ጎዳም ዔያታ ሺኢሺኔ፤

27 ዒማና ያኦሲኮ ጫኣቁሞ ሳኣፂና ቤኤቴኤሌይዳታሢሮ ዒሰራዔኤሌ ዓሳ ናንገና ናንጋ ጎዳ ኮይላ ዬያ ዛሎ ያኦጩኔ።

28 ዓኣሮኔ ናኣዚ ናይ ማዔሢ፡ ዓሳዜሬ ናኣዚ፡ ፒንሃሴ ቄኤሴ ማዒ ናንገና ናንጋ ጎዳ ቤርታ ማዳሢሮ ናንገና ናንጋ ጎዳ ኮይላ፡- «ኑ ፃጶ፡ ቢኢኒያሜ ዓሶ ያላኒ ላሚ ኬሰኮንደሞ ሃሾንደይ?» ጌይ ያኦጩኔ።

ናንገና ናንጋ ጎዳ ዒዛም ማሃዎ፡- «ታኣኒ ዚሮ ዒንሢ ዔያቶ ባሺሲሳንዳኔ፤ ዬያሮ ዴንዲ ዔያቶ ያሉዋቴ!» ጌዔኔ።

29 ዔያታ ዒማና ያልዚ ዓሲ ዳካ ገቢዓ ካታሞ ዙሎይዳ ካቲሲ ዴይሢኔ፤

30 ሃሣ ዔያታ ቤርታ ማዳ ጎይዎ ሃይሣሳ ኬሎናኣ ቢኢኒያሜ ዓሶ ያላኒ ኬሰካዎ፡ ዔያቶኮ ፖኦሊሶ ገቢዓ ካታሞኮ ሆታ ዔቁሴኔ።

31 ዬካፓ ቢኢኒያሜኮ ያሎ ዓሳ ያላኒ ኬሰካዛ ዔያታ ገንሢሞ ገንሢሞ ጌይ ካታማፓ ሃኪ ዴንዴኔ፤ ዬያ ዔያታ ዴንዳ ዚገሮ ጎይዎይዳ ቢኢኒያሜ ዓሳ ዔያቶ ዋዲሢ ዓርቄኔ፤ ዬያይዲ ቤኤቴኤሌና ገቢዓ ካታሞና ባንሢ ዔኪ ዓኣዳ ጎይዎንታ ቦኦሎንታይዳ ሃይሢታሚ ዓሲ ዒሰራዔኤሌ ዓሶፓ ዔያታ ዋዳኔ።

32 ቢኢኒያሜ ዓሳ ዒማና፡- «ቤርታኣሲጉዲ ኑ ዔያቶ ኩርሴያዋይ!» ጌይ ማላኔ፤

ጋዓንቴ ዒሰራዔኤሌ ዓሳ፡- «ኑ ገንሢሞ ዴንዲ ዴንዲ ካታማፓ ጎይዎ ዴላጎ ዔያቶ ኬሶም» ጌይ ማላኔ።

33 ዬያይዲ ዒሰራዔኤሌ ዓሶኮ ያሎ ዓሶ ዲባ ቤዓልታማሬ ጌይንታ ቤዛ ባንሢ ገንሢሞ ዴንደዛ፤ ገቢዓ ቦኦሎይዳ ካቲ ዴዒ ዓኣ ዒሰራዔኤሌ ዓሳ ዔያታ ዔሩዋንቴ ኬሰኬኔ።

34 ዒማና ሃሣ ዒሰራዔኤሌ ዓሶኮ ዲማ ጎይሢና ዶኦሪ ገኢገሸና ታጰ ሺያ ያልዚ ዓሲ ገቢዓ ካታሞ ያላኔ፤ ያላ ዋልቄ ያልዚ ማዔኔ፤ ዬይ ቢያ ያዲ ማዓኣና ቢኢኒያሜ ዓሳ ዔያታ ባይሲንታይዳ ጌሊ ዓኣሢ ሃጊ ዔሪባኣሴ።

35 ይህ ደብዳቤ ሲጻፍ ሲሆን ጎዳ ዲሰራዊኤል ዓሳ ቢኢኒያም ዓሳ ባሻገሩት ደብዳቤ ሲጻፍ ከሌሎች ዲሰራዊኤል ዓሳ ቢኢኒያም ዓሳ ለማታሚ ደንጎ ሺያና ፔቴ ያኤታና ማዓ ያልዚ ዓንጋሞና ዓኣ ዓሲ ዋደኔ።

36 ይህ ደብዳቤ ሲጻፍ ዓሳ ያሎና ባሻገሩት ዓፄ።

ይህ ደብዳቤ ማዕከላዊ ዲሰራዊኤል ዓሳ ገቢዓ ካታሞ ኮይላ ካቲሲ ደይህ ያሎ ዓሳ ጉሙርቂ ገንሚም ገንሚም ደንደሚርኩ።

37 ዲማና ካቲ ደዒ ዓኣ ያሎ ዓሳ ከሰከ ካታሞይዳ ዓኣ ዓሳ ጉቤ ጩንቾ ዓፓርና ዋደኔ።

38 ዬና ካቲ ደዒ ዓሳ ካታሞይዳ ጩቤ ሻኣሬጉዲ ዓቂሲ ደግዳጉዲ ዲሰራዊኤል ዓሳ ኮይሎ ዓሳ ዲቦንታ ካቲ ደዒ ዓሳ ጎንታ ዋላ ገሰቲ ቤርታ ሃሺያኩ።

39 ዔያታ ዋላ ገሰቲዎ ዲሰራዊኤል ዓሳ ገንሚም ገንሚም ደንደንደጉዲኩ፤ ዲማና ቢኢኒያም ዓሳ ዔያቶ ያሎ ዓርቃያ ሃይሚታሚ ዓሲ ዋደሚር፡- «ኑ ዔያቶ ቤርታኣሲጉዲ ጋፒሴ» ገዒ ሃርሺገቲ ዓርቁ።

40 ዩካፓ ዲሰራዊኤል ዓሳ ዋላ ገሰቲ ማላቴላ ጴዴ፤ ዋዎይቲይ ገዔቴ ጩቤ ሻኣሬጉዲ ካታማፓ ዓቁ፤ ቢኢኒያም ዓሳ ገንሚም ሺሪ ዛጋያ ካታሞ ቢያ ታሚ ዓርቁም ታሚ ሎሰታ ከሰካሚያኣ ደንቁ።

41 ዲሰራዊኤል ዓሳ ገንሚ ሃንጋ ማዒ ዔያቶ ያልዚ ዓርቁሚር ዔያታ ኩዳሚ ዔራያ ዲገጩ ዋኑቶንዶ ጎይሚ ባይዜኔ፤

42 ዬያር ዔያታ ዲሰራዊኤል ዓሳ ቤርታፓ ገንሚም ማዒ ዓሲ ናንጉዋ ዳውሎ ባንሚ ጳሽኩ፤ ጋዓንቴ ዔያታ ቶላኒ ደንደዒባኣሴ፤ ዲሰራዊኤል ዓሳ ኮይሎ ያሎ ዓሳና ካታማፓ ሃንጋ ከሰካ ያሎ ዓሳና ባኣኮ ዔያታ ገሌሚር ኩኩዴ።

43 ዲሰራዊኤል ዓሳ ቢኢኒያም ዓሳ ማንገ ገቢዓኮ ዓሳ ከሰካ ዛላ ዓኣ ቤዛ ሃላንዳኣና ዳውሲ ደንዲ ዋዲ ኩርሴ።

44 ዲማና ቢኢኒያም ዓሳፓ ታጾ ሳሊ ሺያ ያልዚና ዔርቲ ዓሲ ሃይቁ፤

45 ሃሃ ዓቲ ዓሳ ገንሚም ማዒ ዓሲ ናንጉዋ ዳውሎ፤ ሪሞኔ ላሎ ባንሚ ጳሽኩ ደንደንቴ ዘገር ጎይያይዳ ደንጎ ሺያ ዓሲ ዋደንቴ፤ ዲሰራዊኤል ዓሳ ገዲያም ሃላንዳኣና ዳውሲ ደንዲ ላምዎ ሺያ ዓሲ ዋደኔ።

46 ዬና ከሌሎች ቢኢኒያም ዓሳፓ ሃይቁ ዓሳ ዋላ ዑፃ ለማታሚ ደንጎ ሺያ ማዓዛ ዔያታ ያልዚና ኮሺ ዔርቲ ዓሲኩ።

47 ጋዓንቴ ዓሲ ናንጉዋ ዳውሎ፤ ሃሃ ሪሞኔ ላሎ ገይንታ ቤዛ

ጳጳሱ ዳንዲ ዓኣሺንቲ ላሆ ጃኤታ ዓሲ ሌሊ ዓቴኔ፤ ዔያታ ዒኢካ ያይዶ ዓገሊ ዳዔኔ።

48 ሃሣ ዒሰራዔኤሌ ዓሳ ገንሢም ማዒ ሙኪ ዓቴ ቢኢኒያሜ ዓሶ ያሊ ዓቲንቆንታ ላኣሎንታ ናኣቶንታ ቆልሞዋ ዓይሱዋዎ ዳንቆ ባኮ ጉቤ ዎዴኔ፤ ዬዮ ካታሞኮ ኮይላ ኮይላ ዓኣ ካታሞዋ ቢያታሚና ማቸኔ።

# 21

## ቢኢኒያሜ ፃጳ ዔካንዳጉዲ ጌይንቲ ላኣሎ

1 ዒሰራዔኤሌ ዓሳ ቤርታ ማፂጳይዳ ቡካዎ፡- «ዓይጎ ዓሲያ ኑ ባኣካፓ ፔኤኮ ዉዲር ናይ ቢኢኒያሜ ዓሶም ዒንገንዳያ ኮይሱዋሴ» ጌዒ ጫኣቄኔ።

2-3 ዬያሮ ዒሰራዔኤሌ ዳራ ቤኤቴኤሌ ዳንዲ ዓባ ጌላንዳያ ሃላንዳኣና ያኦሲ ቤርታ ፔኤቄኔ፤ ዒማና ዔያታ፡- «ናገሊና ናገጋ ጎዳ ማዔ ዒሰራዔኤሌ ያኣዛሢዮ! ሃይ ባካ ዒሰራዔኤሌ ዓሶ ዓይጋ ሃሌይ? ቢኢኒያሜ ፃጳ ዒሰራዔኤሌ ዓሶ ባኣካፓ ባይቃሢ ዓይጎሮዳይ!» ጌዒ ጌዒ ዒላቲ ዬኤኬኔ።

4 ዛሬሎ ጉቲ ዓማ ዳራ ዒኢካ ናገሊና ናገጋ ጎዳም ማቸ ዒንጎ ቤሲ ኮሸ፤ ማቸ ዒንጎ ዒንገሢንታ ፔቱሞና ዒንጎ ዒንገያዎ ዒንገኔ።

5 ዒማና ዒሰራዔኤሌ ዓሳ ዎሊ ኮይላ፡- «ማፂጳይዳ ናገሊና ናገጋ ጎዳ ቤርታ ኑ ቡኪንታኣና ዒኢካ ሙኪባኣ ፃጳ ዒሰራዔኤሌ ዓሶ ባኣካ ዓኣ?» ጌይ ያኦጩኔ፤ ዬያ ዔያቶ ጌይሴሢ «ማፂጳ ዳንዲዋ ዓቴ ዓይጎ ዓሲያ ዓኣቶ ዎዎዶንዶኔ» ጌይ ዔያታ ጫኣቄሢሮኩ።

6 ዒሰራዔኤሌ ዓሳ ዔያቶ ፃጳ ማዔ፡ ቢኢኒያሜ ዓሶ ዛሎ ያዬሢሮ፡- «ሃና ዒሰራዔኤሌ ዓሶ ፃጳ ማኣራፓ ፔቲ ሴላዳኔ፤

7 ኦኡኒ ኦኡኮ ዉዲር ናኣቶፓ ፔቲታዎ ዔያቶም ዒንጋዓ» ጌይ ጫኣቄሢሮ፡ ሃይቁዎ ዓቴ ቢኢኒያሜ ዓሳ ላኣሊ ዔካንዳጉዲ ኑ ዎዎዳቲ ኮሸካንዳይ?» ጌዔኔ።

8 ዒሰራዔኤሌ ዓሶኮ ፃጳ ፃጳ ማኣራፓ ማፂጳይዳ ቡኮና ቡኪንቶ ሙኪባኣይ ዓኣቲ ዔያታ ያኦጫዛ ጌሌዓዳይዳ ናገጋ፤ ያቤሼ ፃጳፓ ፔቲ ዓሲታዎ ቡኪንቶ ሙኪባኣኤ።

9 ዒማና ያሎ ዓሶ ፓይዳኒ ፔቲ ፔቲሢኮ ሱንፃ ዔኤሊንታኣና ያቤሼ ፃጳ ማዔ ዓሲ ሙኪባኣኤ፤

10 ዬያሮ ቡኬ ዓሳ፡- «ያቤሼ ዳንዲ፡ ላኣሎና ናኣቶና ዓይሱዋዎ ጌሌዓዳይዳ ናገጋ ዓሶ ጩንቸ ዓፓሮና ዎዶዎቲ!» ጌዒ ታጳ ላሞዎ ሺያ ዶዲ ዶዲ ያልዚ ዓሲ ዳኬኔ።

11 ዔያቶም ዒማና፡- «ዓቲንቆ ቢያሢ፤ ሃሃ ኩሙሢ ማዒባኣ ላኣሎ ቢያ ዎዲዎቲ» ጌይ ዓይሢንቴ።

12 ዬያሮ ዬና ዓሳ ጌሌዓዴይዳ ዓኣ ያቤሼ ዓሶ ያሊ ያይዶ ጃኤታ ኩሙሢ ዉዲሮ ናይ ዴንቁ፣ ካኣናን ዓጮይዳ ሴኤሎ ጎዖ ቤዛ ዔያታ ዲንኪ ዴዔ ቤዘ ዔኪ ሙኬ።

13 ዬካፓ ዬይ ቡኬ ዓሳ፡- ሪሞኔ ላሎ ጌይንታ ቤዛ ዓኣ ቢኢኒያሜ ዓሶም ኪኢታ ዳኪ ያሎ ሃሻኒ ዎላ ጊኢጌ፤

14 ዬያሮ ቢኢኒያሜ ዓሳ ያሎሮ ዓኣሽንቲ ዴንዴ ቤዛፓ ማዒ ሙኬ፤ ዒማና ዒሰራዔኤሌ ዓሳ ዎዲዎዖ ሃሽ ያቤሼፓ ዲዒ ዔኪ ሙኬ ዉዲሮ ናኣቶ ዔያቶም ዒንጌ፤ ጋዓንቴ ዉዲሮ ናኣታ ዬያ ዓሶም ቢያ ሄሉዎዖ ዓቴ።

15 ናንጊና ናንጋ ጎዳ ዒሰራዔኤሌ ዓሶ ፃጰ ባኣካ ዓኣ ፔቲማ ባይቃንዳጉዲ ማሃሢሮ ዴራ ቢኢኒያሜ ዓሶ ዛሎ ዒናፓ ያዩ።

16 ዬያሮ ዬያ ቡኬ ዓሶኮ ሱኡጋ፡- «ቢኢኒያሜ ፃጰ ዓሶፓ ላኣላ ኩዳሢሮ ሃይቁዎዖ ዓቲ ዓኣ ዓቲንቃ ላኣሊ ዔካንዳጉዲ ኑ ዎዴቲ ኮሽካንዳይ?

17 ዒሰራዔኤሌ ዓሶ ፃጰፓ ፔቲ ሴላዲ ባይቁዎጉዲ ቢኢኒያሜ ዓሶ ዳካላ ዓሰ ዴዳንዳያ ኮይሳ።

18 ጋዓንቴ ኦኢ፡- ኦጊዳፓ ዓይጎ ዓሰያ ፔኤኮ ዉዲሮ ናይ ቢኢኒያሜ ፃጰም ዒንጌያ ማዔቲ ጋዳንቁንቴያ ማዖም፣ ጌይ ጫኣቁሢሮ ኦኡኮ ዉዲሮ ናኣቶ ዔያታ ዔኮም ኑ ጋዒ ዳንዳዑዎሴ» ጌዔ።

19 ዬካፓ ዔያታ፡- «ሌዓ ለዓ ሴኤሎይዳ ናንጊና ናንጋ ጎዳ ቦንቻኒ ጊኢጊሾ ቦንቻ ኬላ ዑኬ።» ጌይ ማሌ፤ ሴኤሎ ጌይንታ ቤዜላ፡- ቤኤቴኤሌኮ ኬዶ ዛላ፣ ሌቦናኮ ደኣሎ ዛላ፣ ቤኤቴኤሌና ሴኬሜናኮ ባኣካ ዓኣ ጎይዖኮ ዓባ ኬሰካ ዛላ ዓኣያኮ።

20 ዬያሮ ቢኢኒያሜ ዓሶም ዔያታ፡- «ዴንዲ ዎይኖ ጎዡ ጋራ ፑኒንቴ ዴዑዎቲ፤

21 ካካፑዎቲ፤ ቦንቻ ኬሎና ሴኤሎ ዓጮ ዉዲሮ ናኣታ ኮዖሮ ሙካኣና ዎይኖ ጎዡ ጋራፓ ኬሰኪ ዒንሢ ፔቲ ፔቲሢም ማዓ ዉዲሮ ናይ ማሪ ማሪ ዔኪ ዴንዲዎቲ።

22 ዬያ ናኣቶኮ ዓደንሢ ማዔቲያ ዒሽንሢ ሙኪ ዒንሢ ዓርቁቲ፡- ኦ ዔያቶ ዔኬሢሢ ያሊ ዎልቁናቲዎሴ፤ ሃዳራ ኑና ማኣሩዎቲ፤ ዒንሢያ ናሽኪ ኦም ዒንጊባኣሢሮ ዒንሢ ጫኣቁ ጫኣቁማ ዒንሢ ጎማዓኬ፣ ጌዒ ዔያቶም ኬኤዛኒ ዒንሢ ዳንዳዓ።» ጌዔ።

23 ዬያሮ ቢኢኒያሜ ዓሳ ዲማይዳኔ፤ ዔያታ ፔቴ ፔቴህ ሰኤሎይዳ ኮርጋ ዉዲሮ ናኣቶፓ ሚሪ ሚሪ ዔኪ ፔ ዓጮ ዳንዳዖ ፔኤኮ ካታሞ ገንህ ማዢ ዲኢካ ናንጋኔ።

24 ዲማና ሃንጎ ዲሰራዔኤሌ ዓሳኣ ፑቤ ዳንዳኒ ዔቋ፣ ፔቴ ፔቴህ ፔ ፃጶ ፃጶ ባንህ፤ ሃሃ ፔ ቶኦካ ቶኦካ ናንጋ ቤዘ፤ ዬያጉዲ ፔ ማኣሪ ማኣሪያ ዳንዳኔ።

25 ዬኖ ዎዶና ዲሰራዔኤሌ ዓሰኮ ካኣቲ ባኣሴ፤ ዬያሮ ፔቴ ፔቴ ዓሳ ፔኤሞ ኮሺ ማዔ ባኣዚ ማዲ ማዲ ናንጋኔ።



**ጌኤዢ ማጻሕፍት**  
**The Holy Bible in the Maale language of Ethiopia,**  
**using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

**ጌኤዢ ማጻሕፍት**

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

---

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929